





M

V  
VI  
2)





M

V  
VI  
29







ILLVSTRIVM  
ANACHORETARVM  
ELOGIA

Siue  
RELIGIOSI VIRI MVSAEVVM

Auctore  
D IACOBO CAVACIO  
Patauino,  
MONACO BENEDICTINO  
Congreg. Casiner.

*Biblioth. S. Antonij Schöner Diarm*







SANCTISSIMO DOMINO  
D. ALEXANDRO VII.

PONT. OPT. MAX.

IO. BAPTISTA BECCIUS MONAC. CASINEN. F.




BEATISSIME PATER.

**R**euoco in aspectum publicum Ca-  
uacij Anacoretas, ne multorum  
desiderium fatigari diutius pa-  
tiant, aut insidijs temporis peti ce-  
lebritatem Collegæ meritissimi.  
Quanti sint enim eiusce Scriptoris  
monumenta Præsidibus literarum, quàm proba-  
tus ad coterminandam censoriam character, testatur, præ-  
ter communem famam, auuiditas Literatorum, qui  
volumen vix prælo subtractum certatim quæren-  
tes, ac in pluteis sacrationibus reponentes, ita re-  
pentè editionem primam absumpserunt, nullum  
vt exemplum, nullamq; paginam reliquam fecer-  
int Bibliopolis. Omnino autem restituendas pu-  
taui



taui Elogijs Icones, vtreiuforis amoenitas simul, at-  
que Scriptoris bearet legentium oculos, ac dignum  
Mufæis hocce factum tectum extaret Mufæum.  
Cui verò iuftius nuncuparem ftudium meum,  
quàm Tibi, SANCTISSIME PATER, qui iu-  
bes Pontificiam gloriam nubere Anacoreticæ,  
nimirum quàm alijs ad salutem regendis intentus,  
tam Tibi ipfi excitando, fouendoque ad Sancti-  
moniam Vicaria dignam Christi potestate. An  
etiam fupinos dicemus, quos exhibet Stemma Chi-  
fium, Montes aggestos, quorum vel folitudo euo-  
cat curis publicis, vel celfitas aëtra contingens ani-  
mos ad Cælum euehit? Infpiciuntur Anacoretas  
inter Sanctiffimos immitti errorum labe infecti  
Ortis, Didymus, & Euagrius. Sed Tibi Religio-  
nis Vindici Iuftiffimo fiftimus, & quorum reli-  
gionem probes, & quorum damnes impietatem;  
Pastorisque Maximi munus à Christo creditum  
exequens, habeas, quas à dextris oues colloces, &  
quos hædos à finiftris. Vtinam in illarum ego for-  
tem vocer. Hanc certè pollicebor mihi, fi dexteræ  
Tuæ AVGVSTA MAIESTAS benedictione me  
dignum fecerit, quam ad osculum sanctiffimorum  
pedum pronus imploro.



## LECTORI PIGNORIS.



**N**EMO fortè melius nostra hac ætate monstravit quid valeat viuida, & felix ingenij ab ipsa natura vis, quam IACOBVS CAVACIVS condiscipulus olim noster, & amicus omniũ horarũ. Is enim tenui patre natus, in tenuiore censu, neque magno admodũ profectũ apud Præceptorem Grammaticum in ipsa pueritia instructus, Casinẽsi familiæ, in clarissimo Cœnobio, cui apud nos D. IVSTINA tutelar̃is est, grandis jam natu, nomen dedit. Vbi rara acerrimæ indolis felicitate, partim in exacto tyrocinio monasticæ institutionis, partim in quotidiano, celebrique precum horariarum penso, Literas latinas didicit eo Genij plausu, vt & prosa, & versu seria quæque, iocosa etiam pangeret, luderetque ad miraculum. vsque. Historiarum Libri sex brevissimo temporis intervallo absoluti, eruditorum manibus teruntur, quos Phoenix Literatorum, Isaacus Casaubonus vnice mirabatur. Eodem naturæ fauentis impetu delineantem, penicillos tractantem, varias literarum figuras artificij planè manu ducentem, acu pingentem, Ichnographicas, & Ortographicas ædificiorum formas describentem, & explicantem vidimus olim non semel, & quidem stupentibus magni nominis Architectis. Ad hæc rei harmonicæ peritiam eo successu sibi comparauerat, vt & canere ad morosiorẽ illam Ecclesiasticam normam, & modulari ad recentioris concentus delicatas leges apprime nosset. Elogia hæc sacra, magni operis exiguam sectiunculam, vnius anni spatio elaboravit, pressus ingenti mole negotiorum, quibus par omnino erat, seu factò, seu consilio, seu elo-

seu eloquio esset opus : ingens omnino ornamehtum futurus , &  
religiosa familia, quæ alumnū suū certā spē ad maximā quæ-  
que destinauerat, & non ingrata Patria, quæ illum inter præcipua  
gloriæ suæ cōlūmina iam tum adnumerabat , ni Mors sueta illu-  
dere mortalium votis , & optima quæque, in ipso plerumque flo-  
rentis gloriæ exordio, surda & implacabili falce sibi demetere , su-  
bita ingentis morbi veluti ruina oppressisset Venetijs annos natum  
V, & XL. anno salutis M. DC. XII.





*Vitifera colles, FORTVNATIQVE recessus,  
Exprimeret cum vos calamo CAVACCIVS aureo,  
Fama est, Medoacum gemmisque, auroque superbum  
Fluxisse, & preciosa impleffe aspergine ripas.*





Hospes Elysios mirari desine Campos.  
Religio Elysios hic habet alma suos.







Vixit in abrupto BENEDICTVS vertice monti.  
Hoc propior cele, quo magis vrbe procul.

Virgineum florem terreat amor Cupido.  
Quon pater implicuit sensibus, et necuit.



# D. BENEDICTO.

PRAESTITI. PATRONO. VNDIQUE. OPTIMO.

M. ANACORETARVM. MAX.

COENOBITARVM. MAX.

CVIVS. DONVM. EST. SI. QVID. EST.

QVOD. ESSE. VULT. ASSECLA. IACOBVS.

CAVACIVS. PATAVINVS.

SVAE. MENTIS. SVI. CALAMI.

VOTVM. PENSVM.

HOC. MVSAEVM. EREMO. RVDE.

AT. NON. RVDIS. ANIMI. MONVMENTVM.

PERPETVO. SACRAT. DICATQVE.





AD DIVVM PATRIARCHAM  
B E N E D I C T V M

Operis excubito rem .



VOD in hoc operis pene vestibulo Tu cō-  
spiciare, BENEDICTE, Anacoretarum  
maxime, Cœnobitarum maxime, id verò  
summa cum ratione factum est: vt enim  
omittamus, hoc omne, quod in oculos de-  
inceps incurret, elaboratū fuisse ab-  
aslecla quondam tuo, qui nomen dederat religio-  
sissimo Cœnobio, quod certat etiam nunc  
cū multò clarissima illa denominatione, quæ tuum olim Casinū  
attigit, quis te non Prodromum tot splendorum siderum in  
hac statione libenter conspiciat, qui tractus terrarum occidentes,  
vitorum tenebris circumfusus, veluti exoriens Sol, nitidissima  
luce perfudisti? Hoc tibi iure sane optimo debetur, cuius nomen  
non inane quidpiā, nuda voce tenus significauit, cuius vita iuge  
& perpetuum senium, sine aliqua pueritiæ, aut adolescētiae labe,  
vnico tenore decucurrit. Tu enim id re, quod nomine, fauente  
Deo, præstitisti, vt esses benedictus vberiore cumulo gratiæ, &  
sisteres te numini vocāti, spreta auita nobilitate, posthabitis ho-  
nestissimorum parentum studijs, prælata Sublacensi solitudine  
celeberrimæ frequentiae Romanæ vrbs, & amore literarum  
in amorem cælestis Patriæ commutato. Tu patrator rerū supra  
om-


omnem fidem admirandarū, cum & intima cordis noſſes, & inanima tibi ad nutum vi diuina præſto eſſent, & ea præſtares, quæ non niſi Deo ſummopere coniuncti conſueuerunt, tecum tamen habitaſti, neque te tranſuerſum abripi paſſus es in imos, & præferuidos illos vortices, qui perpetua vertigine circumagunt ſuperbas, & nimiū ſibi fidentes animas. Te beatum, BENEDICTE, te benedictum, BENEDICTE, cuius memoria in benedictione eſt, quem Dominus præuenit in benedictionibus dulcedinis, cui benedictionem omnium gentium elargitus eſt, vt ſcilicet fruereris benedictione non opimi ſoli, aut roſcidi cæli, ſed vbertate ſpiritus pinguis, & copia cæleſtium deliciarum abundè beateris. Adſis interim, o Pater, & hoc veſtibulum lumine tuo colluſtra, filioſque tuos, quos in Chriſto genuiſti, edoce, veſtigijs tuis inſiſtentes veras diuitias, & bonam mentem amare, vt potiantur aliquando ea quiete, & ſecuritate, quam hæc nobis obuia peritura bona laruato, fucato cultu vt vt polliceantur, minimè tamen præſtare certum eſt.

*Laur. Pignorius.*

Impriatur.

*Si videbitur Reverendis. Patr. Mag. Sac. Pal. Apostolici.*

*O. Archiep. Patrac. Vicefg.*



Impriatur.

*Fr. Raimundus Capisuccus, Sacri Palatij Apostolici Magister,  
Ordinis Predicatorum.*

1482



AD AMICVM HOSPITEM

I N

MVSAEVM ILLVSTRIVM  
ANACORETARVM.



P R A E F A T I O :



TINAM, amice hospes, Larij lacus, & proximæ regionis amœnitatem, Musæo huic nostro præfari possem, qua iucunditas tuo genio, rebus nostris ornamentum accederet. Fortassis ea, quæ in religiosa domo minus splendide oculis tuis exhibentur, loci felicitas iuaret; & qui in minima re voluntatem exceptoris aliquam putas, etiam diceres, illum supra vires aliquid appetiuisse. Potuit Paulus Iouius Episcopus Nucerinus,

Pliniani fundi heres, veteres illius delicias scriptis, & ædificijs instaurare, at in ipsa prope Larij ripa genitus, paternis opibus, & principum favore adiutus. Adiecit ædibus ornatissimis Musæum illustrium virorum imaginibus conspiciendum, quas cruditio, vel militaris gloria euexit; sed affuit eidem Romæ occasio ab aula Summorum Pontificum, quibus perquam familiaris etiam cæterorum principum benevolentiam asscuerus est, qua ipsorum, & auorum imagines adeptus facile potuit Musæum magnis accessionibus exornare. Demum auxit rerum suarum magnitudinem ingenio pereleganti, multiplici doctrina, atque eximia in scribendo felicitate, qua celeberrimos priscae ætatis scriptores æmulatus,

A

tanto

tantò ad eos propius accessit, quantò mediocres eorum citatiore gressu  
 anteuertit. Nobis autem, quibus neque opes, neque ingenium ad vo-  
 ta contingere, vna laus erit, simile quippiam cupiuisse, dum rebus è di-  
 gnitate gerendis fortunæ liuor intercedit. Quod aspicias Cœnobiolum  
 Fortunato Martyri dicatum, veras amplissimi Monasterij D. Iustinae de-  
 litias, iam olim senectuti, & ocio literario seposui meo. Et quamuis  
 nullis ad luxum, paucis ad ornatum ædificijs abundet, tamen necessa-  
 ria vsui, & frugalitati Monachorum sic administrat, vt si commodum,  
 nitorem, vel prospectum intueare, id iure non paucis & ditioribus, &  
 frequentioribus præferas. Hoc in tumulo situm est, qui, vt cernis, leniter  
 assurgens, proximo imminet Medoaco fluuiio ex alpibus Tridentinis de-  
 fluenti, perinde atque turgentes illius iras, quibus frequenter Pataui-  
 num agrum populatur, subiectis accolis de specula præmostrare velit.  
 Flumen porro, quod alluit Cœnobioli nostri ripas, nauigijs ineptum,  
 est ob ingentia saxa, quæ secum rapit, quando niuibz æstu solutis, vel  
 pluuijs autumnalibus exundans, turbido cursu rupes, arbores, domos-  
 que euellit. Sed è saxis, quæ lintres arcent, altera est voluptas, dum  
 fluctus his colliduntur edito murmure, qui vel ipsi vigiliæ somnos con-  
 ciliet. Pisces alit, & si non plurimos, tamen haud vulgares. Quà ædes  
 in occasum vergunt, pulcherrima se se offert pars agri Vicentini ab ipso  
 fluuiio vsque ad colles extensa, deinde montibus obiecta, quos Cimbri-  
 um reliquæ occupant, adhuc suas clades, & Caij Marij victorias, cor-  
 porum proceritate, ferocia, & antiquo idiomate contestantes. Quà  
 Aquilonem spectant, Bassanum conspicitur Oppidum vrbibus conferen-  
 dum, & pluribus earum longè amplius, si ciues, opes, & ædificia co-  
 gites, quibus splendide admodum nitescit. Finditur ab ipso Medoa-  
 co, sed ponte coniungitur sublicio quidem, sed qui marmoreis præstet  
 vastitate, & elegantia, quam incolæ ad publicum decus maxima im-  
 pensa tuentur. Hæc breuior in Germaniam traiectus est, vnde mercium  
 confluxus, & commæantium frequentia, quibus oppidi res eximie au-  
 gentur. Hæc in orientem Taruissinos, eà in meridiem Patauinos fines  
 aspice quàm pulchrè de cultu, & fertilitate certent. Haud facile di-  
 gnoscēs, vtros natura liberaliùs ditauerit, aut hominum industria ad  
 eam frugem perduxerit. Regio tota villulis, & ædibus abundat, qua-  
 præ ceteris Venetæ vrbis Patricij regali sumptu extructas, etiam condi-  
 gno rerum omnium apparatu instructas habent. Cælo fruitur adeo sa-  
 lubri, vt à plerisque nimis tenue, purumque prædicetur. Hyemis rigo-  
 rem montes temperant in septemtrionem protensi, quo fit, vt præter  
 ceteras hortorum delicias, etiam exoticæ arbores hic felicius degant,  
 germinent, nec Liguriæ, vel Benaci ripis facile concedant. Gens ita  
 litera-

literarum, vt armorum studijs apta; sed his aliquanto addictior, quòd ex animi elatione frequenter in cædes ruat, atque iniurias etiam leuiiores acerrimè vlciscatur. Ceterum erga diuinam rem egregia omnium pietas, ciuiles mores, mira erga hospites officia. Hic igitur lares statuimus nostræ senectæ, quandiu licebit ex indultu Maiorum, quibus libertatem, ac voluntatem nostram submisimus. At hospes, dum Musæum audis, non tamen arbitreris velle nos specioso titulo Iouianum illud æmulari; nam in pari studio longè dispar ludit fortuna. Nos à pubertate intra claustra educati, de Monachis scribentes, ingenitæ moribus, ac stylo humilitatem sequimur, ideo etiam tabulas consulto comparationi subducimus, quia neque artificis ingenio excellunt, neque imagines ex aspectu reddunt. Quis enim pictor in deserta feris metuenda penetratit, vt seminudi senis vultum situ squalentem exciperet? Tu Iouium Episcopum; diuitem, eloquentem, & Regum clientelis fortunatum nosti. Nos hic delitescentes, rudes, & aulæ ineptos quis norit? Ingenium eadem cupit, paupertas negat. Attamen mihi ipsi defuerim, nisi vno exemplo, Maximi Pontificis permotum dixerò, his maiora animo concepisse. Clemens VIII. vt ab negotijs, & aulæ frequentia interdum fatiscentem animum leuaret, pingi in Vaticano iusserat celebratiores totius Italiæ Eremites, quæ cupiditatem tranquillioris vitæ, ac studium sanctæ austeritatis augerent. Enimuero inter eas Sublacenses rupes Benedicti nostri specu, & vestigijs clarissimæ. Vallis umbrosa Ioannis Gualberti laboribus, & foetu nobilis. Iuga Camaldulensis inter niues Apennini sanctitate, & arduis Romualdi institutis calientia; atque Aluernæ montes Francisci sanguine, & Seraphicæ visionis gloria illustres. Has tum primum Musæo nostro expressas minoribus tabulis intulimus, deinde libido sensim nos incescit, vt celebriorum etiã Eremitarum imagines in eodem conclauì dedicaremus. Ea propter pictori opus locatum est non infimo. Elogia prope quadraginta, quot ipsæ tabulæ, ipse conscripseram, vt in Musæo nihil vacuum esset, præterquam desideria amplioris loci, & fortunæ. His substitueram nihil ultra moliturus, cum è Germania res prodijt, quæ, sicut extructi nuper Musæi Religiosi laudes mihi præripuit, ita ad plura elogia animum incitauit. Ioannes, & Raphael Sadelerij accurati Celatores Eremitarum imagines à Martino Vossio delineatas in tabellis æneis sculpsérant, & euulgauerát, quibus alteras Mulierum Eremitarum adiecerat Adrianus Collaertius æquè auidè ab Italia nostra susceptas: nam Vossius his regiones appinxerat alicubi peramœnas, alibi horridas; has siluis, & rupibus, eas fluuijs, aut mari ornaauerat, vt vario aspectu mens impensius oblectaretur. Arrisit inuentum commoditati, vt Patrum imagines paruo



volumine circumferrem, quas domi maiores tabulae vix continerent. Et quia meis iam olim elogio subieceram, non displicuit idem officium vniuersis praestare, & ab earum serie nec punctum desistere. Impellebat animum obscuritas historiarum, quam apposita distica haud satis illustrarent: sed praecipue anxium agebant imagines quorundam extra limen Catholicae Ecclesiae eiectorum, quas pictor immistas memorijs Sanctorum sedè honestauerat, cum Summorum Pontificum, & Conciliorum censura haereseos damnati, digni habeantur, qui sola nominis turpitudine, & detestabili exemplo, posteritati innotescant. Habes igitur, amice hospes, Musæi initium, & consilia. Nostram ipse vtilitatem meditare, quando erga diuina obsequia tepidiores, talia nobis ob oculos statuimus specula alacritatis, & asperitatis. Hos itineris duces sequi imperamur, hos aspicere, qui salebrosam, arctamque viam ad perennem felicitatem labore, & continentia ceteris strauerunt. Horum meritis res nostra creuit, horum precibus stat, ac horum tutela defenditur. Excitant torpentes animos egregia hæc virtutum exempla, ut si quos pigeat imitari, etiam pudeat genus suum ad Sanctos Patres referre, cum ab eorum motibus in turpe ocium, & sacrarum rerum incuriam, prolabuntur.







# PAVLVS THEBAEVS.



VNC ab eremo primum religiosè exculat Eremitæ cognomen adeptum, merito principem habent quot quot aduersus oblectamenta vitæ huius pugnatu-  
 agones quæsierunt nemora, & specus, vbi à conspectu liberi cum spiritualibus nequitijs, Deo iudice, decertarent. Thebæ Aegyptiæ Pauli natalibus claræ sunt, atque longè his clariore proxime regiones tunc vel feris inhospitè, mox illius exemplo frequentes Monachorum palæstræ. Ea adolescenti incundè solitudinis occasio. Impij Cæsares, proscripta Christi fide, ipsius cultores. imperijs, ac tormentis tentari iussos, vt ritu patrio libarent, abnuentes mortis supplicio damnauerant. Proinde cedes vbique, & exilia, cum delatores etiam priuatas e-  
 des irrupentes, vel spe maioris apud Imperatores gratiæ, vel studio autè superstitionis, vniuersa tumultu miscerent. Sæpè filij parentum, vir vxoris, & fratres inuicem accusatores admissi; neque indecorum ab domesticorum sanguine præmium, & religionis opinionem petere. Adijt hoc ipsum discrimen Paulus, deferente sororio idololatra, qui cognati opibus inhiabat. Ea propter consilium fuit ad teporem vsque ebullientis tum maximè persecutionis in proxima eremo delitescere. Ibi dum abditiores recessus quærit, ad radices cuiusdam montis antrum reperit, vbi constans fama erat, cufas furtim pecunias eo tempore, quo Antonius Cleopatram deperijt, illa opes, pudorem, ac postremo vitam profudit. Testes tunc etiam incudes per ea loca, & mallei quam plures. Antrum, quod nullo fornice obtectum cæli intemperies affecisset, vetus palma tuebatur, quæ ramis latè protensis tectum, ac cibum egregiè ministrabat. Eadem, postquam vestes tempus, & vsus absumpsit, folia exhibuit, quibus aliæ texerentur. Iuxta, fons pellucidus erumpebat, qui humo proximè absorptus, videbatur ad vsum tantum leuandè sitis diuinitus immitti. En Hospes, quæ mira Dei liberalitas seruulo extorri ocia seposuerat, & quæ Anacoreticæ vitæ crepundia, & futuræ probitatis indicia edebantur, cum adulterinæ pecuniæ latibulum contempnor diuitiarum iuuenis occuparet, atque regiæ prodigalitatis scelus ibidem cultu sanctioris cuiusque virtutis expiaretur. Itaque locus ad vota accedens fugæ necessitatem in morè diuturnioris voluntatem vertit. Cæterum quæ athleta noster impetus feruidæ ætatis represserit, quæ asperrimum vitæ genus tolerauerit, atque demonum vires attriuerit, is tantum nouit, qui certaminum spectator, ac præmium

Hier. 1. 8.  
ps. 134. 13.

Euseb. Hist.  
lib. 6. cap.  
14.

Nicetbor.  
Hist. lib. 5.  
cap. 28.

## 8 PAVLVS THEBAEVS.

præmium fuit. Verùm eodem specu latuiffet cùm Paulo Anacoretarum origo, niſi Antonium eiufdem ſanctitatis, & propoſiti virum, cogitatio ſubiſſet, an ipſe omnium primus ſolitariam vitam amplexus eſſet. Iniecit Deus tam curam ſeni minimè ambicioſo, vt de viro excellentiori piè ſolicitus, eundem extemplo inquireret, atque ex humanis ereptum tumularet. Sed vbi vaſtæ ſolitudinis illius ſedes? Quod iter in inui? Auſus tamen eſt præuia fide incertum iter capeſſere, triduum oberrans, donec diuinâ ope monſtra, ac beſtias duces itineris aſſecutus eſt. Tunc Satyros, & Centauros, credita olim poetarum figmenta, Antonius allocutus ſcribitur, atque lupæ ſitientis ductu fontem, & ſpeluncam Pauli tenuiſſe. Exceptus à ſeniore longè antea præmonito virtutis ſuæ, & aduentus, agnouit præreptam ſibi inchoatæ ſolitudinis gloriam, neque inuidit. Verùm quæ oſcula, quæ in complexu lacrymæ, dum alter Pauli deſiderio, & labore itineris pene euectus, alter vltra octuageſimum annum expers confortij, ſibi mutuo aſpectu ſolaria exhiberent? Auxit huius lætitiæ hoſpes optato nuntio, quodd Tyrannorum in Chriſtianos odium, & Idolorum cultus concidiſſet, atque reddita Eccleſiæ pace, diuinæ, & humanæ res apprimè eſſoreſcerent. Etiam res accidit, quæ inter ſenes humilitatis contentionem excitaret. Fractæ iam ætatis viro cælitus alimonia erogabatur alite miniſtro, qui panis ſemiſſem quotidie afferebat. Is ad hoſpitis aduentum liberalior integrum panem attulerat, quem dum ille iure ætatis, hic more hoſpitij diſſractum velleret, integrum ad multum diem dimiſerunt. Vbi tandem eo pane, & aqua proximi fontis naturæ indultum eſt, nox ſacris precibus inſomnis tranſigitur. Sed iam Pauli mors appetebat, quam Antonius non obſcurè ex verbis ipſius ſuſpectans egerimè ferebat, dictitans ſibi adimi diem ab ipſa aurora, & ſitibundo fontem citius eripi, quàm oſtendi; quoniam nec liceret cum eo diutius commorari, neque abeuntem ſequi. Ille trëno charitatis compeſcere dolorem ſue mortis, qua breui perennem felicitatem adipiſceretur, & deſiderio inſequendi ſe obijcere Dei voluntatem, qui aſſectas velleret abundius proficere eo ſuperſtite. Ablegare deinde mœrentem ea obſequij ſpecie, vt pallium olim dono acceptum ab Athanaſio Alexandrino Epiſcopo præferret, quo, morte inſecuta, corpus obuolutum ſepeliret. Profeſtus Antonius è Cœnobio anxius pallium referebat, neque aberat à ſpecu Pauli decimum milliarium, cum illum Angelorum miniſterio inter choros Prophetarum, & Apoſtolorum ſublimem ferri conſpexit. Ea mortis ſuſpicio ſenis curſum ad reliquum iter incitauit. Beati ſenis cadauer ita genibus ad adorandum flexis, erecta ceruice, & protenſis manibus ſtabat, vt viuere adhuc, & preces fundere videretur. Sed mors

inno-

innotuit ex silentio. Et quamuis funebres pompas vetaret solitudo, eas tamen celeberrimas egit Antonius sacrorum hymnorum, & piarum lacrymarum apparatus. Tumulus etiam prodigijs illustris fuit. Nihil aderat, quo humus fodi posset, & senilem imbecillitatem durum opus respuerat, cum bini Leones ex eremo vltiori accurrentes immani rugitu, perinde ac mortem Pauli condolerent, ad pedes Antonij procumbunt, eosque lambunt officio non vulgari. Sentit illi auxiliares ad tumulum aduenisse. Hi terram vnguibus fodere aggressi, scrobiculum aperiunt corpusculo satis, mox erga Senem gestientes, ac si missionem postularent, eo annuente, in desertum è conspectu relabuntur. Hæres ipse ab intestato defuncti Patris accepit mœroris solatium palmeam vestem, Tunica sibi Palmata cariorem, quam celeberrimis tantum diebus Paschatis, & Pentecostes ad obitum vsque gestauit. Hæc Monachorum initia, is Protoeremitæ exitus fuit, cuius gloriæ accedit toto æuo, quod centenarium excessit, fortiter executum esse, quod inconsulto cœperat adolescens.

N O T A E.



*AV LO inter sanctos statuta dies est pridie Idus Ian. Anno Decij Imper. primò desertum petiisse, defunctum Constantij sexto, colligit Baronius in Martyrologio, qui etatis illius fuit 113.*

*Vitam S. Hieronymus scripsit, quam ab Amalthe, & Macario Antonij discipulis accepisse testatur.*

*Res inter Paulum, & Antonium gesta præterierunt Athanasium, qui vitam Antonij viventis scribens, eius extrema non attigit.*

*Pallum Athanasij prophetice à Paulo quasi in mortuorum corpori innotuerum, fuisse symbolum Catholice cum Athanasio communionis, idem Baronius pie meditatatur in tertio Annal. ubi etiam plura affert aduersus illos, qui de Centauro, & Satyro ambigentes, historiam in dubium vertunt. Præter ea, quæ de his, & marinis Tritonibus ex Plinio, & Alexandro ibi habentur, inter scholia Mariani Vileij mentio est de Satyro Sylla Dissertoris tempore inuento.*

*Posse humanam speciem cum bruta sibi maxime simili commisceri, nos testem habemus historiam apud Lusitanos decantatam, & à scriptoribus, Barrio præsertim repetitam, damnata mulieris, quæ apud Insulam desertam relicta, & à Simio compressa, eidem filios peperit. Eos tamen expertes fuisse rationis sentiunt omnes, qui nouerunt, substantialem hominis formam, nempe ipsam rationem, ab excellentiori agente præcipue deriuare, quæ Simius carebat. Sed neque res integra haberi potuit ex ipsa filiorum natura, quia Simius, femina fugiente ob oculos, illius è navi aspicientis filios discerpit. Hinc apud nos Centauro, & Satyro, etiam fides. Sed mouent animum Satyri huius verba dicentis, se gregis sui Legatione fungi, & Antonium intercessorem cupere apud communem Deum, quem pro salute mundi aduenisse cognouerant. Hæc*

# IO PAVLVS THEBAEVS.

non solum rationis vsum praefert, sed etiam quippiam fidei lumen ostendere lector probè cognoscit, quæ tamen longè absunt ab ingenio illius monstri, quod alicuius momenti, & auctoris summa integritatis, & eruditionis, licet homini imperito iudicium intermiscere, cogitarem libentius, naturalia quidem monstra extitisse, sed miraculose de admirabili Dei prouidentia erga mundi salutem elocuta. Video enim hic, etiam Coruum panis dimidium quotidie afferre, & ad hospitis aduentum annonam duplicare. Vel etiam spectra dixerim diuino permissu oblata Antonio ad itineris indicium, & vita subsidium; nam Satyrus idem scribitur, Seni palmarum fructus exhibuisse.

Ex Arab. Corpus humo effossum iussu Emanuelis Imp. Byzantium translatum, deinde an-  
Ecc'of. S. no 1240. Venetias cura, ac pietate Iacobi Lanczio Veneti Senatoris exportatum, in  
Iuliani. D. Iuliani Aedibus piè adhuc seruatur, & colitur; corporis eiusdem parte aliqua  
Ludonico Hungaria Regi S.C. concessa anno 1381.





THE HISTORY OF THE  
LIFE OF THE  
LORD OF THE



## ANTONIVS AEGYPTIVS.



EGYPTVS etiam apud veteres foedè superstitiosa, exundante postea Euangelio, velut Nilo altero fecundata, religiosis apprime viris exuberavit, quorum plures martyrio, plurimi vitæ asperitate claruerunt. Hi non longè à suis villulis, vè sacris rebus impensius studerent, sibi primum cellulas extruere, deinde, populorum frequentiam perosi, desertas regiones petere, vnde nouercali quadam naturæ illiberalitate

*Athanasius  
Episcopus*

cuncta humanæ vitæ solatia exularent. Alterum id martyrij genus, *Sozom lib. 1. cap. 17.* sed vltroneum. Nam quisque sibi ipsi bello indicto, antequam aduersus Dæmones dimicaret, ne domesticorum transfugijs vires hostium augerentur, carnem, quæ ad cognatum hostem facilius descisceret, locorum asperitate, labore, ac inedia macerabat. Et si alibi vnquam fortiter pugnatum est, hic fortissimè, vbi Dæmon totus prodijt, neque vt olim spectris, vel suadela, sed in grassatorum morem flammis, ac ferro sæuus. Horum pugilum ducem Antonium tum veteres, tum recentiores efferunt, qui ab eo malè cæsus, & semimortuus relatus, cruentis adhuc plagis ausus fuit certamen instaurare, atque sæuiora sustinere, donec Christus militem suum benigno affatu consolaretur. Inde dialogismus ille cæteris athletic, vel stimulus, vel solatium. Vbi eras bone Iesu, vbi eras? Hic aderam spectator agonis tui. Idem intra castra ( Aethnicorum sepulcra ) hostes audacior persecutus nos docuit, vires Dæmonis non eas esse, quæ Christianorum fidei, & innocentiae diutius reluctentur. Sed nihil de eo minus fuerat sperandum, qui pridem erogato pauperibus patrimonio, diues vno beatæ æternitatis desiderio sponte cæteris omnibus egere cœperat, atque manu industria sibi victum quærere. Eadem animi magnitudine, qua opes contempserat, etiam voluptatum illecebras, & Veneris procacitatem cum spreuisse, etiam fornicarius Dæmon ab eo sæpius repressus, ac profligatus egregiè fassus est. His itaque virtutum auspicijs beatiorem vitam capessiturus, ad instar cæterorum cellula se se tradidit, vnde celebriores patres inuisens, more apis, è singulorum floribus succos hauriens virtutis, fauos aliquando perfectioris instituti conficeret. Huius vigilas, & orationis studium, alterius in victu parcitatem, & morum lenitatem piè æmulatus, iam omnium vnus ipse virtutes exprefferat, cum altiora appetens, apud sepulcretum mansiunculam nactus,

B

quod



quòd ibi atrocìus hostes debaccharentur, diutius confedit. Sed quas illic iniurias, strepitus, atque verbera perpeſſus eſt? nonnihil ex his præfati ſumus, cætera horret animus deſcribere. Sat fuerit dixiſſe, acerrimi hoſtis pertinaciam, odio inuiſtam, labore indefeſſam, Antonij humilitate, & orationibus fractam exoleuiſſe. Vltiorem deinde eremum ingreſſus, inter dirutæ arcis ruinas, quas nemo præter aſpides, ac lemures coleret, obſtructo cellulæ oſtio, viginti prope annos latuit. Cibos quidam ex familiaribus afferebat, panes nempe, quibus in ſextum menſem veſceretur. Angues extemplo auſugerant, Dæmones adhuc infeſti erant, ſed viribus toties afflictiſ longè debiliores. Sed cum virtus in prodigia erumperet, & fama ſanctitatis ipſius increbreſceret, alij religionis cupidine, alij ſpe beneficiorum exciti, inacceſſum montem peruium fecere, qui etiam, non longè poſtea conſtructis paſſim manſiunculis, in ſtationem Monachorum diuertit. Horum ipſe tunc primùm Syriacæ voce Abbas nuncupatus, vagantes ſub iugo obedientiæ coegit, exemplo, & præceptis inſtruxit, vt meritò Cænobitarum anchor habeatur, quos omnium primus centuriavit. Proſus è militari ratione. Cum enim antea in eremo veles extra ordines militaſſet, æquum videbatur, vt poſtea in Cænobio ſtatarius ordines duceret vbique victor, vbique magnus. Plura illic miracula edidit, & in Dæmonibus depellendis præcipua. Martinianus quidam Tribunus militum, cuius filiam hi infeſtam agebant, iuſſus ab Antonio fidè agere, cum abiens, fidensque Ieſu Chriſti nomen inuocaſſet, puellam incolumen recepit. Arſit etiam Pater Martyrij cupiditate, qua ſecutus aliquando fideles Alexandriam pertractos, non ſemel ſe ſe Chriſti teſtem obtulit, etiam ſpe ſubeundæ necis ipſis perſecutoribus iniurioſus. Sed diuina ratio diſcors ab eius voluntate Martyrium, & perſecutionem, ſuſtulit. Igitur ad montem ſuum reuerſus, cum adeuntium frequentiam iniquis ageret, ad ſuperiorem Thebaidem fugam iniuit. Diſſenſit tunc etiam Deus ab eius voluntate, & vocis ſuæ oraculo ab itinere retractum in vltiorem eremum impulit, Sarracenos eò mercatores ſequi iuſſum. Illic prope montem aquæ riſculo, & proximo palmeto vitæ aptum, quamvis alibi tota eremus ſqualeret, ſubſtitit diutius. Acceſſit leniendo ſolitudinis tædio cultus hortuli, & agelli, vnde meſſis, & obſonium. Sed quid imperium charitati? Diſcipuli, quos diximus in priori Cænobio ab eodem inſtitutos, Patris deſiderio incenſi, quem illic audierant conſediſſe, eò irrumpunt maximo tamen vitæ periculo, quod regio fabuloſa puteos, ac fontes vetaret, atque nonnullos ex hiſ ſiti enecaſſet. Horum tandem precibus deuictus Cænobium, & patriam repetijt; neque tamen huius reſceſſus memoria adeo oblitterata,



ut eum sæpius non reuideret. Ita Aegyptus Antonij magisterio diu scho-  
 la virtutum, & sanctitatis fuit; nam præter exemplum continentiae,  
 quamvis ingenium nullis literarum studijs, sed tantum orationis, &  
 meditationum frequentia excoluisset, tamen altiora quæque fidei my-  
 steria penetrabat, eaque aduersus Gentes, & Hæreticos doctè, ac di-  
 fertè tuebatur. Porro Ariani veteratores, ut miram eius sanctitatis,  
 & doctrinæ opinionem in suam rem traherent, falsò apud Alexandri-  
 nos vulgauerant, fauere Ario Antonium, qua voce nihil grauius Ca-  
 tholicorum mentes concussit. At ubi religioni, & famæ consulturus  
 ipse Alexandriam venit, & assertorem se gerens Catholicæ veritatis,  
 eorum imposturam detexit, non minimum visus est Ecclesiæ contulisse.  
 Verùm Aegyptus iam minus capax ipsius gloriæ, famam Byzantium,  
 usque apud Constantinum, & Cæsares filios ablegauerat, qua permo-  
 ti, illum patris titulo nec semel literis salutarunt. Neque tamen Au-  
 gustorum ea de se opinio quicquam suæ humilitati detraxit, quin  
 longè humilior effectus, cum oblatam Cæsarum gratiam minus appete-  
 ret, minimos tamen Ecclesiæ ministros semper maximi fecit. Conse-  
 cuta est etiam in deserto occultantem se gratia prodigiorum, ex qui-  
 bus Frontonis viri Palæstini insignis curatio fuit. Is pessimo genio cor-  
 reptus dentibus linguam, digitis sibi oculos ledere, ac lumen ipsum  
 odisse. Cum ad virum Dei perrexisset, & salutem obnixè precatus  
 esset, iussus ab eo in Aegyptum redire, statim ac regionis illius fines  
 attigit, Dæmone exemptus est. Auxit & Antonij decus virgo Tripoli-  
 tana, cuius è naribus, atque oculis excrementa defluentia illico in ver-  
 miculos putrescebant. Eadem paralyti totum corpus dissoluta, oculis  
 denique oblique contortis, miserum sibi ipsi supplicium viuebat. Tunc  
 fortè Monachi quidam ad Cœnobium Antonij iter agebant, quos pa-  
 rentes secuti, apud Senem precabantur, pro salute filij legatione fungi.  
 His, cum grauiter pro officio agerent, Senex dixit, scire se quale paren-  
 tum fuisset consilium, quibus morbis puella affligeretur, & ubi substi-  
 tisset, Legationis euentum expectatura, sed iam pro incolumitate eius  
 me exorasse vel ipsi cognoscetis, cum redeuntes restituta incolumitate,  
 lætam ipsam, ac parentes reperietis. Ita prorsus nonagenarius iam  
 Pauli Primi Eremitarum funus curauerat, & Ammonis Nitriotis ani-  
 mam Sanctorum turmis circumvallatam aspexerat cœlum ascendere,  
 eam patriam suspirans, sed nihil de inita olim vitæ ratione remittens.  
 Adijcitur his virtutibus Prophetiæ donum, quo cruentam Arianorum  
 in Catholicos grassationem didicit, & discipulis causam mœoris sci-  
 ficantibus, post imminentem tempestatem, quam desolebat, asseruit,  
 mox secuturam tranquillitatem. Etiam Balacio cuidam Arianorum pa-

*Soz. m. lib. 1. cap. 13*

*Eliron. in Paul.*

*Throdor. hist. lib. 4. c. 19. & 20*

trono mortem præscripsit, quæ vaticinium subsecuta est. Mortem verò suam, quam diu antea expectauerat, cum annum ageret quintum, supra centesimum, & prudens prospexit, & religiosus pia alacritate suscepit. Oderat morem Ægyptiorum, qui funerum superbè studiosi, cadauera mirè exornata humi defodere indignarentur. Propterea salutatis extremè Cœnobitis, ad interiorē crementum reuersus, post menses aliquot ætatem probè actam, probè clausit. Ibidem à discipulis suo iussu clam sepultus, videri poterat digno sui nominis sepulcro caruisse, nisi ipsum terrarum orbem famæ monumentum, & magnum Athanasium habuisset epitaphium suæ virtutis.

Cassianus  
coll. 15. ca-  
pit. 3.  
August. de  
diuersis  
Serm. 120

## N O T A E.



**C**ENSETVR in albo sanctorum sexto decimo Cal. Februarij Corpus diuinitus reuelatum Iustiniano Imperante Alexandriam deferitur, & in Ecclesia Præcursoris reconditur. Inde post multos annos sublatum apud Viennam Narbonensis Gallie urbem suscipitur, quò frequens diu peregrinatio fuit, sicut in Patanina historia meminimus, cum de Francisco Carrariense iuniore egimus.

Memoria apud Italos celebris est ex supplicio Sacrilegorum, qui facultates Ecclesie ipsius diripientes, diuino igne succensi sunt.

Vitam ab Athanasio Græce editam Euagrius Antiochenus Latinis communicauit, in qua etiam Hieronymum laborasse oportuit, qui in Epistola ad Pammachium prodit rationem interpretandi, & opus suum fatetur præfatiunculam vitæ præfixam.

Idem Antonium enumerat inter Ecclesiasticos scriptores, cuius recenset septem Epistolas Ægyptiacæ Apostolico sensu conscriptas, quas adhuc legimus in Bibliotheca Veterum Patrum.

Eiusdem præclara mentio est apud omnes fere Ecclesiasticos scriptores, Chrysostomum, Rufinum, Augustinum, Theodoretum, Socratem, Sozomenum, & alios.





## HILARION PALAESTINVS.



VIS, Hilarionem audiens, apud parentes Idololatrias Christianæ militiæ rudimenta posuisse, ac deinde sub Antonio militasse, non illico dixerit, æquaturum summos Imperatores? Quippe maximus adipiscendæ arti stimulus est magistri gloria, optimaque industriæ mater rerum initijs inmissa difficultas. Alexandriæ literis traditus, quamuis cum eruditione plurimam ingenij laudem, assequeretur, tamen se se frequentius è schola

*Hier. epi  
Hilarium  
1017.*

in Ecclesiam proripiens, nulla vel coeutorum societate, vel spectaculorum cupiditate illiciebatur. Ineunte pubertate celebrem Antonij famam in desertum secutus, abiecta ex templo togula sacræ militiæ sagum induit, atque sub eo didicit tenera adhuc manu acerrimum quodque armorum genus tractare. Mirum quàm breui illic militarem disciplinam fuerit assecutus. Nam bimestri spatio tanti ducis exemplo ausus est hostium impetus oratione excipere, vigilijs stratagemata eludere, ieiunijs aggredi, atque humilitatis ordine vbique retento, se se tutò in castra charitatis recipere. Tyroni initium fecit dignioris stipendij inimica solitudinis frequentia populorum, qui salutis, vel religionis causa ad Antonium confluxebant. Coactus enim patriam repetere, cum parentes iam fato functos reperisset, hereditarijs opibus inter egenos dispersitis, nudus pene in proximum desertum abscessit, quod sterilitate ceteris mortalibus inuisum, latronibus mirè frequentabatur. Hic adoleseens ætatem virtute superans (quintum decimum annum agebat) sacco amictus, incertis sedibus, & fortuito cibo pererrabat, ibi somnum capiens, vbi nox ambulanti opprimeret. Sed in sterili regione qualis fortuitus cibus? Nihil præter carices, & herbas, quarum succo illum aliquando vicitasse scriptores meminerunt. Vertente anno, cum latronum pauorem exuisset, tuguriolum extruxit, coepitque sarculo terram excolere, & more Monachorum Aegypti è iunco fiscellas texere. Obstupuit perditum genus adolescentis audaciam, qui diutius auderet desertum inhabitare, cuius alij ætate, ac viribus audaciores, etiam aspectum exhorrent. Et quamuis nulla ipsius diuitiarum opinio, neque necis libido stimulet, tamen, vt incusso metu illius constantiam experirentur, nocte tota frustra quæsitum mane obuium habuere. Truces aspectus, cruentæ manus, & armorum apparatus, nihil magis animum iuuenis terruerunt, quàm si pacis nuncios exciperet.

Inqui-

Inquirentibus, an latronum incurfus timeret, respondit, nudo latrones non obfuturos. Quid si mortem intentarent? eam se paratum subire. Constantibus adeo responsis delectati, nocturnum errorem, & inferendi timoris voluntatem confessi, æquiora deinde vitæ consilia se inituros promiserunt. Abacto horum metu, qui animum sollicitauerant, tugurio cellulam adiecit (an sepulcrum?) se ipso breuiorem, vbi defessa diurno labore membra ægrè extenderet. Sed quis pro victoriarum nitore dignè referat pugnas, quibus hostem aperta vi, & occultis vbique insidijs prouocantes toties deuicit? Quot annos noctu, diuque in armis fuit? Improbis hostis nihil prætermittit, quo inuictam mentis aciem perumperet. Ostenta ad terrorem horribilia, ad molliem spectacula immundæ voluptatis exhibuit, nunc leonis, nunc vulpis artibus innocentia struxit insidias. Attamen contra callidum, & præpotentem hostem inuictus stetit adolescens, iisdem armorum præsidijs nixus, quibus ab Antonio Dæmonum vires infringi didicerat. Innumbris itaque de hoste triumphis, & gloria subactæ suæ ipsius cupiditatis clarissimus, annos duos, & viginti degerat in ea solitudine, cum fama ipsius è Palæstina in proximam Aegyptum effusa, multos eò pertraxit opem imploratorios. Omnium prima mulier prolis experts, ac propterea marito exosa, felici partu sterilitatem exiit. Altera præclari generis matrona liberos tres morti, quàm vitæ propiores, cum Dei seruum suis lacrymis, nocte appetente, in urbem deduxisset, incolumes recepit. Cæca item scæmina lumini restituta est. Obsessos Dæmonibus viros, ac bestias supra naturæ impetus in cæteros truculentiores, catenarum, ac vinculorum nexus dissoluere suetas, coram solui iussas manu demulsit, ac imperio Christi eiectis obsessoribus, pristinae quieti reddidit. Ingens proinde virtutis admiratio plures eò Monachos traxit, alios etiam plurimos suasit religiosè apud eum institui. Itaque cellula tuguriolo primùm adiuncta paulatim in Cœnobium creuit, & prædonum latebræ choro Monachorum susceperet. Quibus Hilarion ita præerat, vt prodesset. Sed iam agrorum, & pocerum affluxus cœperat torquere ipsius animum, quasi, eremo in urbem conuersa, nequiret austeritatis, & orationis studia sequi, atque veterem hostem pro desiderijs vlscisci. Biennium igitur huiusmodi curis obuolutus nunquam effugium, assequi potuit, obicem inferentibus Palæstinis, quorum aliquando decem fere millia ad suspicionem fugæ ipsius coacta, etiam piam vim minabantur. At Hilarion apertè experturus, quod clam infelicitè cupiuiisset, fama discessus consulto euulgata, dum eorum studiis retinetur, integræ hebdomadis ieiunium tolerauit, comminatus, se potius inedia è vita decessurum, quàm non recessurum. Euicit plebis pertinaciam senis

senis constantia, qui cum lacrymis dimissus, rectà in Aegyptum ad Antonij cellulam perrexit, qua lustrata, proximæ regioni iam triennium, ficitate laboranti imbres impetrauit. Inde Alexandriam profectus vix securi iam imminenti ceruices subtraxit. Iulianus Cæsar à Christi fide ad Idolorum cultum reflectens, Hilarionem à Gentilibus Gazæ Urbis delatum, quod acrius in eorum superstitiones inucheretur, edicto proscripserat, immisso lictore, qui in eum lege ageret. Aderant vbique, lictori Gazenses, & cum senem digressum accepissent, Cœnobium ipsius funditus exciderant; inde Alexandriam profecti, illum ibi ad supplicium operiebantur. Senex tunc fortè ad viculum vrbi proximum apud religiosos viros diuerterat; & quamuis auidè exceptus esset, tamen, præcipitante in occasum die, discipulos iussit, properè asellum sternere, ex templo abiturus. Indoluerè hospites repentinum abscessum, quibus ille fore dixit, vt quàm breuissimè fugæ necessitatem rescirent. Dies postera Gazenses, lictoresque, vt in Senem animaduertent, ædes irrumpunt, & diuina ope subtractum periculis, falsò magiæ notæ deturpant. Res apud hospites, vaticinium denudauit. At Hilarion deserta, vltiora euagatus, cum etiam in Oasi annum fere integrum asperrimè degisset, quò non nisi crudeli exilio damnati deportabantur, in occidentem soluens, naui Pachinum Siciliæ promontorium applicuit. Dum in proximo agello nominis sui, ac virtutis occultator tutò delitesceret, fanaticus quidam Romæ in templo Principis Apostolorum euulgauit, aduenisse in Siciliam Hilarionem, vt lateret, sed velle se virum prodere. Conscensa naui in Siciliam tendit, senis secessum adit, & ad pedes ipsius prostratus, depulso Dæmone, liber exurgit. Inde multiplex eò ægrorum, ac piorum accursus, & prodigia. Oderat ipse suam gloriam, vnde, Adriatico sinu traiecto, cupiens in Dalmatia apud Epidaurum latere, ibi longè clarior fuit. Boam ex aquis serpentem maximum regionem latè deuantem, accolarum precibus permotus, super struem lignorum conscendere imperauit, & subiecto igne incendit. Etiam, æquor maximo terræmotu nutans, quinecem Apostatæ Iuliani subsecutus est, cum in vrbe, perniciem exundaret, obuius repressit. Hæc præ cæteris priuatæ salutis dona admiranda eandem viro, nominis celebritatem, ac fugæ desiderium peperere. Cyprum clam abijt, sed parifucceslu. Agmen arripitiorum Papho, vrbe elapsum ad Hilarionis aduentum littus obsidet, naui descendente ambit, ac pene sanitatem ab eo extorquet. Ipse, præmissa ad Deum oratione, vniuersos fugato Dæmone liberos iubet, sed insignem de eo victoriam sibi in seuiorem, pugnam adsciscit: nam in proxima solitudine nactus montem, vèl Ibi-  
cibus imperuium, eò lubentius irrepfit. Inerat Idolorum vetus sanum,  
quod

Sozom.  
lib. 5. c. 2. 9.

Zosimus  
lib. 5.





quod, Dæmonum infestatione ab incolis olim desertum, hæcenus larvarum terrore gentem arcebat. Id senī pergratum obuēnit, quia cōminus poterat hostes laceſſere, & ſenilibus prælijs iucundam victoriarum memoriā ſibi refricare, quas vigente ætate ab ſingulari certamine, retulerat. Illic non alijs armis, neque artibus pugnatum eſt, quā oratione, & ieiunio, quæ illuſtrior a viſa ſunt in viro octogenario, etiam nimia vitæ aſtēitate conſectō. Poſt annos quinque ex humanis ſac̃iſſimè decedens iuſſit, Antonij exemplo, corpus ſuum clam deſodi, quod gloria virtute parta, ſe etiam inuito, plus nimio eluxiſſet. Ita vitiorum domitor, vt etiam inanem gloriam euitaret poſt mortem, vulgari tumulo ſuſceptus de ſepulcri luxu viſus eſt triumphaſſe.

N O T A E.



**R**ECOLITVR inter Sanctos duodecimo Kalendas Nouemb.  
Corpus ab Eſichio eius diſcipulo longa decem menſium ſimulatione ad ſopiendam Cypriorum de eo ſuſpicionem clam ad Maiumæ vetus Cænobium in Palaſtinā tranſfertur, quod olim ſub Iuliano Apoſtata dirutum, poſtea reſtitutum fuiſſe oportuit. Locus tamen ſepulcri in Cypro innum̃eris fulſit miraculis, ac ſi videretur Hilarion voluiſſe, eam gentem ſolatio prodigiorum conſolari, poſtquam reliquæ ablatae eſſent. Itaque Palaſtinaletati ſibi corpus Hilarionis aſſeſſe, Cyprii in ſepulcro gratiam eius ſpiritus.

Etiam Crypta apud Ragufium hæcenus Hilarionis memoria inſignis habetur.

Vitam primus græcè edidit Epiphanius Salamina Episcopus, quam Sophonius latinitate donauit. Sed longè ea ampliorem Hieronymus.

Apud Pachinum in Sicilia eundem ligna venum attuliſſe, non diſcipuli dorſo impoſuiſſe ſcribit Sozomenus, & Nicephorus; vnde laborem, & humilitatem propius intuearis.

Octogenarium deceſſiſſe ſupputat Baronius in Martyr.







## ABRAHAMVS SYRVS.



**I**NEDIA macer, quem ex amictu serino vix hominem dignoscis, Abrahamus est, quem à nuptijs amor solitudinis abstraxit, & ad totius virtutis fastigium emergenti Antistitis sui obedientia martyrij laudem adiecit. Paternarum opum largitione, iugi bello, & innumeris de antiquo hoste victorijs, quemadmodum heroes cæteros coëquat, ita antecellit triumpho nobiliore; quòd solus aduersus populos ingenio, & praua superstitione feroces, immane prælium sustentans, eos denique multa sanguinis vi coegerit Christo arma submittere. Eam prouinciam plures olim subierant tum Clerici, tum Monachi, etiam audacter speciosum facinus aggressi, sed non pertinaciter, vbi barbarus furor iniurijs, & plagis desæuijt. Proinde Episcopus vnum Abrahamum suspiciens, illum è Cellula moerentem trahit, & potestate, cui reluctari nefas est, Presbiterum impiæ plebis designat. Dispar adeo militiæ genus tantum abest illum pro vitæ periculo exhorruisse, vt in Vicum extemplo progressus, Deo Ecclesiam excitauerit, in quam, velut in arcem, sibi receptus esset, & prædæ locus, quam de hoste victor ageret. Vbi castra munijt, aduersus Templum, & Idola regionis impetum fecit, eaque diruit. At gens eam Deorum suorum stragem adeo acerbè tulit, vt apprehensum Presbiterum, cæsumque penè discerperet, vetante diuina clementia, ne extremo serui sui supplicio publicam iniuriam vltum iret. Lacerum, cruentumque arx recepit, vnde de salute gentis, quam sua sollicitior, nocte tota preces, & lacrymas fudit. Mane cum in Ecclesia orans repertus esset, barbaros stupor defixit. Liuebant adhuc membra ab recenti cæde, cum auditores aliquot ad Christi fidem exhortans, iterum à furenti populo cæditur, iniecta pedibus resti extra Vicum trahitur, saxi obruitur, & pro confecto relinquitur. Semiuiuo adhuc Ecclesia perfugium fuit, & maior effrægentis ira, & admiratio. Ita triennium alter mitis beneficio, alter iniuria ferox depugnauit. Augebat etiam Martyrij decus fames, sitis, & omnium rerum egestas, quæ viro contingebant inter insensos populos, & alieni ritus. Deuicit tandem tolerantia improbitatem, & gens paulatim capta innocentiae, & sanctitatis nitore, coëpit etiam diuinis colloquijs aures admouere. Hinc magis in dies cicuratam Abrahamo facilè fuit ab auita impietate deducere, eaque ciurata in Christi fi-

dem transferre . Moram ibi aliquam traxit , vt recens baptismate ini-  
 riatos reliqua fidei myſteria edoceret . Verùm, poſtquam fide , & pro-  
 poſito firmos ſenſit , ſeu odio erumpentis gloriæ , ſeu amore veteris in-  
 ſtituti , clam auſugit . Gloria tamen fugientem perſecuta eſt , cum illic  
 ex neophitis ſuis ſuffectum ſibi ab Epilcopo Presbiterum audiuit , in-  
 tantum vbertatis , & maturitatis ager deuenerat , quem longa patien-  
 tia cultum Martyris cruor rigauerat . Sed quem haſtenus Eremitam , &  
 Presbiterum ſpectauimus , etiam militari cultu , & luxu libidini proximo,  
 generoſo equo inſidentem ſequamur in turpem ganeam , quò illum  
 deſlexit amor proſtitutæ mulieris , & coegit conuiuium lautè vino , & car-  
 nibus inſtructo , ieiunium quadraginta annorum expugnare . Metamor-  
 phoſim aggredior . A cura paſtorali ad cellulam reuerſus , puellam  
 vnicam ex fratre deſuncto religioſè inſtituere cœperat , atque eidem  
 priorem cellulam dimiſerat , altera ſibi extructa interius , vnde per fe-  
 neſtram alloquium , & eruditio . Non aberat à religione ingenium ,  
 nam pſalmos , & preces edocta , ieiunijs quoque , ac vigilijs aſſueſcebat .  
 Poſtquam puellares annos egreſſa eſt , hæreditatem ſanè amplam eroga-  
 uit conuiuente Patruo , vt omnis curæ expers , cæleſti ſponſo impentius  
 ſtuderet . At viceſimo initæ aſteritatis anno corruiſit miſera , vitio cuiuſ-  
 dam Monachi , qui ingenioſè nequam e mentitus religionis , & doctrinæ  
 deſiderium , ad patruum ventitabat . Itaque infelix ſtupri ſœditate in-  
 deſperationem acta , ſe ſe fuga patruſ oculis ſubduxit , & quia nihil ad  
 victum ſupperebat , formam , qua mirè excellebat , in caupona quæſtui  
 euulgaui . Nocte , quæ fugam præceſſit , Abrahamo per quietem ſe ſe  
 obtulerat Draco immanis , qui præ foribus viſus columbam deglutire ,  
 in caueam relabebatur . Senex ſomnium torſit ad odium antiqui Dra-  
 conis in Eccleſiam Dei , ſed quàm longè ab iactura familiari ? Poſt bi-  
 duum ſpeciẽm adhuc Draconis aſpexit , ad fores reuerſam diſtrumpi , è  
 cuius ventre ſcædo Ipſe columbam manu incolumem educeret . Tunc ,  
 quia res iterum præ foribus agebatur , ſuſpicatus eſt , ſibi potius malum  
 portendi , quàm Eccleſiæ . Irreſpit ſuſpicio ab Mariæ ( id nepris no-  
 men ) ſilentio , cuius jam biduum nulla vox audiebatur , cum tamen  
 aliàs pſalmos recitaret aſſiduè . Hanc terque , quaterque fruſtra voca-  
 tam , illico Draconis eſcam intellexit . Fuga index aderat peſſimi cu-  
 iuſque facinoris , & in virginẽ ſuſpectabatur facilius , quod inhoneſtus .  
 Quæ aſſictio , quis dolor ? Neptem filia cariorem eò religionis , & pu-  
 dicitæ euectam , vt extra ſortem poſſet exiſtimari humanæ fragilitatis ,  
 ſua oſcitantia , ſuis ſub oculis in præceps vitiorum corruiſſe ? Hæccine  
 domeſtici pudoris , & familiæ ſuæ nobilitas , vt alter decus maculet ,  
 alter contemnat ? Poſtquam lacrymis , & quæſtibus pro facti indignitate  
 indul-

indulſit, cælum ipſum ſuſpexit, & Deo rem commiſit, interim pro virili ſcrutaturus, an miſera alicubi conſtitiffet. Ipſa biennium in turpi domicilio expoſita aduentantium libidini, etiam vitijs potuiſſet cum veterrimis ſcortorum decertare, cum patruus reſciuit, illam è fuga in lupanaris infamia conſediſſe, Num ingenuum ſenis animum poterat aliud telum altius transfigere, aut veneno ſæuiore illitum vitam ipſius ad mortem impellere? Sola virtus mortem arcuit, quam mœror infe-  
rebat. Attamen illum in aliquam ſpem erexit is, qui neptis ſtatum nunc-  
ciauerat; nam iuſſus reuerti, locum, mores, familiam probè didicerat,  
& Abrahamo fidus, immane opus aggredienti, etiam militare ſagulum,  
arma, equum, & pecuniam pollicebatur. Itaque Senex abiecto cucu-  
lo miles emergit, pileoque ampliori caluitium, & caneſcentes genas  
cælans, ſexagenario maior adoleſcens, in cauponam diuertit, neque  
inſiciatur cauſam fui aduentus cupitam diu formam illius ſœminę. Sub-  
riſit caupo diſcordem ab ætate cupidinem, ſed vt fert auarum genus,  
mulierem adducit ornatu meretricio laſciuientem. Quo incendio  
Abrahame tua facies exarſit? Quæ virtus lacrymas repreſſit? Tibi mi-  
ſellæ nepti, quæ nubes ademitt agnitionem paterni vultus? Quæ cera  
aures obſtruxit, ne blandientis vocem intelligeres, quam millies au-  
dieras pſalmos, & preces docentem? Proſecto vltra humanum ca-  
ptum diuina res. Alloquitur Pater puellam, potat, colludit, illa fa-  
bellis miſcet oſcula, neque ſenex abnuitt, immo ære dato cænam opi-  
param iubet. Poſtquam epulis, ac vino indultum ſatis, nocte iam  
ineunte, in cubiculum aſcenditur. Neptem calceas ſeni detrahare, &  
in reliquum obſequium paratam, ipſe iuſſam oſtium obſerare, deinde  
conſedere, manu apprehendit, & detracto pileo, caput aperit vene-  
rabile, Mariam appellat, precatur patruum agnoſcere, lacrymas pro-  
fundit, filiæ nomen ingeminat, iuuenilem lapſum commiſeratur, in-  
fert ſpem veniæ, & ſequeſtrem ſe diuinæ clementiæ pollicetur. Inhor-  
ruit miſera ſaxo ſimillima, præter lacrymas vitæ, & doloris indicia.  
Nulla vox penè, neque ſenſus, cum in ſceleris ſœditate defixa, hoc  
ipſum ſub ora patris ſœdiſſimum intueretur; hoc data oſcula, molles  
cachinni, hoc ipſum cubiculum, ac lectus quæſitus exprobrabant. Ter-  
ram ſpectabat, an ſe viuentem dehifceret, longè mitiorem arbitrans  
eam mortem, quàm patruſi aſpectum. In ſilentio aſſiduus imber la-  
crymarum, & ſuſpiria, mox ſingultus, donec compreſſa inter patruſi  
ſletus, & preces, ac ſi inter ſaxa riuius immurmuraret, vox erupit,  
ſe, ſuæque in ipſius poteſtate eſſe, ac velle ſe tantum facinus acriori  
ſupplicio redimere. Noctis reliquum ille hortamentis, ipſa lacrymis,  
& orationibus aſſumpſit. Mane deſpectis cum præteritæ vitæ ignomi-

nia etiam opibus, quas illic meretricius quæstus congefserat, ex lupanari, perinde atque è ventre teterrimo ostensi draconis, victor patruus captiuam neptem educeret, eandem in speciosum triumphum trahens, ad priorem cellulam reuexit, egregio exemplo pastoris, qui grege per desertum dimisso, ouem procul aberrantem quæsiuit, & humeris sublatam gregi restituit. Præstitit etiam neptis abundè, quod spondebat; nam æmula illic alterius Mariæ, quæ Iesu pedes lacrymis rigans proprias sibi maculas lauit, Cruci inhærens, eamque iugi fletu inundans, admissum scelus deterfit, atque ad eam diuinæ gratiæ celsitudinem peruenit, vt nihil peccati apud illam reliquum esset, præterquam ad incrementum virtutis peccati meminisse. Digna profecto fœmina, quæ inter clariores huius Musæi Viros, locum, & imaginem haberet, proprio elogio honestandam. Abrahamus, qui olim improbi Dæmonis victor, mox de profano Idolorum ritu triumphauerat, etiam altera redemptæ neptis gloria inclytus, decennium superstes, mortalibus vniuersis, quos in admirationem traxit suæ virtutis, vbique memorabilis, immortalibus illico inferendus, mortem obiit vita sua dignissimam, semper tamen facti huius memoria apud posteros rediuius.

## N O T A E.




*ABRAHAMO* flata dies est in Romano Martyrologio 17. Cal. Aprilis. Ibidem proditur auctor ipsius vitæ S. Ephram Syrus, quem in actus idem Abrahamus dilectissimum fratrem appellat. Neque malè ex his conyicies, affines eos exitisse, quum testetur Abrahamus puduisse, ac doluisse Ephram infamia neptis, eumque pro scelere diluendo apud Deum comprecatorem miselle eidem polliceatur.

Meminist eiusdem Bavonius 4. Annalium ex occasione Ecclesiæ Lampsacens, in cuius sacragia idem Idolatras conuerterat. Minus tamen eidem assentimur opinanti de hoc munim. Es hram in testamento, si quidem longè antea defuncti mortem in calce ipsius vitæ descripserat.

Itaque restituis disticti credam de Abrahamo altero, Ephram ipsius discipulo, de quo mentio est apud Sozomenum, & Nicephorum.

De alio Cyrense agit Theodoretus in Theopili, siue Patrū religiosa Historia. cap. 7.

Alius item Aegyptius memoratur à Pàlladio in Lausineis numero 105. cuius fortassis ea miracula extiterunt, quæ recensentur à Cassiano collatione 15. cap. 4. & 5.





# 31 MALCHVS SYRVS.



VAE diræ insequuntur desertores? Sed neque  
 rectè dici potuit Málchus institutum deseruisse,  
 quamuis matris, & patriæ desiderio magis spe-  
 cioso, quam vtili, diris caput obiecitauerit, vix post  
 amissam libertatem, & plura vitæ ipsius pericula,  
 exsatiatis. Attamen non vacat ruinæ culpa, qui  
 se obnoxium præbet. Olim coniux puellæ desi-  
 gnatus, anxios nuptiarum parentes fuga eluserat,  
 & procul patria sub Abbatis imperio cucullatus, prospera aliquot minora  
 prælia aduersus Dæmones gesserat, non obscura maiorum virtutum  
 spe. At ignarus insidiarum, quæ pietatis, & decoris specie struuntur,  
 quàm facile captus est? Suadet callidus hostis impium esse, matrem vi-  
 duam, longæuamque aliquando non reuiscere; posse in patria suo  
 exemplo multos ciuium ad religionem allicere, & ex ære paterno Cœ-  
 nobium excitare, vbi numero, & obsequio ampliore diuinis rebus de-  
 seruiatur. Immiscet melli venenum. Non indecorum esse, aut inutile,  
 si ex hæreditate quippiam seponat in solatium senectutis. Hausit ille  
 incautus, nec semel ab Abbate missionem postulauit. Qui vsu edoctus  
 fenserat, Dæmonem cuniculos agere, & aureo calice diuini, & mater-  
 ni cultus, exitium misero propinare. Itaque Malcho insidias aperire,  
 & lacrymis obtestari, quòd specie charitatis alienę propriam salutem  
 proderet. Ille coeptis insistere, donec Abbas irritus consilij missionem  
 indulsit. Iter erat primo Beroeam, tum Edeßam, inde in patriam, sed  
 inter vtramque urbem solitudo Sarracenorum incursionibus patens,  
 quam propterea viatores non singuli, sed aliqua mora in confinijs co-  
 acti numerosiores capeßebant. Malchus promiscuæ turbę immixtus in-  
 ceptum eà iter pergebat, cum Sarracenorum turma numero, & armis  
 instructa ex insidijs imbellem turbam peregrinorum aggreditur, cædit,  
 spoliaturque. Seruus fit vnusquisque fortuiti raptoris, atque parentes à  
 filijs dirempti, viri ab vxoribus, vt sors ferebat, diuersi abiguntur.  
 Ipse cum vxore alterius captiui, quem aliò prædones abduxerant, in  
 prædam vni obuinit, non infimæ sortis inter id genus. Imponuntur  
 ambo Camelis insueta sessione trepidi, & ex alto coram semper præci-  
 pitum suspectantes. Eremus petebatur, quæ longo itinere aberat; &  
 cum humaniores cibi deessent, cogebantur captiui cruentis carnibus, &  
 lacte vesci camelino. Inter deuia solitudinis tandem prædonis ædes as-  
 fuere, vbi ille heri sui vxorem, & filios submisso geno de more gentis  
 vene-

D. H. er. m.  
 Epist. l. i. c. i.



venerari coactus, pectori præficitur, quod inter deserta, vel remotius pasceret. Id præter omnem spem misero solatium fuit, nam longius ab hero gregem ducens, Abbatis sui vaticinium, & desertum Monachorum contubernium lacrymis, & solitudine vleiscebatur. Etiam animo fixus, vnde pedem auerterat, Monachorum ritus æmulabatur, psalmos & præces recitans, quas apud eos didicerat, lætus captiuitate eluere facinus malè appetitæ libertatis. Victus asperitatem locus dabat, vigiliæ cura gregis requirebat, vt nisi feliciora contingerent, videretur his aduersis salutis optimè consultum. His studijs grex auctus in multam, prolem, Malchum hero suo ita conciliauerat, vt præmium aliquod eidem meditaretur, quod omnibus tormentis atrocius illum afflixit. Ac si cælibatus tædium, & gregis curam solatio coniugij lenire vellet, concaptiuam Malcho fœminam vxorem despondet, & nuptias recusanti stricto mucrone imminet. Is præsentem fœminam arripit scutum potius, quàm vxorem, & alieno periculo gladium euitat. Connubij pignus id acceptum barbari iram compefcuit. Sed cum ambos in proximum specum nox coegisset, timore necis exanimēs, & nuptias æquè abhorrentes, Malchus in arcto turpis salutis, vel honesti exitij confinio, deslere cœpit, virginitatis decus irrecuperabile illuc infami adulterio extinguendum. Et post nœnias, supra vitæ desiderium exosus facti improbitatem, cultrum pectori admouebat moriturus, & sua manu cecidisset, nisi Mulier manum cohibuisset, atque affirmasset, velle se coniugem, palam credi, clam sororem esse, & id fœdus summa fide, & silentio obtesturam. Reuixit hic, eamque vxore multo cariorem habuit, sollicitus tamen cum ea, ne fœcordia pacis amitteret, quod in ipso belli seruire seruauerat. Mutuus amor opinionem apud heros coniugij fecit, & gregis felicitas, in quem ambo curas coniunxerant, omnem fugæ suspicionem ademit. Ita aliquot annos captiuitas tolerata. Sed Malchi animum semper coquebat prioris vitæ recordatio, qua, dum corpus naturæ necessitatibus deferuiret, mens extra humanam sortem Cælo inuecta inter Angelos residebat. Ea propter statuebat in mortis discrimen se se dare, vt ab Sarraceno liber ad Christi iugum rediret. Mulier virilis audaciæ, & consilij particeps comitem se se itineris, & periculi pollicebatur. Fugæ videbatur opportuna gregis cura, quæ ambos in solitudinem itinere bidui, ac tridui, domo procul trahebat; sed consilij oberat flumen proximum ab decimo milliaro, quod nec pontes, nec lintre traiciebatur. Verùm quid non audeat spes libertatis? Hircos, qui toto grege eminebant, binos mañant, ex pellibus vtres conficiunt, carnes in viaticum parant. Noctu fuga initur, & conscensis vtribus, pede remige ad vltiorem fluminis ripam appellitur, & noctur-



no sapius itinere, quod æstu, ac latronibus loca infesta essent, rectè in Syriam abitur. Nihil hætenus inceptis aduersum. At herus, eorum fugam edoctus, cum famulo vestigia fugientium secutus, Camelorum beneficio, & viarum peritia adiutus, in patenti campo ex præalto Cameli dorso conspicuus aduentabat. Quæ fugitiuis ab hero atroci vitæ spes? Vna prorsus, si prætereuntis oculos latere possent. Fortè ad dexteram Crypta erat, quæ intra telluris viscera profundius videbatur penetrare. Sed quæ loco fides, vbi serpentes, scorpionij, atque id genus venenata animalia, Cælo flagrante delitescunt? facti tamen conscientia, & certa atrocis heri scuitia, suasisit incertum vitæ illic effugium. Itaque in Cryptam descendunt, velut salutem in sepulcro quæsituri. Descensus in binas caueas ferebat; hi ad leuam flectunt maximam felicitatem. Illic, dum inter spem, & metum secum colluctantur, famulum probè cognitum audiunt, immani voce fugitiuos ad necem inclamantem. Nul- lum è cauea responsum. Ille, vt latentes extraheret, in Cryptam descendit pessimo malo; nam Leçna, quæ in altera cauea fetum nutriebat, arreptum discerpit. Herus etiam, qui seruum intus arbitrabatur distineri à reluctantibus, exerto gladio ingressus sub aspectibus eorum, ab eadem feralacer interiit. Pulchra de hoste vindicta, nisi exemplum alienæ necis, propriæ metum inijceret. Quid ibi? Persistentibus fame, fugientibus Leçne vnguibus pereundum. Attamen mora potius, quam fuga, infortunium auertit: nam fera sentiens cubile palam esse, accepto leunculo mane antro cessit. Illuxit spes aliqua salutis, quam tamen illi non extemplo adesse credebant, veriti Leçne reditum. Sed vbi post multum diem extra omnem ipsius suspectum trepidatio in audaciam conualuit, è sepulcro victores abscedunt. Hæc miseriæ meta exitit, mox ad obitum vsque felix omnium rerum decursus. Ponè autrum Cameli occisorum reperti, opportunè captiuos metu, & itinere, consecutos iuuerunt. His ambo ad Romanorum castra decimo die perueniunt, inde in Mesopotamiam proficiscuntur, vbi Camelorum precios, deinceps vitæ tranquillioris necessitati consuluerunt. Abbas Malchi olim institutor diem obierat, neque orbatum tanto lumine Cœnobium votis respondebat, vnde progressus Maroniam, viculum ab Antiochia trigesimo milliario, illic se se Monachis adiungit, & Mulierem captiuitatis, & periculorum comitem sacris virginibus commendat, donec ætas fatiscens omnem cupiditatis fomitem restinxit, & charitas ambos sancto contubernio rursus coniunxit. Conuixerunt ad extremam vsque senectam insignes adeo abstinentia, & studio diuini cultus, vt Zachariæ, & Elizabeth simillimos incolæ prædicarent. Stabili hac inter populos fama excitus Hieronymus Dalmata adolescens, mox Eremita, & San-

et Ecclesie Doctor eximius, Maroniam adiit, & virtutem opinione longè clariorem expertus, etiam historiam eorum ad posteros transmisit. Eorum mortem licet scriptores silentio inuoluerint, nullus tamen existimauerit vitę imparem, cum beatę perennitatis pignus sit ipsa mors nullius sceleris anxia, & sibi felicitatem ab excessu inchoans.

N O T A E .



*LOCVM* habet Malchus inter Sanctorum memorias, quę in Romano Martyrologio leguntur 10. Calen. Nonembris. Neque plura de eo apud veteres præter ea, quę Sanctus Hieronymus coram accepta ad multorum profectum scripsit.

Habet ex his religiosus quisque exempla artium, quibus Damon Seruos Dei specie reūi deceptosē portu tranquillitatis auertit in immane pelagus miseriarum, & periculorum.

Meminit etusdem Theodoretus inter Anacoretas Antiochenos cap. 26. libri quarti Historia Ecclesiastica, & Baronius in Annal. tom. 4.





# IOANNES AEGYPTIVS:

37



**H**IC Pæcurfori à sacro fonte cognominis, & vitæ instituto proximus, inter confragosas rupes appictus est, quas non hominum pedes, sed & animi refugiunt. Sic aurum inter montium latebras, & inter cautes gemmæ abduntur nobiliores, vt nulli ignauie, at labori pulcher vbique locus, ac præmium sit. Has iuuenis admodum conscendit; senex ad obitum vsque retinuit, austero victu loci asperitati consentiens. Quot saxa aspicias, tot habes præliorum testimonia, quibus cum antiquo hoste acerrimus ipsius debellator confligit. Victoriarum præmia nosce gratiam miraculorum, & rerum futurarum præfagia, quibus ille extra Aegyptum apud Theodosium piissimum Augustum, & Principes viros excelluit, nec semel ab his consultus imminetium bellorum euentus prædixit. Ad eam vsque ætatem, quam proxima mors clausit, Coenobiolum, quo se concluderat, nulli patuit, sed aduenientium necessitati compassus permisit, iuxta ædes construi ampliores, quò tamen nec promiscuum accessum voluit, neque ad libitum, sed statis diebus, ac viris tantum. Aderant etiam cellulæ discipulorum, qui eos exciperent. Cæterum ipse è fenestra præsentem erudiens, ægros tactu, absentes transmissio oleo incolumitate donabat. Nullam, toto æuo mulierem eò irrepere passus est, quòd earum aspectu hostis molliores animos vexaret, eosque infirmitatis commiseratione illuc detorqueret, vbi charitas sensim in cupiditatem abduceretur. Ne tamen sexum nobis obnoxium, & in religionem verti facilem, fructu precum suarum fraudasse videretur, pluribus earum absens opem, & beneficia impendit. Coniux Senatoris cuiusdam cæca oleo transmissio illuminata est. Tribuni militum alteri, quæ virum miserat, facultatem adeundi imploratum, domi affore pollicitus, noctu per somnium astitit, viam interdixit, & ægritudinem repressit. Item militem anxium de vxoris salute, quæ domi vtero laborabat, admonuit, ea die foetum enixam vitæ periculum adiisse, atque euasisse. Nihil domi ab redeunte præterea repertum est. Quis vaticinium negauerit? Verùm priuatam rem poterant domestici parietes suppressere. Alterum insignius fuit. Aethiopes, qui proximam Siensem incolunt, castra Romanorum apud Cyrenem in confinij arcebant, ne intra prouincias more gentis populabundi irrumperent. Sed hi numero aucti ultro in Romanos inuehuntur, eosque maxima clade attritos in castra compellunt. Præfectus egrè

*Eup. ca. 1  
Pallad. 2.  
43.*

D

his

his se se continebat militum paucitate, ac trepidatione, veritus in discrimen castra, & provinciam dare. Et quia cladium, & victoriarum, auctorem Deum sciebat, ad Ioannem ipsius servulum confugit, orationis opem flagitat, refertque. Consequitur Limenarchæ fidem belli exitus, & egregiam de hoste victoriam obtinet eo ipso die, quo illum Ioannes iusserat signa conferre. Sed etiam vox huius vaticinij paulo ultra Cyrenem. Alterum de Maximi excidio, qui imperium inuaserat, longè maius totum pene orbem terrarum circumegit. Nam Theodosius, priusquam in Maximum ab oriente exercitum duceret, Ioannem percontatus de suscepta in Tyrannum expeditione, accepit maximum bellum minimo cruore, & insigni ipsius victoria quieturum. Eodem spiritu Eugenij item nefariè Romani imperij decus occupantis excidium, sed maiore vtriusque exercitus cæde, eidem Theodosio prædixit. Porro vaticinium vbique decantatum, & apud omnes illius æui scriptores celebre, contigit etiam Palladij Galatæ (vtinam non Origenistæ) præsentis testimonio firmari. Tunc fortè idem ad Ioannem venerat, & inter comites assidēs, Senem audiebat, qui de Religiosi viri pedia sermonem instituerat. Is salubrem admodum doctrinam prophetico nuncio ita clausit. Hodie deuictō Eugenio, & latè pacato Romano Imperio, Theodosij Epimicia Alexandriam perlata recipiuntur; neque his diu superuiuet Cæsar, cui tranquilla mors imminet. Vitæ breuitas, & mortis genus vaticinio egregiè responderunt. At sermonem coram exceptum Palladius scripsit, in quopiam eruditionem exemplis instructam, & scripturarum auctoritate firmam lector iure admiretur, præsertim cum nesciat, quomodo Senex intra cellulæ limen persistens, cæterorum Eremitarum arcana rescauerit, nisi edoctus spiritu prophetiæ, quo varios hæcenus bellorum euentus, ac regionis fertilitatem, vel sterilitatē præsciuerat. Post impertita tot egris remedia, post exhibitum peregrinis obsequium, tres, & quadraginta annos muro septrus nihil in cibum sumpsit, quod igni admoueretur, sed nec aliquando, nisi post occiduum solem. Fortassis exemplum Diui Præcursoris excitabat, cuius dapes didicerat, in eremo fuisse locustas, & mel syluestre. Eiusdem etiam studiosus martyrismum fuerat æmulaturus, si alter Herodes iugulum appetiuisset. Verùm habeat suum decus Martyrij cupido, & sanguinis effusionem compenset macies tanto ieiuniorum, vigiliarum, & carceris squalore non minus laboriosè acquisita, quàm in annum ætatis suæ nonagesimum constanter tolerata. Ante obitū præsciis optatæ migrationis, cum prohibuisset, ne quis discipulorum ad se accederet toto triduo, extremum diem obiit, visus etiam post mortem, poplite in orationem flexo voluisse cursum vitæ sistere eo silentij, & orationis studio, quo acceperat.

## N O T A E.



*AB ETV R in albo Sanctorum 6. Cal. Aprilis.*

*Elogium ex Euagrio, & Palladio constat.*

*Nos prater ea, qua de Ioanne apud Hier. Epistola ad Cresipontem, Augustinum, Ruffinum, Theodoretum, Prosperum, & alios leguntur, comperimus apud Cassianum Collatione 2. cap. 2. Diabolicam illusionem, qua, Deo permittente, coercitus est, ne deinceps oblitus moderationis corpus ieiunio conficeret.*

*Etiam in primo Dialogorum Sulpitij Seueri, referente Poslhumiano, habes duo insignia exempla obedientia, & patientia Ioannis: alterum in irrigatione aridi scipionis, alterum in impulsu saxi praegrandis.*

*De eodem saepius agit Baronius Annal. tom. 4.*



## THEONAS OXYRINCAEVS



**L**IBET post imaginem Theonæ hac oris maiestate, oculorum nitore, canicique suspiciendam, etiam ingenium admirari, quo triumphalem virtutum viam ingressus, ea prius se ipsum captiuum traxit, mox de hoste acerrimo triumphum egit. Docebit profecto, non alijs armis Dæmonis imperium everti, quàm quibus victor cupiditatum animus se ipsum vicerit; neque arduum esse eidem hostes subigere, qui seipsum,

Eug. 66.

subegerit. Sed quod de te ipso decus, quis de hoste triumphus, ò Theona? Non satis videbatur opes, lares, atque parentes deseruisse, vt pauperrimus Christo adhæreret, atque arcta specula conclusus, vitam ab omni vitæ desiderio immunem degeret, Dæmoni territamento, mortalibus miraculo esses, nisi etiam stupente Cælo, triginta annorum silentio nomini tuo immortalitatem dares? Efferrat vetustas iactabunda, sed non conferat tecum, Harpocrates, & Pythagoras suos, cum silentij illorum origo à studijs, vel fictæ religionis, vel humanæ sapientiæ prodeat, vt ad scopum brevis gloriæ finiat. Tuum verò à diuinis obsequijs coeptum, eaque longè diuturnius, non nisi in excessum charitatis desinat, qua miserorum supplicio intercedis. Iuuat enarrare nobilem institutæ taciturnitatis lapsum, vt qui virtutem continentia triginta annorum admiratur, contemptum ipsius ex occasione longè clariorem commendet. Prouectus Theonas diuina ope ad apicem Christianæ perfectionis, etiam miraculorum gratiam acceperat, suetus ægros è tota regione confluentes tactu incolumes remittere. Aberat omnis gloriolæ, vel quæstus cupido. Sed quia discordant hominum ingenia, vt singuli ad vitia, vel virtutes desectunt, incescit quosdam perditissimos suspicio, quòd ab ægris precio salus redimeretur, eoque Senem, pecuniæ plurimum corralisse, quod apud illum eadem cellula abderebatur. Digna suis auctoribus opinio, nec dispar improbitati audacia, qua in facinus itum est; quamuis etiam impius quisque ab euentu cognouerit, diuinitus permissum esse, vt Theonæ pauperiem, adhuc meritum inter populos obscuri nominis, infamis latronum auaritia illuminaret. Furto silentium quærebatur, quòd nullum exitisset superstitè Theona. Itaque etiam mitissimi viri nece condita, illum nocte interpesta adoriuntur. Ipse exsomnia, vt Sanctorum Patrum mos est, nocturnis hymnis, & precibus Deo gratias concinere, orationi inuigilabat.



bat. Sed cum scelesti se se in conspectum dedissent, contorta in eos oratione beati senis, ita obriguerunt, vt nemo muros attingere, non tela expedire, sed neque loco moueri posset. Diceret, brachia catenis obstringi, pedes inhærere vestigijs, nec quicquam in corpore liberum præteros, quod tamen concepti facinoris conscientia obstruebat. Ita noctem metu proximi exitij luctuosam agentes, diem longè atrociorum opperiantur. Aurora vindex nocturni sceleris multos illuc mortaliū contraxit, qui è propinquis villulis, religionis, vel salutis caussa, frequenter ad virum Dei accedere consueuerant. Ab his probè agniti sunt latrones, & aucta est suspicio maximi cuiusque facinoris, tum ex armorum apparatu, tum ex prodigio interdictæ libertatis. Itaque hærentes miseros vinciunt, & dum miraculi occasionem requirunt, furtum, & mortem Theonæ meditados audiunt. Omnium mens fuit, vtrumque scelus incendij supplicio vindicare. Non ligna, non ignis aberat, & cura omnium de salute pij Patris, & cæterorum exemplo sollicita. Facinorum extrema ea dies, ac vitæ erat, nisi Theonas illorum necem miseratus, in has voces silentium tricenarium corrupisset: Incolumes abire eos permitte, nisi vultis abscedere à me gratiam curationum. Vox, ac si Cælo delapsa esset, populum mouit, statim damnatos exsoluere, illos verò se se arctius illigare. Nam quisque eorum, mutatis repente vitæ consilijs, ad proxima Monasteria perrexit, atque inita religione, patratum scelus studuit obliterare. At senex vltus iniuriam beneficio, etiam taciturnitatem in posterum adamauit, & cum, diruto pariete, cellulæ ostium aperuisset, vnico oblectabatur solatio, vastam Eremum noctu peruagari. Constans fama fuit, syluestres feras tunc ad eum venire, & cellula egredientem comitari consueuisse, quasidem rediens, è proximo puteo potaret. E vestigijs Caprearum, bubalorum, ac similibus circa ea loca plurimis famæ fides. Attamen qui silentium perinde horres, ac tyrannum humanæ libertatis, quæ vnus lingue ministerio immensos animi fluctus exoneret, & si eos silentio comprimat, spumam ipsam, ac falsedinem in suam vertat perniciem, potes etiam temperamentum ipsius accipere, quo Theonas mœrorem, ac tedium leniuit. Aegyptijs literis probè excultus, Græcas item, ac latinas familiares habuit, quarum auxilio sacros libros euoluens, sibi solatium, cæteris eruditionem parabat. Palladius inter plures testis est, peregrinos patria, ac lingua discordes, scriptis tabellis ab eo exceptos esse eruditè. Itaque iugiter oranti, aut scribenti, nunquam ocium adrepsit, quod mentem ab instituto auerteret; sed neque vlla humanarum rerum sollicitudo, quæ sermonem prouocaret. Quod si æstus diuini amoris, aut doctrinæ solatium, humanæ lubricitati non obsti-

obstitissent, profecto irritus labor fuerat naturam cohibere, quæ iacturam libertatis per ocium impensius dolet, & in opere facilius obliuiscitur, instar ferramentorum, quæ vsu splendescunt, ocio eruginem contrahunt.

N O T A E.



*E* Theona scribit Euagrius cap. 6. & Palladius in Lausiac. num. 50. Meminit eiusdem Sozomenus Hist. lib. 6. cap. 28. & Nicephorus Calist. lib. 11. cap. 33. Qui etiam asserit, Ammonij Tabennesiota discipulum extitisse.

*De silentio, & eruditione omnes consentiunt.*

*Alii etiam ab hoc creditur Theonas ille, qui apud Cassianum collat. 21. cap. 8. scribitur, rogata saepe frustra vxore, ad Canobium confugisse. Item promotor collationis 21., etiam auctor perhibetur collationis 22., & 23.*



# A P O L L O N I V S

## HERMOPOLITES.



THLETARVM constantia retusa Dæmonum vires eò deuenerant, vt etiam impuberes Sacræ militiæ nomen darent, auderentque singuli sub signò crucis, vno fidei clypeo obtekti, non solum irruentem aciem sustinere, sed etiam stantem inuadere. Quippe à crepundijs docti delitijs abstinere, membra ad luctam durauerant, animumque aduersus vitia robustissimum afferebant. Sic Apollonius quintodecimo æta-

tis suæ anno potuit audacter in arena hostem lacescere, eaque victor latè spatiari, tot vbique erectis de hoste trophæis, quotam pugnandi copiam fecit bellum quadraginta annorum. Miraris hospes, illum semicinctum oculos in cælestem radium intendere? Diuinum oraculum est cælo erumpens, quo idem iubetur ad proximam regionem descendere, illic pluribus profuturus. Tunc rerum potiebatur Apostata Iulianus, qui fidem Christi ementitus ante susceptos fasces Romani Imperij, postea apertus hostis, aduersus eam secures expedijt, atque piorum sanguine latè aspersit. Huius opera Dæmon in deserto toties profigatur, rursus ad vrbes reducit, restituto Idolorum cultu, & apertis inanium Deorum delubris, quibus ille acceptum imperium referebat. Porro eius odium haud minus fidei contulit, quàm Lydius lapis auro ferat, vel Tyrannorum persecutiò viris immotæ mentis, & probitatis. Apollonius apud vicos frequentiores speluncam nactus, primùm innocentia, & asperitate vitæ, deinde hortamentis cœpit fideles firmare, & Gentiles miraculorum beneficijs allicere. Monachi etiam plures ad eum confluxerunt, quibus illic Cœnobium ædificauit, & inter procillas sauiantis persecutionis Trierarchus optimè præfuit. Et quamuis flagraret martyrij cupiditate, atque vltro se se persecutoribus offerret, nunquam tamen ausus est illum quisquam accusare; immo aliquandò carcere clausum coactus est Centurio illæsum dimittere. Ea carceris occasio memoratur. Iulianus, vt Christi obsequium minueret, viros etiam religioni addictos iusserat militare, quamuis postea omnes Christi fideles à militia repulerit. Tunc Monachus in oppido militiam detrectans, in carcere detinebatur, quem Apollonius adiit, vt constantiæ admoneret. Hæc in carceris vestibulo extrâ clathros agebantur, quæ Centurio in-

*Theodor.  
Hyst. lib. 3  
cap. 6.*

crimen maiestatis vertit. Iubet igitur obduci fores vestibulo, & ibi Apollonium, & socios custodiri. Nocte insecuta, cum Angelus Dei, immani lumine adueniens, custodes, & ostium deieciisset, etiam Centurionis domus terræmotu collapsa, quosdam è familia oppressit, quorum exemplo territus, ille mane ad carcerem recurrit, & liberos omnes ad Monasterium redire, supplex efflagitavit. Eodem tractu temporum vicus profano ritu præ cæteris superstitiosus, elato Idolo, ambarualia agebat, æstu feruente, qui fata exurebat. Vir Dei transiens, cum gentis cæcitatem miseratus esset, fusa ad Deum prece, plebem cum simulacro in arena defixit. Immobilis unusquisque obstupebat, quomodo pes voluntati reluctaretur, & dum pedes conaretur vestigijs educere, in ipso grauior hareret. Stantes Sol sublimis, & subtus arena incensa solis radijs Idololatrias coxisset, nisi quis recordatus, transiuisse illac Apollonium, cæteros admonuisset, posse id prodigium virtute illius accidere. Placuit quosdam ex auxiliariis ad eum legatos mittere, ut si Christi ope, & ipsius precibus, miseris abeundi libertas daretur, illico Deorum cultu se abdicarent, & liberatoris sui fidem sequerentur. Accepit Legatos, & condiciones libertatis Apollonius, Deumque obnixè deprecatus, stantibus ius abeundi fecit. Hi statim tradito flammis simulacro, Seni obsequi, Christi ab eo exigere disciplinam, inde sacro baptismate lustrari, ut iam paucissimi auitos ritus retinerent. Lauasse reliquos vicus opportunè eiusdem facti religio, quam & huiusmodi miraculum longius prouexit. Ex his confines duos aliquando rixa ad arma traxerat. Et licet Senex sequestrem se pacis polliceretur, tamen pugnæ discrimen auidius ab altero oprabatur, qui ferox ductu, ac spe cuiusdam latronis sibi victoriam suadebat. Tumultus facillè rollebatur sublato capite. Huc Apollonius incubuit. Itaque latronem intuitus, inquit: ades dum, criminum tibi à Deo veniam spondeo, si arma paci dedas. Ille exemplo submissis armis supplex procumbit, neque pax ulterius differtur. Assequitur latro abruptem scæm, apud quem hospitio acceptus, noctu confedit, & cum somnum cepisset, aspexit claritatem diuinæ gloriæ, & arcana ipsius ineffabilia contemplatus, audiuit veteres sibi culpas à Deo condonari, neque postea aliquando ab Cœnobio discessit. Eadem visio oblata Apollonio: veni fidem struxit. Alterum etiam vicum eiusdem regionis simultas ad vltimum pene placidiorum adduxerat, vna Apollonii auctoritate pugnam prohibentes, dum is pacis fœdera inter dissidentes componeret. Iamque monitis armæ cessissent, nisi obstitisset Idololatra quidam militaris aspectus, & truculentia, qui coram senex comminabatur, nullam viuente se pacem aduersarijs futuram. Cui senex: Omen, inquit, pacis accipio, ut te solo pereun-

percunte, vniuersi quiescant. Sed neque te honor sequetur sepulcri. Vbi Pater aliò pedem vertit, acie concursus est potius acri impetu, & armorum strepitu, quàm sanguine, donec seditiosus ille transfixus occubuit, nec præter eum alter quis. Perempto capite membra in fœdus pacis coiuerunt. Sepultum noctu bestię exhumantes depastę sunt, vt nihil ingentis corporis reliquum esset, præter exemplum laceratę adeo temeritatis, quo pacis studiosi meminissent, improbi vnus piaculo interdum cædem innoxiorum auerti. Pacis studium sequatur Apollonij liberalitas. Regio sterili annona afflictabatur. Turmę populorum cum vxoribus, & liberis fame prope absumptis, ab eo cibos, & preces apud Deum exposcunt. Ipse postquam lubens distribuit quicquid in penu erat, panis etiam tres sportas, quibus Monachi vix eo die alerentur, famelicis exhibet, nihil sibi ac familię retinens, præter spem diuinę liberalitatis, quę etiam votis ipsius respondit longè abundantius, quàm olim Pharaoni congestę in septennium fruges. Quippe auctus erogatione panis, ac si, altera ablata, noua seges succresceret, familię necessitati, & regionis salutē in quartum vsque mensem prospexit. De oleo aliàs, & rursus alterum de frumento prodigium fuit. Itaque dum Iulianus desertor, Achabo persimilis, Christi fideles, vt hic olim Prophetas Domini, insectatur, meruit ea ætas alteros Helias, & Helisæos habere, qui diuinos, atque humanos cibos inter afflictos dispensarent. De Apollonio etiam scribitur, quòd cum corpus stuppeo semicinctio, & linteo caput obuolutus, in Eremono annos quadraginta egisset, nunquam tamen alio regumento vsus fuerit, neque eguerit. Sed claudat elogium candor ipsius animi, & indita diuinitus ingenio acies, qua corda hominum perlustrans, adeo secreta eorum vitia, vel virtutes introspectit, vt nunquam falsò, vel infructuosè de abditiõibus cupiditatibus quemque admoneret. Octogenarius ita incuruam senectam, ac vegetem animum circumtulit, vt in obeundo religionis pensò iuniores præiret, doceretque exemplo suę parcitatis vitam protrahere, quam in alijs à luxu frequentes infirmitates solent onerosam facere, vel acerbè nimium detruncare.





*ES* ab Apollonio gestas, refert *Euagrius* cap. 7. à quibus parum differunt, quæ habentur apud *Pallad.* num. 52. licet ibi pro Apollonio *Apollo* dicatur, ut etiam appellatur à *Sozomeno* lib. 6. cap. 29. & *Nicephoro* lib. 11. cap. 34. Qui ambo miraculorum ipsius editam *Historiam* à *Timotheo Alexandrino Episcopo* testantur.

De persecutione *Iuliani* omnes auctores meminere, sed compulso ab eo *Monachos*, ut militia nomen darent, nullibi recorder legisse, præterquam in his *Apelloni* gestis. Scio hic trahi posse, quod *Sancto Martino* accidisse scribit *Severus Sulpicius* in eius vita, quando congiarium accipere nolens, missionem ab *Iuliano* postulavit, atque in vincula coniectus est. Nam *Christianos* ab eo milites exauctoratos passim tradunt *Ruffinus Histor.* lib. primo, capite 32. & *Theodoretus* lib. 3. capite 7.

*Apollonius* alter, ex *Mercatore* *Monachus*, in *Scythia* clarescit apud *Palladiū Lausiac.* num. 14. Item *Monachus* alter, & *Martyr*, de quo *Eugenius* cap. 19.







...and ... ..  
... ..



51

# MVTIVS POLLINCTOR.




**L**INEAM hominis ingenio vim inesse; qua-  
 ( bono se se, vel malo addixerit ) vbique impi-  
 grè agat, Mutius ostendit, pessimus primu-  
 ter latrones, deinde Eremitarum optimus; vt  
 ante abdicationem impietatis, illum nec abun-  
 dè vituperare, neque postea satis laudare possis.  
 Lerna huius omnium scelerum, seu arcis torius  
 nequitiae, expugnatio fuit admirabilis, quia dum  
 moles criminum obijcit tormentis diuinae gra-  
 tiae, leui somno abreptus capitur. Cellam sacrae cuiusdam virginis no-  
 stu aggressus, cum instrumenta nullibi improspere adhibita hic frustra  
 admoisset, fessus tædio, ac labore, supra tectum obdormiuit. Quies  
 in lapsum facilis, & furem oculis prætereuntium ex edito offensura, di-  
 uino tamen nutu, Mutio salutem, & securitatem peperit. Dormienti  
 numen astitit cultu, ac splendore eximium, eundem flagitiorum incre-  
 pans; suadensque deinceps Monachorum vitam inire, & immenso eo-  
 rum gregi, qui offerebatur ipsius oculis, præsidere. Cum somnio so-  
 por abscessit. Euigilantem virgo ædium domina deprehendit, & ge-  
 nus, caussamque ascensus minax percontatur. Ipse metu, ac somno  
 torpidus ( vt id genus alibi summè audax solet in re cõperta animum  
 abijcere ) nihil in rem asserre, tantum rogare, vt sibi Ecclesiam indi-  
 caret. Virgo arbitrata, in socordi adeo perturbatione viri ferocis late-  
 re diuinum aliquod arcanum, ad Ecclesiam hominem ducit. Exhor-  
 ruere Aeditui ethnicum prædonem, totius regionis excidium, ab innocua  
 virgine ad Ecclesiam trahi, & quamuis supplex Christianae fidei Sa-  
 cramentum deposceret, tamen illius precibus aduersabantur, quòd  
 latrocinio infamis, & cruentis adhuc vestibus à multa hominum cæde  
 auderet Christianae fidei candidatum appetere. Quis de patratìs dolorè  
 quæ ab his in posterum temperantia? vel nunc obses vitæ æquioris?  
 Non sacra canibus, nec repentinæ religionis ruta fides. Ille viram im-  
 probè actam etiam lacrymis execrabatur, optimam deinceps institu-  
 turus, si in Christi plebe censeretur. Perseuerantia fidem postulatis fe-  
 cit, & sacro baptismate ablutum Ecclesiae adiunxit. Et quia adulta-  
 iam ætate dogmata fidei ægrè retinebat, legere *αγαθὰς* non pote-  
 rat, à Presbiteris iuberur, è psalmis tres versiculos ediscere, & ad eo-  
 rum doctrinam pro virili actus suos dirigere. Triduo hausit, quæ in-  
 genium ferre poterat; cætera à Deo oratione, & iciunijs postulaturus,

in Ereum superioris Thebaidis eatenus intentatam concessit . Ibi annos aliquot peregit orationi , & meditationi intentus , & asperimo victu diluens , quicquid latrocinio acer deliquerat . Libuit deinde Presbiteros reuifere , qui doctrinam versiculorum sanctis adeo moribus expressam gratulati , Mutium posthac contubernalem cupierunt . Sed ipse , exacta apud eos hebdomade , maluit amicam solitudinem repetere . Abeunti plures se comites dedere , alij in desertum subsecuti sunt , quos exemplo vitæ castigationis , & abstinentiæ præceptis abundè erudijt . Ita nocturnæ visionis vaticinium expletum probè . Sed quor idem prodigijs resulsit ? Fidem excederent , si hæc ab usu rerum , non à Deo esset . Inter cætera charitatis officia haud postremum Mutio fuit , ægris deferuire , & funera mortuorum curare . Sed hoc adeo studiosè , vt illum adolefcentis admiratus defuncti corpus abludentem , ac vestientem , rogauerit , si ex humanis decederet , ita prorsus ab eo sepeliri . Cui Senex , etiam maiora adijciam , vt ipse fatearis promissis factum satis , superque . Ille post annos aliquot vita functus , & ad tumulum compositus , Mutio interroganti , an satis ? ac super respondit . Sed quis Thobiæ priuati viri æmulationem in exequijs ab Eremita susceptam , audeat conferre rebus bello gestis à Iosue clarissimo Iudæorum Imperatore ? quis velit decus promiscuum , & æquum ius tribuere pollinctori , ac triumphatori ? Hebetantur oculi armorum nitore , & humana opinio ducitur rerum magnificentia , sed penes Deum æqua est mentis , & factorum cuiusque ratio , vt neque benignius audierit preces Iosue in Amorrhæos depugnantis , quàm Mutij orationem pergentis in obsequium moribundi fratris . Sol maximum Cæli huius ornamentum vtriusque imperio stetit , & viros dignitate dispares vna fides eodem prodigio æquauit . Mutius , cum ad ægrum peruenire non posset , præterquam ineunte nocte , solem occiduum Iesu Christi nomine stare iussit , haud irritò imperio . Hoc admirante tota regione , & Mutio non inficiente prodigium , celebre habitum est monumentum Christianæ fidei , quæ similis grano sinapis , diuina liberalitate ( cui tota innititur ) paruitatem compensante , etiam montes transferat . Ea Senex cursim inter admirantes populos , dum , sole adhuc supersite , ad infirmum properaret . Vicum ingrediente , sol iter suum repetijt , vt quisque probè cognosceret , cui illuxisset . Attamen , qui cursu seipsum , mora solem fatigauerat , fratrem iam defunctum reperit , quem percontatus , mallet rursus inter mortales , an apud Christum esse ? rediuuium respondentem audiuit , illud prorsus officere , hoc maxime delectare . Senex postquam noctem insomnem agens , fletu , & precibus defuncto parentauit , suctum mane sepulcræ officium impendit . Idem qui soli moras iniecerat ,

vitam

vitam alterius produxit . Is vitæ extremum agens , mortis timore plus nimio afflictabatur , quàm Christianum virum deceret . Agnouit illum Senex , horrere magis vitæ extremam horam , quàm mortem ; anxium nempe iudicij , quod pro vita eatenus malè acta subire oportebat . Igitur virum dictis coercet , qui hæcenus criminum expiationem distulerit , atque spem facit vitæ prolixioris , si emendatiorem spondeat . Quid non sponderet infelix ? Miscuit promissis lacrymas , Angelos optauit testes , inferos vindices dixit , terræ hiatum sibi imprecatus est , si deinceps Dei clementia abuteretur . Mutius , postquam se se in oratione m dedit , dilatam à Deo in triennium vitam ægro pronuntiat , & manu apprehensum lectulo detrahit , atque secum incolumen in Eremum trahit . Redditus illico sanitati , nihil boni præterijt , quo patrata diluens , sibi diuinam gratiam conciliaret . Triennio exacto , Mutius illum certa præmiorum spe iam mori cupidum , ad pristinam cellam perduxit , quo religiosi viri quamplures conuenerant , memores prolati temporis , ac testes futuri conditæ migrationis . Dum nox colloquijs diuinarum rerum transigitur , frater se se lectulo componens , letissimè somnum mortis accepit , cui Senex è more exequias adiecit . Hospes iam Solem , & mortem , maximas humanarum rerum versiones , audisti pollinctori obsequentes , accipe etiam Nilum fluuiorum amplissimum , ignota ad factum origine , alicubi mari conferendum , qui traijcienti ita vndas substrauit , vt Mutius toto genu extaret . Inediam integra hebdomade perpesso , inter loca inaccessa cibos allatos ab ignoto penitus viro , Copres illustris Presbiter meminit . Sed his vel naturæ , vel Cælitum erga Mutium obsequijs , longè maius Dæmonis odium metire ex vna præ ceteris contumelia , qua veteratorem dispulit . Cum enim Pharaonum thesauros olim clam defoscos Seni prodere iactaret , hac reijcitur aspera antiqui vulneris reficatione , Pecuniæ , ac tibi idem interitus , & perditio . Abi . Plura haud capit elogium , quæ non vasta Eremitis continere , neque longa ætas valuit obliterare . Sepultus in superiori Thebaide , etiam post mortem , discipulos exemplo exercuit , & merito eruditionis de eorum victorijs participauit .



## N O T A E.



*AE R F O*, an hac de Mutio Historia ex illis sit, quarum fides notat apud Hieronymum.

Ipse de Euagrio Pontico sic habet in Epistola ad Ctesiph. Qui librum quoque scripsit, quasi de Monachis, multosque in eo enumerat, qui nunquam fuerunt: & quos fuisse scribit, Origen. Bas, & ab Episcopis damnatos non dubium est. Ammonium videlicet, Eusebium, Euthymium, & ipsum Euagrium, Or quoque, & Isidorum, &

multos alios, quos enumerare tadum est.

Cum enim vita Patrum, quas Euagrius scripsit, eisdem ferè verbis ab eius discipulo Palladio in Lausiis repetantur, tamen nullam apud hunc de Mutio mentionem reperias.

Augetur etiam dubitatio, quòd ibi Copres Presbiter inducitur auctor huius de Mutio Historia, cuius sermonem ferme ad verbum Palladius mutuatus, habet ita compatis verbis, & integro narrationis ordine, ut ibi apud Euagrium extat, Mutij lacuna apud Palladium nec rima sit, per quam Mutius vel malleis intrudi possit. Augetur suspicio, quod Sozomenus, & Nicephorus sucti, memorias Monachorum illustrium ab ipso Euagrio acceptas, scriptis suis inserere, nullibi de Mutio meminerunt.

Sed neque de eo quicquam reperies apud Theodoretum, Cassianum, vel alios veteres, forsan neque apud recentiores, prater Simonem Maiolum Colloquio primo suorum Canoniculium.

Alter Mutius insignis patientia commendatur à Posthumiano apud Sulpitium Senerum, lib. primo Dialog.





## HELENVS AEGYPTIVS.



**D**R VNA S illæfis vestibus puer intulisse scribitur, congruentibus ætate, ac probitate. Epota cum lacte materno pietas, & puerilibus coalita incrementis iam tunc portendebat auspicia maximæ illius, qua eminuit, virtutis. Poterit quisque huius exemplo animi æstus refrigerare, & naturæ incommoda leuius ferre, si puer durè assuescat, & per singulos sacræ militiæ gradus non prius animo ad fastigium dignitatis, quàm corpore ad metam laborum, nempe Christianæ perfectionis apicem, intendant. Neque enim eadem est omnium felicitas, vt ab luxu, & delitijs repente in Ereum irrumperes, tenerum corpus inedia, & vigilia, hostem oratione, & mentis constantia debellent, quibus hæcenus paruerunt. Quot ab instituto excidunt, qui non desiderio vnus salutis erecti, sed auerso rerum euentu fracti, Eremos appetunt? Quot sub initijs militiæ flagrant, inter vigilias, & orationis studia tepescunt, resiliuntque? Horum, quia nec vires suas expendunt, neque alieno imperio suas voluntates submittere didicerunt, incerta admodum salus. Dixerim Deum erga eos æquum minus, aut elementem? Absit: immo fatebor illos iuuare impenitus, & præmijs amplioribus honestare, si consilia hostium impetu vincant, & cæleste regnum violentis expositum, violenti diripiant. Verùm apprime periculosam pugnam dixero, quia nec frequentes aspicio triumphos. Docuit Salomon facillè virgam insecti, non ita arborem. Helenus, postquam apud Cœnobitas pubertatem exegit, pruriente vitæ, in Eremum abiit, carnis petulantiam freno vitæ asperioris cohibiturus. Adfuit etiam hostis, quibus consuevit armis, vt iuuentam lacefferet: Hic verò orationes, vigilias, atque ieiunium obijcere, & humilitate illius vbique superbiam elidere. Belli initio, cum ieiunus integram hebdomadam præterisset, natura ius suum acriter reposcente, athleta esuriit. Dæmon, vt afflictum, ita inermem arbitratus, Helenum resumptis telis aggreditur, & in proximis petris mel aureum liquans, famelico ostendit, quo labantes vires confirmet. Auertit ipse à spectro oculos, & naturæ perinde, ac hostis tyrannidem odisset, alteram ieiunio hebdomadam indicit. Nec Dæmon minus in defessum ruere, & naturam inclinantem propellere. Apud vicinas arbores poma dispergit rubentia, ac si vento deiecta. At secum Helenus. Quæ modo in adusta Eremitæ apes? quæ nunc inter steriles arenas poma, &



## 58 HELEN VS AEGYPTIVS:

Artes noui. Viro forti cibus est, quicquid est à Deo: Apage ostentum, nam & aliam mihi hebdomadem ieiunam volo. Verum in sua victoria periisset, nisi per quietem diuinitus fuisset admonitus, cibos sumere, quos proxima tellus ferebat. Somno discusso cernit inter arenas fontem scatere, aquarum nitore, & claritudine his confectendum, qui sub feliciore climate delitiæ Principum habentur. Margines amplos lactis muscus vestiebat, quibus instar sepi assurgebat tenerimum herbarum genus, aspectu, & odore iucundum appritæ. Accedebat virori decor ab circumfusus arenæ tumulis, ac sterilis vbique regionis aspectu. His sapem, ac sitim depulit, confessus postea toto auro nihil dulcius, nihil sapidius vnquam gustasse. Cryptam ibidem nactus, aliquandiu latuit, gramine, ac fonte ipso vsus in vitam magis, quàm in voluptatem. Dehinc, vt sacræ Sinaxi cum ceteris Eremiticulis interesset, cœpit ad Cœnobîa, quæ minus aberant, proficisci, & ea via, si quid tellus daret, vel pii fideles tribuerent, egenis, & infirmis idem asserre, & dispartiri. Inde miraculi huius occasio. Cum rerum pondus, quas ad fratres ferebat, moram festinanti inijceret, & hi longius abessent, Onagrorum grex p. csto fuit, ex quo vnus ad vocem Heleni adueniens, ipsum cum rebus suis dorso acceptum citissime ad Monachorum stationes transtulit. Eundem etiam Crocodilus extulit. Cum enim ad Dominicum aliquando conuenisset, Monachos reperit solatio destitui diuinorum Sacramentorum, quod Presbiter duplici arcebat impedimento. Alterum riuus inundans inferebat, quem traicere nullus absque vitæ periculo poterat. Alterum Crocodilus infestum animal, quod vtramque ripam obsidebat. Neutro Helenus periculo motus, Patrum collegio pollicetur Presbiterum accersire. Cum ad fluuium perueniens, cymbas vndique abactas, & turgentés vndas vidisset, Crocodilum mole, ac sæuitia ceteris metuendum vocat, & diuino imperio stare iussum, conscendit, atque ad vltiorem ripam impellit. Presbiter, qui non procul à fluuiio Aedes habebat, pannosum, lacèrumque Sinaxis Legatum excipiens, illi verbo ancipiti, aut inuidit, aut illudit. Helenus paupertatis titulo letus, desiderium Eremitarum explicat, & iter suadet. Ad fluuium anceps Presbiter quâ transueheretur, quod nullas prope cymbas aspiceret, animo fluctuabat. Cui Helenus lintrem pollicitus, Crocodilum vocat. Emergit ex aquis ad vocem bellua, cuius aspectum non ausus sustinere Presbiter, fuga abiit. Helenus, quia perterritum animum inijcere, nec fugam sistere poterat, Crocodili dorso reuehitur. Sed quia ex terrore ipsius dolebat, tantam iungi molestiam sacris rebus, in siccum delatus, bestiam extemplo mori iubet, quæ repente ad iussu Patris interijt. Res plurimos incolarum testes, & admiratores habuit.



Ad Monachos regressus, excusata Presbiteri absentia, cum nihil magnificè de se locutus esset, deuictus eorum precibus, triduo de religionis profectu, & rebus ad salutem necessarijs erudit, & pluribus eorum mirè profuit, quorum occulta desideria, & arcanas cogitationes, diuino lumine perfusus, agnouit. Prophetici in eo spiritus vim, fratres senserunt, cum Monachorum sibi peregrinorum aduentum prædixit, quorum nulla erat in regione opinio. Inter eos exiit adolescens, qui importunè Senem rogaret, vrgeretque, vt sibi in Eremito apud illum liceret militare. Studuit ille iuuenilem animum deterrere, tum à Dæmonis improbitate, tum ab austeritate vitæ, quam veterani ægrè sustinerent. Perstitit ille precibus, & fletu senem orare, exorauitque. Alter ab cellula Heleni specus erat vitæ aptus, in quo audax tyrunculus ad pugnam instruitur. Hostis ad prædam festinus accurrit, interdiu mœrore, & prauis cogitationibus mentem ipsius excrucians, noctu præstigijs, ac terroribus somnum subtrahens defesso. Vt metu vacillantem sensit, auctus spectris, sæuiorque misello vim, ac mortem intentasset, nisi diuina obfuisset voluntas. Aufugit tandem iuuenis ad Agonothetam suum, & grassatoris violentiam dictis efferens, auxilium implorabat. Cui senex: hæccinne, ait, constantia, de qua modo periclitari me volebas? hisce vmbris pueri iter delusus virilem animum despondes? Cur malo hosti signum non obtrudis optimæ crucis? Ostendam ipse, quantum vires hostium cedant veræ fidei, & innocentia. Et cum adolescentem agoni reddidisset, circa speluncam in arena digito circulum duxit, quem postea veriti Dæmones transilire, obsiderunt potius tyronem, quam oppugnarunt. Sed qui eorum rictus, quæ conuicia? sic ille paulatim aspectibus, ac terroribus assuescens, eosque minus curans, deinceps minus infestos habuit. Alterum prodigium hospitalitatis amor adiecit. Monachi quidam, peragrata latè solitudine, vix septimo itineris die Helenum reperere. Error viarum sæpe repetitus mentem, & corpus aflixerat, neque eo minus ieiunium ab ingressu vsque in eam diem toleratum. Leniuit mœrorem aspectus exoptatus beati viri, qui comiter susceptos consolatus est, & in summa penuria summa spe à Deo cibos accepit, quibus hospites suos decem numero recrearet. Dum mensa apponitur, adolescens cuique ignotus fores pulsat, panis, & oliuarum sportam affert numero, & necessitati hospitum satis. His refecti, quia portitor euanuerat, Deo auctori omnium bonorum gratias persoluunt, qui ea liberalitate Hospitis merita declarasset, & extremis eorum rebus præter merita affuisset.

# 60 HELENVS AEGYPTIVS.

N O T A E.



**H**ELENI nomen veteres varie scripsere.

Ita nuncupatus ab Enagrio reperitur capite 11. Sed Palladius num. 59. & Sozomenus Hellenem, seu Hellem appellarunt, quos secutus est Nicephorus Cal. lib. 11. cap. 33.

Omnes tamen illius sanctitati aspiquantur, cuius etiam testimonium afferunt miraculum, quo puer innocua veste attulit ardentes prunas.

Crocodili prodigiosum obsequium magis admiraberis ab seuitia ipsius, de qua Plinius, ac Scriptores ceteri passim.

De eodem Heleno ex Crocodili occasione meminit Maiolus Colloquio 8. Canent.





## IOANNES RECTVS.



VPIS huius loculamento contineri hominem, faxeum crediderit, quisquis audierit, Ioannem in eo triënum stetisse hac ipsa corporis rectitudine, quam pictor agrè expressit. Potuit humanitas dignosci soporis, & cibi necessitate; sed aliquid supra humanam sortem habet status, qui viuat statuam exhibens, ostendit quantum Porphyritas, & Adamantas duricie antecellat robur inuictæ mentis. Verum sic stanti, ne dicam fixo, qualis somnus, aut unde cibus in arduo, & inter deserta? Num ab ancillis, & famulis, qui coquant, ingerantque? Poterat videri naturæ conuicium facere, si non aliquo cibo vitam hic traheret, ac somno fulciret. Somnum magis rapuit, quàm suscepit, & ad vitam nullos cibos, vnicum ad animæ salutem sumpsit. Concelebra hopes virtutem cælestium Mysteriorum, & discce (quod etiam alijs contigit Sanctorum) Sacræ Eucharistiæ subsidio diuinitus vitâ, & ieiunium triennio sustentata. Illam Presbiter Dominicus di e asserre consueuerat, quæ mentē ineffabili iucunditate perfundens, etiam corpori firmitatem afferebat. Attamen Deus, qui Ioanni donum dedit, vt duris adeo inceptis persisteret, voluit illum humanæ conditionis admonere, ne virtus collatæ fortudinis in tumorem congenitæ homini superbiæ exurgeret. Itaque permisit, Ioanni pedes disrumpi, & emarcescere; quod tamen incommodum eidem in gloriam, ac decus tolerantis vertit. Frenebat improbus Dæmon aduersus immotum adeo scopulum, qui fluctus, ventos, ac ipsas tentationum procellas contemneret, ausus propterea altera pietatis larua illum inuadere. Aliquando e mentitis Presbiteri personam, stata hora Dominicæ diei aduenire, ac si in vasculo Sanctum Eucharistiæ mysterium gereret (proh scelus!) Anacoretæ administrandum. Ipse antea edoctus, principem tenebrarum se se interdum in Angelum lucis effingere (illucente diuino lumine) Dæmonis vafriciem agnouit, & præstigiatores se se magnificè inferentem contumelijs pessimè submouit, coegitque fateri, cur impium adeo facinus, extremum impietatis, ac petulantis, animo concipere non exhorruisset. Respondit Dæmon, voluisse nefaria dape illum dementare, quemadmodum eadem larua alteri seni illuserat, quem vix multorum Patrum orationes pristinæ menti reddiderant. Quàm dispar eiusdem temeritatis exitus? Alter miserè afflictor, alter in hostem audacior mouet, quia illic forsan aliqua exitit amurca.

vanæ gloriæ, hic cryſtallo limpidior humilitas. Poſtquam hoſtis cum probro euauit, Presbiter aduenit, & emerito militi viuificum Chriſti corpus impertiuit. Vſanum Dæmonis auſum habeto pignus earum perturbationum, libidinum, & portentorum, quibus animum, & oculos ſtantis toto triennio vexauit. Cum Ioannis virtus iam ſatis probata videretur, Deus æquiſſimus meritorum cuiuſque exiſtimator iubet, Angelum eidem nunciare, impenſo hætenus obſequio, & conſtantia delectatum munera deſtinasse, è quibus id vnum, quod pedes rimis, & marcore hiantes extemplo conualeſcerent, ipſe ſacrarum rerum doctrinam aſſequeretur, in aliorum cordibus arcana diſpiceret, & minori ſiſtidio deinceps famem toleraret. Iuſſit etiam ab ea rupe vltius in Eremum excurrere, vt pluribus exemplo, & eruditione, quam acceperat, prodeſſet. Ita ad Imperium diuini Oraculi recepta pedum incolumitate, ac ſi ſtatio, vel deſixio membris robur addidiſſet, Ioannes ſolitudinem peragrauit, in qua multos poruit, vel torpentes incitare, vel reſilientes reducere. Latent hæc ſcriptorum incuria, quæ tamen ab illius virtute conſpicimus. Plures annos in eadem Eremo vagus exegit, herbis victitans, & die Dominica rupes ſuas reuiſens, vbi interdum reſedit diutius, orationi opus coniungens, ne quando hoſtis ocioſum poſſet adoriri. Texebat è ſolijs palmarum reſtes, quibus cliellæ iumentis impoſitæ obſtringuntur. Vile proſus opusculum, ſed miraculo inſigne. Claudus quidam altero pede, in ſpem reſtitutinis ab eo impetrandæ, ſtatuerat ad rupes proſciſci. Et quia pedes nequibat, iumentum conſcendit, quod cingulum Ioannis manu textum ſubligabat. Vix læſus pes cingulum attigit, cum ad alterius longitudinem extenſus, miraculum ſimul, & itineris uſum præbuit. Sed vir Dei infirmorum incommodo cõpaſſus, deinceps inſtituit panes mittere, quibus ſacra prece benedixerat. His præuia fide uſi quamplures, leguntur conualuiſſe. Dixi, Ioannem cordis arcana, & voluntates penetraſſe, quòd humanæ prudentiæ quiſquam aſcriberet, quæ, aut eloquio, aut Phyſionomicis rationibus aliquando ad propenſiones animi accedit. At ſolius Dei donum fuit, Monachos nunquam facie perſpectos, regione abiunctos, ſcire recta, an obliqua ad religionis proſectum, vel ad inanem gloriam incederent. Nouerat è rupe, tanquam de ſpecula, quæ quiſque impugnaretur cupiditate, & vbi res depoſcere videbantur, literis Monachos, & eorum Archimandritas admonebat; reſiſtantibus prece, & conſilio aderat, lapſis ſpem faciebat; contentus vnicum immenſi laboris fructum capere, ſi canente ſe clauſicum, cæteri impij hoſtem proſiſtarent.

## N O T A E.



*E* Ioanne agit Apelles apud Euagrinm cap. 15. ex quo Palladius desumpsit: num. 61.

Apud ceteros haud facile erit de eo memoriam reperire, quia ea tempestate plures Ioannes leguntur, quorum acta facili confundi oportuit.

De altero urbis Lyci iam diximus.

Alter proprium locum habet apud Palladium n. 74. qui apud Diol. cum floruit, & multa miraculorum vj, praesertim in curandis podagra, & articulorum morbis valuit. De hoc Sozomenus lib. 6. cap. 29. & Nicephorus lib. 11. cap. 35.



## P A P H N V T I V S

## H E R A C L E O T E S .



I C E T hic nomine, & clientelis egregius inter  
 Anacoretas, videretur, anchoram in vado de-  
 misisse, atque ætatem probè traductam affec-  
 tibus exemplum statuisse, tamen arbitratus, vel lon-  
 gè abesse à scopo perfectionis, vel anceps pro  
 laboribus, an sibi quicquam deberetur, Deum  
 precatus est, vt benignè edoceret, cuinam ex  
 ipsius famulis æquari posset. Ea cura viro gra-  
 ti poterat notam inurere leuitatis ob fumum  
 aliquem inanis gloriæ, quem opinio alicuius meriti halare solet, seu ex  
 inutili alienæ virtutis curiositate, nisi euentus declarasset, suo; & alio-  
 rum beneficio diuinitus eam contigisse. Orantem vox cælestis affatur,  
 similem illum esse Choraui, qui in proximo vico musicum opus ad  
 victum exercebat. En spectator decrepitem athletam, abstinentiâ, &  
 victorijs apud mortales clarum, sub oculis tamen æterni iudicis nihilo  
 maiorem Choraule, quem animum, vel alienæ voluptatis ministrum,  
 rectè dixeris. Itaque si quicquam gloriolæ Senis animum demulserat;  
 illico concidisse. At rectius credes, ita vtrique à Deo fuisse prospectum,  
 nam alter eductus est è cœnoso gurgite, vbi facillimè merfus esset, alter  
 ad cursum vitæ perfectioris accensus. Senex in vicum progressus, faciliè  
 cum viro amicitiam iniuit, qua confusus est illum percontari, an quic-  
 quam in spem æternæ mercedis aliquando effecisset. Respondit nullius  
 boni sibi conscius esse, qui tibijs aliorum libidines acuat, ac turpem  
 inde stipem mendicet. At ille repetitis precibus hominem vrgens,  
 compulsi duplex facinus confiteri, quod Eremitæ labores, & vitæ squalo-  
 rem longè excellit. Dixit, cum inter latrones aliquando grassaretur,  
 virginem Deo sacram ab his captam, & stupro destinatam, ex eorum  
 manibus eripuisse, & incorruptam noctu ipsius ædibus reddidisse. Al-  
 terum est, quod non Eremitarum pudicitiam, sed Regum excedat mu-  
 nificentiam. Fœminam item miræ pulchritudinis in deserto aberran-  
 tem, & ieiunam nactus, ad speluncam perduxit, & vbi cæteris insi-  
 dias struebat, huic cibum, & solatium ministravit. Illa itineris caus-  
 sam interrogata, enarrauit, ab se non iter, sed errorem studiosè quæsi-  
 tum, quo infelicissimam seruitutem euaderet: nam vir suus ære alieno  
 grauis in carcere detinebatur, tres liberi communi thoro editi in credi-  
 toris



toris mancipia concesserant; & ipsa idem periculum fuerat subitura. Nobilis aspectus, comes verecundia, & orationi astipulantes lacrymæ latronis animum ad commiserationem traxerunt. Itaque madidis oculis spectata tragœdia illustris fœminæ, summam alieni æris sciscitatur, eamque trecentis denarijs donat, quot coniugem suum obstringi dixit. Etiam pulchrum audaciæ factum adiecit; mulierem in urbem comitari & proprio periculo virum, ac filios in libertatem vindicare. Ita nobilis fœmina tutata in deserto pudicitiam, adepta in vrbe securitatem, latronis vnus beneficio, etiam perditam familiam in veterem splendorem, asseruit. Admiratus Senex profunda Dei iudicia, secum luctabatur, quid vnquam boni egisset, hisce latronis operibus conferendum. Mox Choraulem felicissimum appellans, qui nullum inde apud mortales præmium, sed apud Deum sibi seposuisset æternam felicitatem, etiam cœlestis oraculi illum admonuit, rogauitque, vt se se ex instabili rerum humanarum fluxu in tutam religionis stationem reciperet, atque vetus meritum periculo eximeret noui criminis, cum tanta apud Deum illius ratio esset, vt maximos Eremitæ labores anteiret. Ipse, abiectis extemplo tibijs, Senem ad Eremitum sequitur, & non longè à Monasterio cellula donatus, reliquum vitæ, quæ triennium non excessit, sanctissime egit. Postquam morte absumptus est absente Paphnutio, eundem tamen voluit triumphum testem esse, quo ab Angelis in Cælum sublatu est. Itaque gloriose euectum ad cælum, Paphnutius Tibicinem vidit, & inuidit. Sed quia virtutis est æmulatione proficere, vt ferramentorum inuicem acui, & illustrari, cupiuit Senex, iterum sibi virum demonstrari similem. Responsum est, coarquare à Toparcha proximi oppidi. Perstrinxit animum responsio, quia nulla huius sanctitatis fama erat. Verum edoctus Choraule exemplo, vbique gentium, ac fortunæ, famulos Deum habere obsequentes, ad nobilem ipsum diuertit, à quo exceptus, & pedes ablutus, conuiuia adsciscitur. Inter cœnam nihil de se gloriose effari, nihil de meritis promere, sed more nobilium parcere, & non nisi in rem loqui. Crederes hospitalitatem ferme ad retinendam, opinionem fastus, & opulentiae institui. At vbi Senex eidem diuinum oraculum aperuit, humiliter protulit, quæ antea metu vanæ gloriæ absconderat. Inquit: Postquam tres ex vxore liberos suscepi, thoro ipsius ex condito annos triginta abstinui. Peregrinos semper quæsiui, atque excepi. Pauperibus censui meo congruam elemosinam erogavi. Odio, aut gratiæ nullius vnquam ius dixi; nemini iniuriam intuli, aut quicquam abstuli. Dissidentes composui; nulli memini nocuisse, sed profuisse. Voluitabat Senex animo, quem Eremitarum Toparchæ æquipararet, qui dignitate opibus, & clientelæ ad peccandi licentiam instru-

instructus, innocentem tamen viveret, & in summa rerum affluentia, summe inops. Igitur virum amplexatus, admonet, persistere in coepist, & pro caduce huius alimonie erogatione immortalia de Celo premia sperare. Mira res, & velligijs harena Apostolorum: Toparcha, qualis conuiuio confederat, talis est domo Senem in desertum sequitur, non reuersurus. Inter Oppidum, & Coenobium fluuius erat nullibi vadus, quem accolae cymba traieciunt. Ea forte aberat. Senex fluuium ingressus, nobilem virum consequi iubet. Hic fidens imperio succedit, & ambo genu tenus suspensi potius aquis, quam immergi, ad ulteriorem ripam peruenere. Hoc vadimonium acceptum est diuinæ promissionis, & arria propinque in Eremita tranquillitatis. Ibi Nobilis cellulam Choraulis accipiens, ab hospite suo didicit, quæ Demonis terrentia, & suggestiones contemneret, quæ Deo obsequium exhiberet, ac tedium, solitudinis temperaret. Nihil ex his prætermisum, donec adiecto decore sanctæ austeritatis, ad antiqua eleemosinarum, & hospitalitatis ornamenta, post annos aliquot satis concessit, & ab eodem Paphnutio visus est, celestis Legionis ductu, Cælum conscendere. Alter hic Seni stimulus accessit, cum binos æmulos vidit, ab se e Mundi naufragio retractos cæleste regnum præripuisse. Cur Deus, inquit, non etiam hos sequor, si meritis assequor? Sordet iam vita, cui denique triumphus gloriosæ mortis ad inuidiam ostenditur. Vel si iubes, molestam adhuc militiam diutius sequi, da, ut alienæ rursus uirtutis æmulatione proficiam. Oraculo iubetur, obuiam ire cuidam mercatori sibi simillimo. Is est superiori Ægypto cum naues in proximo littore reliquisset, decem pueris singulos leguminum modios imposuerat, quæ Patribus Eremitæ dono daret. Senex obuium complexus, etiam animi uirtutem perspexit longè clariorem, quàm Mercatoris amictus, uel leguminum dona possent ostendere. Et illata sensim de diuinis rebus mentione, eidem aperuit quantum hætenus apud Deum promerisset, & quæ ampliora consequeretur, si, posthabitis mercimonijs, se se quæstui Euangelicæ Margaritæ dederet, quam, diuenditis bonis uitæ huius, emptam, cum regno cælesti commutaret. Paruit Mercator monitis, & pueris naues, ac merces iussis distrahere, ac precium Christi pauperibus dare, in cellulam olim Choraulis, & Toparchæ nobilem palæstram succedit. Primum aduersus veteratoris fraudes didicit cuiusque operis precium, & quæ Christianæ religionis gemmæ, & quibus eas Demon vitijs adulteraret, quæ virtutum aromata essent, quæ illi putamina his subiceret. Itaque breui mens ab humanis rebus ad diuinæ traducta, veras sibi in cælo diuitias parauit, quæ perennem illic felicitatem mercarentur. Hanc idem, post aliquot annos ex humanis ærumnis decedens, adipi-

scitur, neque Paphnutius diu superuixit, præmonitus cælesti nuntio imminuentis obitus, ac horæ, qua eandem felicitatis sedem acciperet. Felix profecto, qui ex honesta aliene frugis inuidia agellum suum coluit impensius, atque ceterorum virtutis stimulo, semetipsum ad perfectionis metam incitauit.

## N O T A E.



*N* Paphnutio concordant Euagrius cap. 16. & Palladius nu. 62. Eundem inter eximios Anacoretas Aegypti recenset Nicephorus lib. 9. cap. 14.

Sed, cum plures in Aegypto eiusdem nominis Patres legantur, haud liberum est eorum acta singulis decernere.

Agit Palladius de altero cognomento Cephalâ num. 91.

Alius est, qui in Eremito vastissima conuenit Sanctum Onuphrium,

& illius acta conscripsit.

Apud Cassianum de alio leges, qui ab intenso amore solitudinis Bubalus appellatus est, tunc in Scythia Sacerdotio fungens, atque nonagenario maior, aquam suis visibus ab quinto inde milliario baiulare consuetus.

Ipsius factimonia, & doctrina testem proferre licet eundem Cassianum, qui Paphnutium auctorem facit secunda collationis.

De alio item Monacho, & egregio martyre, cuius oculos Gentiles in persecutione pro Christo effoderunt, meminit Sanctus Athanasius in vita Antonij.





## DIDYMVS CELLIENSIS.



VI inoffensus cerastes, & aspides proculcat Didymus est. Hospes ad nomen vultum contrahis? scias, id commune fuisse etiam alteri, quem iure execraris. Nouimus illum inter Scriptores, & Anacoretas olim insignem, postremo in errores Origenis prolapsum, doctrinæ, & asperi victus claritatem scdâ hæreseos caligine obscurasse.

Quarto ætatis suæ anno luminibus captus, cum in diuinis obsequiis adoleuisset, etiam crescente ætate, scripturarum doctrinam, quam humana industria, & oculorum auxilio assequi non poterat, diuino munere accepit. Hac, quantum licuit, admirabilem Spiritus sancti splendorem contemplatus, de eo libellum dictauit acutè eruditum. Etiam oracula Prophetarum orsus interpretari, rerum, obscuritatem mentis acie illustrauit. Arium omnium hæreticorum pessimum insigni volumine confutauit adeo, vt Hieronymus illud Ecclesiæ columen, cum Alexandriam cæcum auditurus perrexisset, eundem veterimo Prophetarum nomine videntem appellarit. Sed quas Ecclesiæ Sanctæ pro insigni adeo munere gratias rependit? Origenis amore infaniens, eiusdem errores mordicus descendit, malens à Catholica veritate, quàm ab perticacia descedere, & qui Arium explosit, Pelagium admisit. Emotæ mentis signum dedit, quando libros Περὶ ἀρχῶν, Origenis nempe venenatum poculum, melle scholiorum circa extrema ora liniuit, vt incautis liçtoribus propinaret, visus propterea cupiuisse, carbone Aethiopem dealbare. Itaque ab Ecclesia, cum Origene damnatus, procul faceffat à Musæo. At Didymus, quem probè oculatim aspicias, hilari fronte syncerum animi candorem præferre, non vt ille apud Alexandriam, sed in asperrima Eremo Celliæ diu versatus, inter celebriores pugiles censetur. Distat locus ab Vrbe Alexandrina, milliaria quinquaginta, vltra Nitriæ solitudinem decimo lapide, vbi Eremus desinit, naturæ inclementia, vel odio omnibus vitæ incommodis affectus. Eò non nisi veteranis, & spectatæ fortitudinis militibus accessus permittitur, vt iure dici possit, more militiæ extrema castrorum Triarijs attributa. Nomen Cellulæ indiderunt, quæ Eremum totam in orbem ambiunt, sed seiunctæ adeo, distantesque, vt quisque incolarum ab alterius aspectu, ac strepitu immunis sibi liberè viuat, & quies ex silentio cõmunis sit Medium Ecclesia occupat, in quâ Sabbato & Dominica die vniuersi conueniunt, vt sacræ Sinaxi intersint, & mutuo aspe-

Hieron.

Hieron.

De Celliæ  
Eudæ. c. 22

aspectu Christianam foueant beneuolentiam . Si quis absit , egrotare conijcitur , eique singuli ad emulationem inferuiunt . Hic igitur Didymus integritate , & abstinentia enituit , etiam hoc prodigio insignis . Regio sole perusta , ac si in contrarium enitatur , venenata fert animalia eò atrociora , quò æstu acriori coquuntur . Ibi aspidēs , scorpions , cerastes , cornutos angues , atque id genus pessima telluris excrementa , passim reperies . Ea Senex , si quando molesta essent , illæso pede legitur perinde compressisse , ac nos vilissimos terræ vermiculos . Sed quid mireris disruptos ab eo angues , qui Draconem humano generi infestum toties singulari conflictu pessumdederat ? Num venena efficiunt innocentiae , quam nulla vis elementorum , nulla hominis perfidia valuit vnquam expugnare ? Eam Dæmon , & infestus odit , & repressus admiratur .

## N O T A E .



*E* Didymo Celliense pauca a dmodum Euagrius cap. 24.  
Silet omnino Palladius .

*Meminerunt illius Sozom. lib. 6. c. 30. Et Socrates lib. 4. capite 18.*

*De Eremo Cellia plurima inuenies apud Sozomenum , & Nicephorum .*

*De Didymo Caco Alexandrino nobilis est mentio apud plures veterum , antequam Origeni improbe consentiret .*

*Eundem aequè laudauit Hieronymus , ac vituperauit pro cultu Origénis . Consule ipsius Apologiam in Ruffinam , Acta Quinta Sinodi tomo 2. Concil. & Nicephorum lib. 17. cap. 27. & 28.*

*Plurima de eodem affert Baronius in Annalibus tomo 4.*







# HELIA<sup>77</sup>S ANTINOITA.



**R**E C T E virtus in arduo, vt eò neque facilis om-  
 nibus, neque promiscuus accessus pateat, sed  
 tantum fortibus viris cum sudore, & anhelitu.  
 Quod si fluxæ mortalium diuitiæ è putri telluris  
 gremio præsertim effossæ, anxie adeo terra, mari  
 morte, ac naufragijs quærantur, & non nisi duro  
 labore, & pertinaci abstinentia cumulantur, ac  
 sensim exurgunt, cur non habeat immortalis  
 virtus precium suum, adipiscendi difficultatem? Decuit tunc, pere-  
 grinos inter confragofas montis rupes Heliam conuenire, vt præmium  
 referrent sui laboris, normam innocentis ipsius vitæ, & doctrinam. Lu-  
 nit, & ipsum Heliam in arduum montem secedere, vt Cælo propior  
 superis rebus studeret, & exemptus hominum aspectibus, nihil recte  
 faceret, vt videretur fecisse. Centum, ac decem annos natus diceba-  
 tur, & ex his septuaginta in ea montis crepidine egisse, cum Palladius  
 Eremitarum apprime studiosus, ad eum reptauit. Montis hic asperi-  
 tatem adeo expauit, vt dissilus eam aptè describere, nobis reliquerit  
 conijciendam ex vna semita, qua ascendentes è vestigijs relabebantur.  
 Sedebat tunc Senex toto corpore tremens ad os speluncæ, quam saxo-  
 rum moles præruptæ vndique, & impendentes efficiebant cubile potius  
 aliquod ferarum, quàm imbecilli senis recessum. Credas tamen, eam  
 ab Helia haud minus iucundè habitatam, quàm nobiles quispiam alius  
 principum ædes: nam postquam in montem ascendit, nunquam ad su-  
 biectas regiones desiliuit, sed ibi vltroneum solus egit exilium. Hæsi-  
 tas, quomodo loci horrorem, & vitæ duriciem illic tolerauit? Concor-  
 dant diuina dona piæ hominum voluntati; nam Deus ipse causa susce-  
 pti laboris est, & solatiij. In ipsa orationis frequentia, post pensum  
 redditum diuinæ laudi, quoties contigit huic in extasim rapi, & inter  
 cælestes ciues arcana Dei ineffabilia contemplari? Ita animum in suo  
 Conditore fixum corporis incommoda minime afficiunt: cum enim illic  
 proposita victoribus præmia, & apud inferos poenas impijs statutas me-  
 ditatur, eo se se transfert libentius, vbi spes manet vitæ beatioris. Fi-  
 dem opinionis habeo, famam inter adiacentes populos celebrem, quòd  
 super illum spiritus antiqui Helix requieuisset. Nouimus è sacris codi-  
 cibus, quàm familiariter ille Deum alloqueretur. Pietatem nouimus,  
 qua Idolorum euersis altaribus, & mactatis Sacerdotibus, pulchra ex-  
 de facinus Israhelitarum expiauit. Admiramur hætenus Achabi regis  
 osci-

## 78 HELIAS ANTINOITA.

oscitantiam, & Iezabelis improbitatem, qua ille actus in desertum, aliquando secus torrentem Carith, deinde ad montem Oreb, longo per solitudinem itinere ieiunio, ac lassitudine pene confectus est. Eundem aspeximus curru igneo in Cælum extolli. Attamen liceat nobis parua magnis conferre, & populorum opinionis rationem efferre, qua in nostro Helia specimen aliquod conijciebant maximæ virtutis alterius Helix. Solitudo utrique communis est. Zelus item diuinæ Legis. At vltio de Idololatræ, qua prior Helias eluxit, proximam habeat vindictam posterioris, qui sensus Legis obseruationi reluctantes compressit, & synceram mentem Deo holocaustum dedit. Ille igneo curru Cælum subijt, hic animo flamma charitatis accenso. Illius ieiunium corui allato pane repulerunt, huius voluntatem præfixa sibi quantitas cibi nunquam expleuit: nam legitur, ætatem robustam sustinuisse vnico cibo semel tantum in hebdomade accepto, & senescentem nutriuissse quotidie teruncio panis, ac tribus oleis non ante solis occasum. Idem multis miraculis claruit, quæ abundè sanctitatem ipsius testantur, sed nobis id præcipuum sit, vltra decrepitam ætatem, eadem semper fide, & vite innocentia viguisse.

### N O T A E.




*DE Helia scribit Euagrius capite 12. & Palladius ijs fere verbis n. 51. Illum decennio maiorem centenarij nihil sueta austeritatis remisisset, prodit Sozomenus lib. 6, cap. 28.*

*Antinopolim urbem ab Hadriano Augusto extructam in honorem Antinoi dilecti ab eo adolescentis, qui in Aegypto fato abreptus est, accepimus ab Dione, & Spartiano, quibus sanctus Hieronymus ascriptatur.*

*Eundem turpiter inter Deos Gentilium relatum, vident Ecclesiastici Scriptores, Insinus Martyr in Apolog. Origenes contra Celsum, Chrysostomus, & alij.*

*Floruit alter Helias Catui sacrarum Virginum Praefectus, qui in extasi ab Angeli exsectus, & pudicitia donatus, scribitur à Palladio num. 35.*

*Alius etiam, panes diuinitus acceptos hospitibus a pposuisse num. 11.*





## SERAPION ARSINOITA.



RBS regionis Cyrenaicæ ab Arsinae Ptolemæi  
 Lagi filia, auctore fratre Philadelpho, nomen  
 sortita, nobilis aliquando Monachorum extitit  
 Academia; nam æger, qui in Lybiam vergit, cæ-  
 teris mortalibus sterilitate, ac solitudine ineptus,  
 institutis Eremitarum apprime conueniebat. Hos,  
 instar operosi apum examinis, illic excreuisse ad  
 decem fere millia, auctores consentiunt, station-  
 nibus quidem seiunctos, sed vnius Serapionis imperio obediētes, qui  
 presbiteratus officio insignis, sedulò amplissimi gregis salutem curabat.  
 Ita militia aduersus Dæmonem, & carnis mollietiem, ab lucta singulari  
 ortum ducens, paulatim in manipulos, cohortes, ac demum in legio-  
 nes euaserat, dispersitis inter milites officijs, atque instituta disciplina,  
 qua totus vnusquisque in hostem pugtaret, & ad maiores militiæ gra-  
 dus conscenderet. Itaque è castris Serapionis cerneret, Legionem pro-  
 dire, in qua vel res, terrenarum rerum despectum primi in aduersam  
 aciem eminus iacularentur; inde inter haltatos recens, orationum  
 contis irruentem hostem sisterent, mox principibus imministi, scuto con-  
 tinentiæ, & gladio contemplationis eundem cominus exciperent, ac  
 demum merito ætatis, & sanctimonix inter Triarios cooptati, si quan-  
 do acies inclinaret, illam insigni charitate restituerent. Et quia cum  
 hoste insomni res erat, excubias sibi vnusquisque agebat, & Veterano-  
 rum consilijs Tyrones, Veterani Tyronum ferocia ad victoriam ute-  
 bantur. Quis hæc non potius Angelorum, quàm hominum castra di-  
 xerit, vbi miles primum docebatur, abdicata sua voluntate, alienis  
 iussibus obtemperare, & per singulos virtutis gradus prouehi ad supre-  
 mum imperij decus? Id quia non opum, aut titulorum claritudine emi-  
 nebat, sed paupertatis, ac humilitatis fauore conferebatur, ab vni-  
 uersis quærebatur enixius, quàm optabatur. Nam veteres Patres haud  
 minus sollicitos faciebat hostis auersus, quàm aduersus; suetus nempe  
 Parthorum more fugam inire, vt insequentes sagittis acrius confoderet,  
 atque victum se se interdum simulare, vt incautos victores facilius op-  
 primeret. Itaque despicere bellicam laudem, & victorias Deo ascribere,  
 ne humana aliquando gloria tumescerent. Hauserant eam discipli-  
 nam ab Doctore gentium, qui ad tertium Cælum raptus, & diuinis  
 arcanis admissus, tamen ad stimulum carnis, lubens accepit malum  
 genium, à quo colaphis caderetur. Igitur militum virtutem hospes

indicem habeto sui ducis, cum scias è disciplina militari, nunquam Leonum exercitibus Ceruos præfici, sed Ceruos ab Leonibus ductari, vt insitam natura formidinem in audaciam ductoris conuertant. Hisce studijs diuinæ militiæ ciuile opus admisceatur, quod liberalitatem Serapionis in egenos, & discipulorum ipsius obedientiam plurimum commendat. Cum messis appeteret, è sterili Eremito discipulos ad fertiliores regiones dimittebat, vt frugum precio operam suam messoribus locarent. Hi laboriosos adeo, ac fideles operarios auidè suscipiebant, quia in opere æstus tolerantiam, domi religiosam modestiam sæpissime experti, eorum exemplo vbique proficiebant. Duplex etiam hinc Aegypto beneficium. Alterum, quod Prouinciæ frugum ditissimæ, & colonorum inopi subsidia impendebantur. Alterum, quod parta cum Monachis merces, præter eam, quæ victui necessaria videbatur, ad pauperes item redibat ipsius Aegypti. Et quia, vt diximus, Cyrenaicam regionem sterilem præ cæteris pauperes minus frequentabant; quod Monachorum necessitati supererat, Alexandriam nauibus mittebatur, egenis, ægris, & hospitibus distribuendum. Acta messe, & congesta, in victum fruge, ad militiam ab agris reuertentes, lætabantur, cæteris exercitamentis eleemosinæ opus adiecisse, neque in eo quicquam propriæ voluntati indulgisse, cum fruges arbitrio Serapionis permissa, nutu ipsius erogaretur; vt rectè dici posset, sudoris mercedem, quam oculati acceperant, cæci aduersus inanem gloriam profudisse.

## N O T A E.



*S* E L E B R I S est inter Enagrij Anacoretæ cap. 18. & apud Paladrum num. 76. ex quibus slogan desumitur.

De eodem agit Sozomenus lib. 6. cap. 30. & Niceph. lib. 9. cap. 14. qui etiam fusiùs de Serapionis virtute meminit lib. 11. cap. 33.

Vniuersorum vna est vox, illum Presbiterum, & Abbatem decem millibus Monachorum præfuisse, & messis tempore discipulos aliò operarios legasse, vnde his fruges, & pauperibus eleemosina.

Idem fortassis apud Cassianum est, qui auctor. inducitur quinta collationis, & de quo agitur collatione 18. cap. 11.





## PITYRION AEGYPTIVS.



CHOLA Magni Antonij, inter cætera Aegypti lumina, Pityrionem edidit, quem hæredem eius virtutis non hominum sola opinio celebravit, sed etiam miracula longè clarius contestata sunt. Edoctus quicquid ordo sacræ militiæ deposcebat, quamvis recepto inter superos Antonio, alijs præfici potuisset, tamen maluit sub Ammonis illius successore stipendia facere, quousque idem apud mortales fuit. Tunc longo usu militiæ, & consuetudine tantorum Patrum instructus, cum cœpisset proprio Marte dimicare, famam illico eximij ducis adeptus est. Famam discipuli plures secuti sunt, quos ipse, iunctis exemplo consilijs, in castra virtutis citissimè aduersus vitiorum petulantiam, & Dæmonis nequitiam perduxit. Primum oportuit alterum à veteri Antonij, & Ammonis gymnasio instituere, quia id memoria eorum celeberrimum à propinquis populis mirè frequentabatur. Itaque mons quæsitus est horridus adeo, ut viatores à Thebaidæ redeuntes sædum etiam illius prospectum declinarent. Is succedentibus iniuriâ rupibus scaber, & vertice erga subiectum flumen incuruo, ac si præcipitium sibi ipsi minaretur, intuentium oculos fatigabat. Nihil ibi deliciarum, sed neque ad hominum usum, præter speluncas, quas nuda silex varijs anfractibus circumducta efficiebat. En, hospes antrum, quod pictor enixè studuit saxo, ac tenebris immanè simulare, neque tamen satis pro horrore, quem longè maiorem, apud vitæ eius scriptores legas. Quot illic specus, tot palæstras accipe, vel speculas, ubi aduersus repentinos Dæmonis incurius quisque aduigilabat. Certabat duri militis victus cum ipsa loci asperitate, & cuique firma inhæserat opinio, fore acceptius Deo obsequium, quod maiori incommodo impenderetur. Meminerant prisca instituta, quo Iudæorum gens iuebatur, è rudi saxo, & impolito aras Deo excitare, unde libentius loci, & vitæ ruditatem nullo terrenæ ambitionis ferro expolitam, Deo aram puræ sinceritatis erigebant. Neque sacrificio aberat hostia in cadê prona, ipsa obedientia, quâ à Samuele didicerant, cæteris victimis præstare. Hanc ipsi Deo votam, Pityrioni exhibebant. Ipse nihil discipulis iussu volens, quod prius sibi ipsi non imperasset, aderat vniuersis incitamentum. Bis in hebdomadæ cibum ex pulve farinaceo sumebat, quo mortem arceret magis, quàm vitam produceret. Multa ipsi laus à curatione infirmorum, & plurima virtus, & auctoritas in-



malos Genios, qui obsident humana corpora. Nam sicut olim superba coniuratione aduersus conditorem suum sibi ruinam, & exilium conflauerant, ita oppositam suę infamix gloriam humilitatis in Pityrione, æquę oderant, ac timebant. Odium agnoscis in diutina fatigatione, ac negotio, quod ipsi, & discipulis ad æternam vitam incedentibus facebant. Timorem vidisses eorum, qui homines vexabant: nam ad aspectum ipsius frementes, & ululantes fatebantur, se in summo algore æstuarē, atque importuna relictatione ab eo sibi inferri tormenta. Ea propter innumeri ab eorum obsessione precibus beati viri exempti sunt. Apud Scriptores adhuc extat Pityrionis doctrina, qua nostrę ætatis Exorcistę, si velint, facillimę infringant improbi hostis vafriem, ac pęrtinaciam. Aiebat. Quando extorres ij de Cęlo ad infimas telluris caueas detrusi sunt, etiam a virtutibus descuerunt; & sicut hierarchicę ad diuina obsequia distinguebantur, ita post lapsum retentis ad iniuriam ordinibus, etiam inter se vitia dispertiuntur, quibus mortalium felicitati inuidentes, conantur eorum animos inficere, & in contemptum depellere sui conditoris. Itaque athletam aduersus eos pugnaturum, oportere primũ se ab eorum vitijs integrum seruare, atque deinde audacter obsidentes aliorum corpora exturbare. Sic gulosum Dęmonem facillę protriuerit, quisquis gulę lenocinia contempserit. Sic auaro spiritui imperauerit, qui in Christi pauperes exercuerit liberalitatem. Quis enim arroget sibi imperium in eos, quorum ipse iugo deprimitur? vel hostilibus armis incessat, quos malorum suasores sequitur, & obsequijs amicos proficitur?

## N O T A E.




*MALE* in tabellis Sadelerorum Spyridion, qui in Cypro Episcopus Thrymituntis illustris, inter Patres Nicęni Concilij, nihil commune habet cum Anacoretis.

Pityrionis acta habet Euag. cap. 13. & Palladius num. 74. probę consentanea.

De eodem mentio est apud Sozomenum lib. 3. cap. 13. & Niceph. lib. 9. cap. 14. qui in nęstro pene stylo scribunt, illum aliquando apud Athenas Asceterium, seu Cęnobium instituisse.

Differt ab eo Pityrion ille, quem Palladius recenset multę virtutis virum, & aliorum probitatis æquum existimatores, num. 42. & Socrates Petirum nuncupat lib. 4. cap. 18.





QVEM cernis quercu innixum euoluere librum  
diuinę Legis, Presbiterum, & inter Eremitas  
pręcipuum dignosce Eulogium, qui lectione in-  
dicat mentem sacris rebus mancipatam, & vul-  
tus serenitate admirabilem morum mansuetu-  
dinem pręfert. Cęteras virtutes conijce ab  
ipsa sacerdotij dignitate, quam veteres Patres  
non profusę, sed parcę admodum, & quibus-  
dam tantum viris sanctitate, & doctrina prę-  
stantibus, atque ex vniuersa Monachorum Legione delectis confere-  
bant. Ita ea ætas diuinarum rerum dignitati consuluit. Verum nec  
Patrum opinio, neque ambitio maximi honoris adeo viros stimula-  
bat, vt sponte hunc susciperent, sed coacti maiorum imperijs, & in-  
iuncti plerumque. Huius rei testes habeo alios, qui pia Episcoporum,  
violencia Eremita abstracti, & initiati, populorum salutem curare, &  
pręfecturam animarum subire coacti sunt; alios, qui membra sibi exse-  
cuerunt, ne initiarentur. Quod profecto ex diuini cultus obseruantia  
exactioni, & eorum humilitate accidisse existimo, cum sciam, apud oc-  
cidentales prouincias supremos aliquot ordinum Patriarchas ab ea di-  
gnitate consulto abstinuisse. Sed cum religiosę exercitationis, & diui-  
narum rerum apex sit ineffabile altaris Sacramentum, in quo fideles  
pijsissimi Redemptoris sui corpus, & sanguinem venerantur, atque spi-  
ritali inde cibo accepto, ipsius gratiam ad æternam salutem, & pręsi-  
dium aduersus hostium nequitiam consequuntur, ea propter curauerant  
Patres, in Eremita construi Ecclesias, vbi statis diebus sacra Sinaxis age-  
retur, atque vniuersi Eucharistiam religiosę perciperent. Itaque ta-  
men eadem omnium esset contentio de humilitate, & ordinis reueren-  
tia, oportebat tamen aliquem Sacrorum Ministrum designari, qui pro  
libito intus Eremiticam paruitatem, extrā cultu venerabiliore diuini  
muneris splendorem tueretur. Hospes, talem Eulogium tibi suadere,  
potuisssem ab ipso Sacerdotis titulo, sed alterum adhuc subiiciam Dei  
donum, quo illum longę illustriorem cognoscas. Nosti, proprium esse  
ipsius Dei, & alienum ab hominum natura; aliorum cogitationes, &  
animo oberrantes curas perspicere. Ipse tamen Eulogio dedit, vt sa-  
cris altaribus ministrans, merita, & culpas cognosceret singulorum, qui  
ex his participarent. Vnde maius apud quemlibet studium integritatis  
fuit, & ab omni labe criminum expiatio. Arcuerat olim à sacra Mensa  
quos

Cassianus  
col. 21. c. 8

S. 29. ff.  
6. 4. 2. c. 20.

quos intellexerat, occultis cecidisse cupiditatibus, aut fluxa fide erga  
 \*Mysterium illud minus stare, etiam singulis aperiens, quibus sugges-  
 tionibus assensissent. Siccinne, aiebat, ausi estis in hanc æterni lu-  
 minis claritatem lippos oculos intendere, qui tenebris dissidentiae ha-  
 ctenus cecutitis? Ita ad mensam Agni immaculati, quam cohortes An-  
 gelorum venerabundè circumstant, accedere vobis in animo fuit, qui  
 inter prauas carnis cupiditates volutari, desideriorum adhuc luto sordet-  
 tis? Facecite hinc, facecite, donec profanam audaciam poenitentia di-  
 luatis, & digna pro facinoris grauitate satisfactione promereamini inter  
 membra illius recipi, quem visibilibus obductum elementis impuden-  
 ter adeo appetere non exhorruistis. Quibus salutarem repulsam odif-  
 set, quæ fulmine veritatis ad commiserationem temperato, potius auer-  
 teret nutantes animos ab sacrilegio, quàm in desperationem verteret?  
 Quis ignoraret in verbis Eulogij Dei clementiam, quæ peccatores ab  
 aris submouebat, ne diras sceleris vltices subirent, atque interim er-  
 rores mentis, & humanæ fragilitatis culpas exuerent? Hac Eulogij se-  
 ueritate piè coerciti, & orationum ipsius suffragijs adiuti, sacris & gra-  
 tiæ reddebantur, vt nulla contumeliæ, sed diuini operis tota ratio esset,  
 quòd tumor pestilens animum confecturus cuspide reuelationis incide-  
 retur, ne malo ceteros aliquando contactu inficeret.

## N O T A E.



*E* VLOGIVM multis laudibus efferrunt Euag. cap. 13. & Pallad. num. 75  
 Quibus consentiunt Sozomenus lib. 6. cap. 28. & Niceph. lib. 1. cap. 33.  
 Præter Ammonium Longum, qui postea Origenistam se prodidit, &  
 sibi autem præciderat, ne Episcopus initiaretur, nobilis est memoria  
 Sancti Nilamontis, qui ne eandem dignitatem subiret, Deum precatus  
 est, vt ante vitæ excederet, excessitque.

Isaac Abbas, ne Presbiter fieret, fugam iniecit.

Abbas Mothes, cum innitus sacrum charactèrem accepisset, tamen ad obitum vsq;  
 sacris litare abstinuit. Vita sp. par. 2. cap. 78.





# APELLLES FABER.

93



ABRILEM artem, quis religionis tyrocinio  
absimilem putet? Ocium, quod illius vires, hu-  
ius mores corrumpit, anxie vtrinque exploditur.  
Vigiles ambo, vel hymnorum concentu, vel lecti-  
bus malleorum auroram anteuertere. Vtrique  
necesse ad opus, ignem inextinctum fouere; al-  
teris, quo ferrum in præstantiores formas recudat;  
alteri, quo semel succensa est diuini amoris, eod-  
em iugiter caleseat. Illa ferrum, hæc mores elimare, vtraque luxum  
odisse, ac victus parcitatem sequi. Lector dixeris, nos ab ollicina, &  
elementari foculo repente ad flammam celestis gratiæ traiecisse, & gra-  
riam artem, præter comparisonis apud Rethores præcepta voluisse spi-  
ritualibus disciplinis inferere. Ita prorsus ex occasione Apellis huius,  
quem fabrum, & Eremitam cernis inter aras Deo sacras, & incudes  
sue artis versari; vt ea facilitate, qua nos ab arte fabrilis ad celestium  
contemplationem diuertimus, tu illum cogites, ad virtutum spirita-  
lem officinam à fabrilis instituto flexisse. Vixerat aliquandiu apud suos  
innocenter, mox religionis desiderio incensus in Eremitum abiit, vbi  
faber effectus sui ipsius, mores suos studuit expolire, animumque  
componere ad iussa sui conditoris. Ita congenitam integritatem trans-  
ferens ad vitæ genus longè præstantius, illum mentis candorem inter  
ipsos religionis candidatos retinuit, quem ab omni huius Mundi cali-  
gine inoffensum attulerat. Neque tamen illic malleis, aut æri peper-  
cit; immo diuinis rebus animum tribuens, corpus fabrilibus exercuit,  
ne in quiete superbiens, auderet spiritui reluctari. Diuinæ vocationis  
gradus in eo hospes intueri. Faber è fumo, strepituque ruentis seculi  
abducitur. In Eremita sui corporis maceratione, & omnium virtutum  
profectu, sanctitatis opinionem consequitur. Inter sanctos, deferente  
vniuerso Eremitarum collegio, dignus habetur, qui sacrum Presbyterij  
officium suscipiat. Nihil horum cupidè ambitum est, sed collatum  
propriæ virtuti ab alieno iudicio; quia non præcipiti voto, sed matura  
de emerito viro Patrum sententia, res tunc temporis agebantur. Co-  
gimur inuiti memorias. Clarissimorum virorum breuib; adeo elogijs  
honestare, quod scriptores de his parcius egerint, dum vtramque  
Thebaidis solitudinem lustrantes, æmulantur calâmo itineris celerita-  
tem. Attamen vnum superest Apellis facinus, quod fidem, & sancti-  
tatem egregiè ostendit. A sacramenta in vsum totius Eremitæ noctu Pater  
cude-

cudebat, probè opus vigilijs coniungens. Forſan religioſus faber ſa-  
 eris hymnis opus ſolabatur, vt id genus habet, cantu laboris duri-  
 tiem lenire. Silentium, nox, & ſolitudo à reliquis faciebant. Ignis  
 aderat ſolium impulſu fremens, atque in eo ferrum operi ſubijciendum.  
 Huc humani generis hoſtis irrupit, non armis, aut virili aſpectus, ſed  
 ore ſcæmineo, & fucata ad ſtuporem uſque pulchritudine. Quid ad illi-  
 cium huic deeſſet? Num forma? cum etiam maximè deformia ſoleat  
 hominum oculis pro ſpecioſiſſimis obtrudere, ac ſenſus ad nutum ſalle-  
 re? Deeſſet procacitas Magiſtro omnium libidinum? Egereſt ſacundia,  
 qui illam primo, ac peſſimo noſtro malo apud Euam omnium parentem  
 exercuit? Cerneret, puellam laſciuè comptam formæ excellenti inge-  
 nuam prætendere verecundiam, & diſmiſſis blandè oculis, velut ho-  
 minis conſpectum erubeſceret, virginum pudorem clementi, inter-  
 dum tamen his ſublatis modicè ſubridere, & acriores libidinum ſates  
 eiaculari. Aduentus cauſſam ſimulat, quippiam illius artis ſibi neceſſa-  
 rium. At Senex initio anceps, qua procax puella per noctis umbras in  
 Ereum, & Fabri tabernam penetraret, dolum paulatim ſenſit, &  
 Dæmonis artem fabrilis artificio eluſit. E fornacula ferrum candens  
 manu arreptum in faciem petulantis puellæ iacit, quo percuſſa ſtatim,  
 immani edito vlulatu euauit, illaſa penitus manu, qua Senex ferrum  
 incenſum extraxerat. Fugientis vox in ipſo noctis ſilentio longè atro-  
 cior, totam Ereum peruaſit, vnde peſſimi Dæmonis contumelia, &  
 Apellis victoria illuſtrior fuit. Adiecit victori donum Dei liberalitas,  
 vt deinceps nudis manibus ferrum candens innocuus tractaret. Itaque  
 hoſtis, licet ab elementaribus iniurijs, & plagis hominum liber, ſui ta-  
 men ipſius contemptum, ad Apellis gloriam, coactus eſt fateri, moleſtiſ-  
 ſimè accepiſſe, cumque ferino vlulatu euulgare, quo ſcirent vniuerſi,  
 nihil Chriſtianæ fidei imperuium eſſe, vel innocentis vitæ meritis in-  
 acceſſum.





N O T A E.



**N** O B I L I S iniuria, qua infestum hostem Apelles decessit, au-  
torem habes Euagrium cap. 15. Et Palladium num. 60. Quam  
repetunt decorè satis Sozomenus lib. 6. cap. 28. Et Nicephorus lib.  
11. cap. 34.

Horum etiam certior est opinio de loco ; ubi miraculis claruisse  
Apelles dicitur .

Achoris nuncupatur inter Aegyptios, fortassis ab Idolo, seu fal-  
so numine, quod ad muscarum pestilens genus abigendum Cyrenaici pars Aegyptiorum  
colebant.

De eo meminit Plinius lib. 10. cap. 28. Si quidem sive eos ab Deorum nominibus  
Urbes appellare. Testem habeo Hermopolin, Diospolin, Antinopolin, & alias id ge-  
nus plures.



## ORIGENES AEGYPTIVS.



**A**D STA spectator, & quidem nomen accipe. Origenis eximij Anacoretæ, qui sub Antonio sacram militiam apprehendit, & instar illius, ad vera Christianæ religionis decora prouectus, etiam in nostro Museo locum habet. Sed opus Coementarij, quo cellulam peregrinis illico dimittendam, vt alias plures, videtur extruere, scito ab Origene prorsus alienum, & pictoris inscitia appositum. Quippe hoc studium non ipsius, sed Ammonij Abbatis fuit, qui cum germanis Eusebio, & Euthimio in Scythi regione Anacoretis frequentissima asperè, ac religiosè aliquando victitasset, in Origenis delirium prolapsus, & errores mordicus sustentans, inter Ægypti Monachos turbas, & seditiones exci-  
 rauit; ausus, & Alexandria Pontificem carpere, & Catholicos errori infensos maledictis exagitare, donec canente classicum Hieronymo, & vexillum inferente Epiphanio Salaminæ Episcopo, Synodus Alexandria coacta est, in qua Theophilo Urbis Antistite præsidente damnatus, & de Ægypto depellitur. Sed audax Origenista nihil fractus tantorum Patrum iudicio ab errore non respuit, immo prauo semper omnium hæreticorum more, ausus fuit de rebus fidei ad Cæsaris thronum prouocare, & sacra profanis commiscere. Habuit etiam asseclas suos, quantum Sacrarum Scripturarum ignaros, tantum obstinatiores, è quibus agmine composito Byzantium nauigauit, aliquam ibi erroribus opinionem facturus, nisi breuissimè vita excessisset. Hospes forsan Palladium audisti, quibus Ammonium laudibus celebret, & Sanctis Anacoretis studeat coniungere; sed cogita affinem de affine loqui, & familiare scelus inter domesticos collaudari. At noster hic Origenes apprimè Catholicus, & nulla ad pompam ostentatione fidem, & disciplinam, quas ab Antonio Magno acceperat, præstitit vbiq; incorruptas, siue hanc peregrini, siue incolæ eam cuperent edoceri. Subijcimus imagini Summi viri breue, quidem elogium, sed duobus insigne ornamentis, quæ auctores de eo meminerunt. Alterum prudentia est, qua probis consilij optima facta coniunxit, sibi & alijs pio prospexit, atque receptam inter populos de se opinionem virtute, & rebus benè gestis transgressus est. Eloquentia alterum, qua Antonij mores, & miracula sæpe rogatus enarrare, miram ex his doctrinam, ac pietatem auditoribus infudit, & sancti præceptoris memoriam frequenti mentione exornauit.



**C**ELLVLAS construxisse, ac peregrinis sapius dimisisse, laus existit Archebij Abbatis Diolcent, de quo agit Cassianus Institutionum lib. 5. cap. 37.

Etiam Ammonio hoc ipsum tribuit Euagr. cap. 23. & Palladius num. 70. Sed nos Origenistam hareticum damnatum explodimus.

Celebrent illum una cum Dioscoro, Eusebio & Euthymio germanis, Euagrius, & Palladius eadem fuligine conspersi, & more eorum, qui cecos duces sequuntur, in eorum sententiam eant Sozomenus, & Nicephorus. Sed nostri huius Origenis laus sit apud Catholicos, ut pote discipuli Magni illius Antonij, qui hareticorum omnium familiaritatem ex testamento suis sectatoribus interdixit.

Origenis pietatem meminit idem Euagrius cap. 26. Sed Palladius silet prorsus.

Nonnulla de eodem reperies apud Sozomenum lib. 6. cap. 30. & Nicephorum lib. 11 cap. 37.





## EVAGRIVS PONTICVS.



V A G R I O huic imago statuta est, non quia as-  
sertorem prauorum dogmatum Origenis, & cul-  
tro Sanctæ Catholicæ Ecclesiæ deraſum ex albo  
fidelium, inferi velimus cætui illustrium Anaco-  
retarum; sed vt Palladij ſectatoris, & neceſſarij  
ſui ſtudio inter eos ſubdolè olim recensitus, digno  
inde ſua temeritate elogio extrudatur, & delatus  
immerito honor auerruncetur. Ad Pontum Eu-

Palladij  
86

xinum inter Iberos natus, ſub Baſilio Magno Cappadociæ Epifcopo, &  
fratre ipſius Gregorio Niſſeno ad Eccleſiæ miniſterium delectus, ab eo  
inter lectores, ab hoc inter Diaconos cooptatur. Item ex Sacrarum li-  
terarum ſtudijs aliquam ſibi præſtantis ingenij fidem parauit, quæ non  
minimum creuit Niſſeni conſuetudine, qui ad Synodum Conſtantinopoli  
indictam proficiſcens, Euagrium ſibi comitem adſciuit, & Nectario in  
eam ſedem, Gregorio Nazianzeno vltro abdicante, ſuſſecto, plurimum  
commendauit. Illic aliquandiu verſatus, cum eruditionis, & morum  
elegantix ſamam aucuparetur, mutuo nobilis ſceminæ deſiderio arſit,  
ſed reſugiens adulterij turpitudinem, ſeu veritus viri ipſius zelotypiam,  
qui multa apud Auguſtos auctoritate, coniugij iniuriam facilè vindicaſ-  
ſet, vſus ſaniori conſilio in Aegyptum abiit. Sed qui adulterium By-  
zantij effugerat, ſacrilegium in Aegypto ſubiit, & qui zelum coniuga-  
lis hominis pudicitix timuerat, ſponſam Dei viuents Eccleſiam auſus  
eſt cœnoſis opinionibus attreſtare. Diximus, Alexandriæ Didymum fa-  
uiſſe erroribus Origenis, & libros *Πηλ ἀρχαῖ*, ſcholijs vafrè ornatos, in-  
ter Monachos Aegypti diſperſiſſe. Audiuit eundem Euagrius, & Ori-  
genis venenum auribus acceptum altiùs in cor tranſmiſit, quòd poſtea  
proprio felle auctum, in maiorem Catholicorum perniciem euomeret.  
Ita qui ab cæco ductus in Origenis errores impegerat, eoſdem oculatus  
vult ad occidentis populos tranſmittere, vſus propterea Ruſſino Aui-  
leienſe, qui libros *Πηλ ἀρχαῖ* latinitate donatos Romam inueheret. Res  
iam in vota conceſſiſſet, atque malis inijs deteriora adiuncta eſſent  
incrementa, allatis in urbem libris, & in vulgus iactis, niſi Marcellæ  
nobiliſſimæ Romanarum mulierum fide, ac religione indicio, detectum  
venenum, & inſame redditum voce Hieronymi, è pago Berlehemitico  
fulminantis, Summi Pontificis decreto exaſtum eſſet, ne latius ſerpe-  
ret. Etiàm ipſo Ruſſinus inueſtor portentorum, iuſſus cauſam dice-  
re, & ſibi malè conſcius, abſens anathemate notatus eſt. Interea

Hieron  
Epiſt. . . l  
Pama. b.

Eua-

Euagrius ab Alexandria Hierosolimam profectus, apud Melaniam Seniore (Romanæ fidei quale decus nisi excidisset!) aliquandiu mansit, ægrotauitque; malè tamen hospitij repensò officio, quando nobilem foeminam hætenus de Christiana re optimè meritam eodem Origenis cœno aspersit. Eadem hortante cum religionis cucullum induisset, ad montem Nitriæ profectus est, ubi in grege Cœnobarum biennium exegit. Proinde arbitratus tantum in Gymnasio profecisse, vt solus iam militare posset, in Scythin Eremum contendit. Recruduit tamen in ea solitudine venenum, quoddidymo propinante hauserat, atque in vomitum erupit. Itaque libros quosdam effutijt ad Monachos, & Virgines, & ad Melaniam ipsam, melle perlitos eloquentiæ, sed Origenis opinionibus confarcinatos, quibus simplices Eremitarum mentes veteri famæ Origenis deditas, & recentium errorum ignaras, ab Ecclesiæ vni-  
tate aberrare fecit. Præ cæteris nixus est, apathiam, quam nos impassibilitatem, vel impeccantiam dicimus, acceptam è scholis Stoicorum, in Ecclesiam referre. Libero ea hominis arbitrio tantum tribuebat, vt sua vi talem sibi hominem obfirmaret, qui Deo, vel saxo similis, nulla posset perturbatione commoueri. Explodebatur etiam fomes peccati, qui post collatam in baptismate gratiam remanet, vt hominem exerceat, & ad promerenda maiora victoriarum præmia sollicitet. Lector huius opinionis maxima adhuc vestigia reperies apud Palladium in Lausiæ, quibus eundem Euagrii contubernalem, sectarium, & laudatorem dignoscas. Scripsit etiam vitas Eremitarum, vt Catholicis Patribus Origenistas suos intermiseret, quod tamen Hieronymus probè sensit, nec tacuit. Mirum quot ex ea doctrina in Aegypto rixæ excanduerunt, & scissa Christi fides quantum perpeffa, dum Origenistæ errorem Antropomorphitarum Catholicis obijciunt, eosque Pilositas vocant; hi venenatos colubros iure execrantur. Eodem dissidio cognitum est, quantum sibi arroget ignorantia studio decepta opinionis. Monachi Origenis studiosi, quem martyris filium, & eruditissimum scriptorem audiebant, sed hæreticum non nouerant, eò temeritatis progressi sunt, vt Theophilum Episcopum pene opprimerent, nisi coram Origenem laudauisset. Vulgus etiam eorum sanctitatis opinione ductum suaderi non poterat, quod pro hæresi aduersus fidem catholicam confligerent. Ea propter ambigua vbique concertatio, & ex inscitia, temeritas. Et quamuis synodali iudicio damnati apud bonos excidissent, tamen maiora tentare aggressi sunt, dum eorum Centuriones Euagrius, Ruffinus, Palladiusque, (& Ioannem Episcopum Hierosolymitanum adijciam) eorum incendijs faces subministrarunt. Ab his Pelagius post aliquot annos ansam accepit hæresis, qua apertius liberum  
arbi-

Hieron.  
Eppist. ad  
Ctesiphon.

Hieron.  
ibidem.

arbitrium præter gratiam diuinæ largitatis sustentans, multas orbis terrarum prouincias depopulatus est. Sed plura diximus de Hyperborita, quam par esse videatur, cum sciamus illum, repetitis Ecclesiæ Sanctæ iudicijs, & in quinta præsertim Oecumenica Synodo, & duobus Romæ Concilijs, hæresis damnatum, in præsentī Musæo, non ad ornamentum sui ipsius, vel loci, sed in probrum hæreticorum stare. Habuit tamen laudatores suos, ex quibus alij virtutem ipsius, & ingenium ante susceptos errores Origenis commendant; alij iisdem erroribus impliciti, ut mulorum est se se mutuo scabere, antesignanum suum immodicè extollunt. Sic Socrates hæresi Nouatianus ausus est illum Macarijs sanctissimis æquare; & Gonnadius Pelagij alumnus miraculis honestare; atque Palladius cæterorum Euagrio addictissimus eundem scribere, vixisse instar Apostolorum.

## N O T A E.



*PALLADIUM* affectam, habet Ponticus laudatores suos Socratem, Sozomenum, & Nicephorum, quorum alter sumpsit ab altero.

Latuit aspis aliquando obrecto veneno inter choros Angelorum; sed simulatio palam fuit, cum libros sententiarum edidit, quibus Apasthiam, quam D. Hieronymus impeccantiam, Nicephori interpret Indolentiam nuncupat, secutus Origenem euulgauit, qui eandem è

schola Stoicorum ebiberat.

Cæteras item illius opiniones de prima animarum aliquando origine, & de earum ablegatione ad inferiora corpora in panam delicti, cæterasque eiusmodi impietates cum Didymo illo Cæco, & Ruffino, Palladioque Galata tenuit, docuitque.

Hinc Hieronymi zelus, quo Ponticus idem cum cæteris Origenistis exagitatus extra limen Catholicae Ecclesiæ proiectus est.

Totius facti seriem recenset Baronius in *Annal.* tom. 4. & 5.


Plura etiam de eo notantur in *Indice expurgatorio Romæ*, tom. 5.

*Bibliotheca veterum Patrum* in Euagrio.

De eodem relictissimum habetur iudicium S. Ioannis Climaci, & Quintæ Synodi, auctore Tharasio Episcopo Constantinopolitano, ut in actione, 3. Concilij Nicæni 2.

Sed Euagrium, de quo in libro *Vita* sp. scribitur cap. 3. oportuit, alterum esse ab hoc Pontico, quia Ponticum nimis dedecuisse de se ipso scribere, & adeo procaciter seipsum Sanctis Anacoretis immiscere.

Vel si de Pontico id accipiendum sit, dixerò ab aliquo sectatore ipsius adfuturum esse:





## ORVS AEGYPTIVS.



D H V C scorpheus intel bombyces . Iam hospes mores hæreticorum nouisti , qui ea tempestate scribentes res ab Anacoretis præclare gestas , consulto optimis Patribus , & Catholicæ veritatis propugnatoribus , adiungere ex suis aliquot perduellionis reos , damnatosque . Duplex consilium : Possit malos sub pallijs bonorum impune agere , & malorum infamia bonos affici , vel vniuersos æquè bonos existimari . Sic

*Hiero .  
Epist. ad  
Ctesiphon.*

Ponticus sub initio voluminis sui Ioannem Aegyptium Prophetam , egregium præmittit , quem alij sectæ suæ viri subsequantur . Ita etiam Palladius Pontici simius , post Ammonem Nitriotem sanctum apprimè virum , Orum hunc intrudit , & post Seraphionem Sindonitam affert suum Euagrium , quos ambos Origenistas , & ab Ecclesia proscriptos orbis terrarum vniuersus redarguit . Sed cur accuratè adeo perscrutemur eorum vafrieciæ in quærendis apud Sanctos latibulis , cum habeamus Hieronymi testimonium plorantis , quod inter choros Monachorum , quos Angelos dixit , Origenistas latere aspexerit , quos etiam meritò aspidem apellauit . Habeat igitur Orus suam famam ab asperissimo vitæ genere , & morum præferat integritatem , non tamen adsequetur beatitudinis præmium , quod in Catholica tantum Ecclesia , & fide creditur , & meritis datur . Scribitur in somnis ab Angelo admonitus esse . Esto , dum Catholicæ fidei communicauit . At sordet commentum auctoris , cum scribit , Orum diuinitus peritiam Sacrarum literarum accepisse . Nam quomodo vir diuinæ eruditionis applauderet Origeni in his , quæ vel illiteratæ mulierculæ veterum traditionibus insistentes , & vulgatam sequentes fidelium ( pro captu ) doctrinam , respuerent , ac detestarentur ? Quam discors ab diuina iustitia ea opinio , quod vnigenitus Dei filius , sicut olim ex Virgine factus homo , vt Adæ scelus , atque vniuersi generis crimina expiaret , se se in ara Crucis Hostiam obtulit Deo Patri , ita aliquando carnem , & Crucem pro rebellem , & contumacem Angelo esset resumpturus ? Siccinne suberbi spiritus malitia , æquatur miscelli hominis fragilitati ? Angelus ingratus , ac proteruè liberalissimæ sui Conditoris maiestatem affectans comparabitur Adæ , quem idem Angelus inuidiosè nequam in contemptum eiusdem Conditoris , & mortis poenam induxit ? Itane eodem Christi sanguine deceptoris Angeli atrocitati , vt simplicitati decepti hominis consulatur ? An post re-

*Lib. 3 A.  
polog. contra  
Rufinum.*

*Senerius  
Sulp. Dia-  
log. lib. 1.*

bellionis crimen vnquam audita est perditissimi spiritus poenitentia .  
 Adhuc Maiestatem odit, & seruos illius exagitat, vt ab ipſius cultu,  
 & gratia deſciſcentes, ſecum æternas impietatis poenas luant . At er-  
 ror hic Origenis cæterorum index eſto, ne oculos pij Lectoris immun-  
 dis adeo blaſphemijs detineamus . Itaque Orus iſte, vel non hauſit di-  
 uinitus diſciplinam, vel ad exemplum Didymi illius Alexandrini inſa-  
 na Origenis ſectatione corruptit . Ideo Euagrii, & reliquorum ſocius, eo-  
 dem anathemate ictuſ, nullum hic locum obtinet, niſi in erroris dete-  
 ſtationem, & memoriam Catholicæ in ſeiſpum vindictæ . Minus etiam  
 Palladio, & quibuſdam eius ætatis, & ſectæ auctoribus creditur, qui  
 Oro aſcribunt eximiam virtutem aduerſus malos Genios, & miracula  
 comminiſcuntur . Nam quomodo hic malignos ſpiritus ex aliorum cor-  
 poribus extruderet, qui corde hæreſibus inſtructo eos exciperet, ac fo-  
 ueret ?

## N O T A E.



*E C T E* Caſſianus docet eſſe admirabiliſ de ſeiſpo vitia, quam de altè-  
 ro Damones extrudere, collatione 15. cap.8.

Orus iſte, à Hieronymo Or, à Sozomeno Ores dictuſ, inter hæreticos  
 Origeniſtas ſit .

Nicephorus lib.11. cap. 33. ſcribit, non accepiſſe illum diuinitus grã-  
 tiam eruditionis, vt Palladius comminiſcitur, ſed adeo valuiſſe memo-  
 ria, vt qua ſemel audiuiſſet, optimè retineret .

Tribuunt eidem miracula laudatores ſui : ideo leſtorem admonitum volo, quod Gra-  
 ci ſcriptores, Socrates præſertim Nouatianuſ, & Nicephorus in hoc incumbunt, vt  
 Origeniſtarum cauſſam non ad errores Origenis deſenſos, ſed ad prinatas Theophili Ale-  
 xandrini Epifcopi ſimilitates trahant .





THE UNIVERSITY OF CHICAGO PRESS  
CHICAGO, ILL. 60637



## COPRES AEGYPTIVS.



**H**OSPES deinceps nullas hæreticorum imagines aspicias, neque inscriptiones vltices scelerum, sed delectos heroes Catholicæ fidei, & vera Eremita, & Presbiter, vices Apostolorum perfundus in subiecta regione, in quam Christianos ritus inuexit, & incredibili exitio sterilitatis sublato, vberimam intulit fecunditatem. Vigebat apud extremas Aegypti regiones adhuc Idolorum superstitio, quamvis Augustorum rescriptis, & Christianorum miraculis, & concionibus longè antea cœpisset vrbibus exulare. Nam Principum iussa, eò vel non peruenerant, vel gens auito sceleri inhærebat firmitus, quàm ratione, & hortatu diuelli posset. Etiam contra rusticorum duritiem, tantò acrius laborari oportuit, quantò minus doctrinæ ex imperitia admitteretur. Dixerim quoque refractarios Dæmones obstitisse, ne antiquo iure exciderent. Attamen eorum peruicaciam, & gentis cæcitatem deuicit Presbiteri huius labor, & tolerantia; adeo vt plebs paulatim à profanis ritibus abducta, ad Christi religionem transiuerit. Animarum salutem agri felicitas secuta est, cuius hoc vitium fuerat. Segetes messes longè minorem dabant, quàm semen, & aruorum cultus requirebant, & eorum luxuries pollicebatur. Cum enim in spicas adulescerent, malum sibi gignebant vermiculorum genus, à quo miserè conficiebantur. Suscepta Christi fide Neophyti, vt id malum auerterent, Presbiteri sui preces apud Deum postulabant. Respondit is, non vermes tantum desituros, sed ipsam arenam fruges daturam, si in fide persisterent. Ea vox obaudita precis, & futuræ fertilitatis omen vulgo accepta. Nec mora. Sinus complent arenæ pedibus Copretis substratæ, & rogant, vt ei sacro ritu benè precetur. Fides, qua res tota agebatur, è successu futura erat recepti cultus testimonium. Annuit Deus votis fidelis populi, qui postquam sacerdos iuxta eorum fidem arenæ fecunditatem apprecatus esset, eam semini immistam per arua dispersit. Mirum humanæ fidei à diuina liberalitate subsidium. Cum ager extra omnem vermium iacturam pulcherrimam frugem dedisset, regio deinceps alias totius Aegypti vberiores annona superauit. Presbiter publicum commodum in suam etiam rem traxit. Hortulus eadem soli sterilitate laborabat. Huic semen iniecit arena benedicta mistum,

quo in posterum herbarum, & arborum ferax euasit. Inde quotannis incolarum mos fuit, satiuo tempore ad Copretem arenam afferre. Sed hæc inter agrestes populos gesta adhuc maiorem sibi fidem vindicant ab vrbe proxima, in qua Copres idem prodigio excellentiori de Mago Aethnico triumphauit. Eam noua seges Christi fidelium incolebat, quam iste magicis artibus instructus peruertere satagit. Copres in auxilium opportunè aduolauit; verùm quamuis comptis illius mendacijs nudam, atque ideo fortiorem veritatem obieceret, tamen nequibat lubricum anguem adeo retinere, ne facundus publico malo è manibus veritatis in aliquam apud vulgus inane opinionem elaberetur. Deerat iudex, cuius arbitrio maxima de religione controuersia committi posset; & plebecula verborum strepitum sequens, meritò timebatur, ne in partes illius concederet, qui extremus in agone stetisset. At Copres, vt fidei negotium extra aleam popularis imperitiæ sisteret, remoto verborum apparatu experimentum obtulit, quo quisque suo periculo propriam fidem obfirmaret. Rogum in foro succendi iubet, fidei, ac perfidiæ examen: mox infidelem manu apprehensum secum in flammam trahit. Ille reluctans dictitare, rem seorsum agendam esse, atque debere illum prius de sua fide periclitari, qui periculum exhibebat. Presbiter assensit, & inuictæ crucis signo munitus sese rogo immisit. Flammæ resiliences nulla virum Dei iniuria affecerunt, visæ palam humano ingenio corpus illius declinare, & extra latus crepitantes sueto more desuere. Ad horæ dimidium Copres in rogo stetit, mox illæsus exiuit plaûsu omnium exceptus. Horrebat propterea Magus non iam fidei periculum, sed supplicium infidelitatis, & moras neçtens fugam meditabatur, cum turba erga victorem prona miserum illum renitentem, & hominum, Deorumque fidem implorantem, in rogam coniecit, quo repente ambusus vix aufugit, & inclamantibus vniuersis vrbe perpetuò exulaturus abcessit. Hoc operis alterum eloquentiæ facinus sequitur. Vicus erat, cuius templum Dijs sacrum incolæ sacrificijs frequentabant, atque his stata dies agebatur, quando Copres eà iter faciens, gentem appexit Idolis hostias cedere. Porro errorem piè miseratus illico sermonem instituit de inani Deorum cultu, atque rationalis hominis indigna erga stipites, & saxa (vilissima pondera) veneratione, pro qua Deum rerum omnium conditorem, & rationis donatorem aduersaretur. Ea Sancti spiritus gratia, ac orationis exitit vehementia, vt plebs ad fidem Christi accedens, breui idolis cultum abrogaret. Diximus, hortulum iactu arenæ fertilem redditum, sed rursus altero miraculo insignem cogimur dicere. Olus inerat Copretis manu excultum, quod in arenosa solitudine perarum sui de siderium multis iniiciebat. Paganus gaudax

audax præ cæteris noctu id suffuratus est. Cibus ex eo parabatur; sed cum lebeti ad tres horas sur ignem iugiter subdidisset, tamen olus adhuc virere, aqua frigere, ac si titium horarum succendium neutrum affecisset. Stupor hominem inuasit, deinde furti detestatio, & cupido redimendi facinoris facto meliori. Olus ad Copretem refert, reatum, & prodigium pandit, & in fidem Christi recipi obnixè orat. Sceleri ignotum est, & roganti post dies aliquot sacra ablutio de more præstita. Hæc, ne aliquando in dubium reuocarentur, Monachi cuiusdam incredulitas fecit. Namque dum inter plures Copretem de se modicè loquentem audiret, & aliquando pro gloria diuinæ opis contingeret, miraculorum meminissem, Monachus nugatoria putans, facillè in soporem abreptus est. Stertenti videbatur, idem Copres manu librum tenere ornatum, & anreis literis admirandum, vnde lux narrationis argumentum desumeret. Prope senex aderat canicie, & aspectu supra humanam speciem verendus, qui truci supercilio dormitantem arguebat, quod oscitanter adeo Presbiterum auscultans, auderet impudenter dicta in dubium vertere. Minæ soporem dispulerunt. Ille repentino terrore percitus, rem nequiuisset celare, sed vt proprio dedecori parceret, somnium his latinè expressit. Hinc maxima viri rebus, & sanctitatis fides. Verùm risu æquè dignissimum ingenium illius fuit, qui credidit, Copretem ignarum latinitalis id somnium latuisse, cuius sanctitatis fuerat, immissa visione, torpidum animum excitare.

## N O T A E.



**C**OPRETIS huius acta Lector reperies apud Enagrium cap. 9. & latiora aliquantulum præstabit Palladius num. 54.

Egregia de eodem mentio extat inter Sozomeni historias lib. 6. cap. 28.

Nec discors apud Niceph. lib. 11. cap. 33.

De intrusa Mutij historia inter Copretis narrationes, quas habet Enagrius, ac silet Palladius, satis, superque iam diximus in notis ad Mutium.





113

# MACARIUS AEGYPTIVS.



VI fossores summo vitę periculo auri fodinas ir-  
rumpere, vel ad exitium obsecrę vrbis cuniculos  
agere admirantur, opus longę minus aspiciunt  
ingenio Macarij huius, qui inter arcana telluris  
viscera, non opes, aut sanguinem, sed quietem,  
ac tranquillitatem quęrit. Ipse hunc cuniculum,  
pertinaci labore ad semistadium produxit, quo  
ad cryptam euaderet tantum spatium distans,  
si quando appulsus populorum sibi orationis, & meditationis studio in-  
terdiceret. Saxorum asperitates, tenebras, & silentium, quę morta-  
les ceteri oderunt, Anacoretę enixius sectabantur, vt illic procul ab  
aspectu, & strepitu humanarum rerum, mens firmior inhęreret diui-  
nis. Lumen ę laterna vultum Senis illustrans, quemadmodum oculo-  
los exhibet lectioni intentos, ita animum demonstrat pręter omnem  
curam adfixum cruci dilecti Redemptoris, cuius memorię, & obse-  
quijs horror cryptę, & silentium probę conueniunt. Hic Aegyptius ge-  
nere, omnium scriptorum illius æui testimonio celebris, fertur, trigesi-  
mo suę ætatis anno inter Tyrones sub Antonio militare cępisse. Qua-  
dragesimo Presbiter initiatus, Scythi solitudinem omnium primus ag-  
greditur, vbi solitudine, & austeritate loci, & victus, Anacoreticę  
perfectionis specimen, & posteris exemplum prębuit. His armis post-  
quam carnis vitia, & Dæmonis impetus diutino bello infregit, non ta-  
men valuit Arianos hæreticos arcere, quę vrbibus sua contagione infe-  
ctis, etiam intra secreta Eremiti Catholicos Patres cruentis armis appeti-  
uere. Quippe recepto inter Diuos Athanasio acerrimo fidei propugna-  
tore, Lucium quemdam pseudo Episcopum secuti, Alexandrinam Ec-  
clesiam, quę eorum impietati renitebatur, euersis aris, direptis donis,  
necatis, vel eiectis ædituis, ad extremam fere cladem concusserunt.  
Eadem rabie eques in Eremum immissus innocentes Patres ad urbem,  
traxit, vbi primum suggestionē, & blanditijs, deinde tormentis, &  
mortis terrore studuit Arianorum factio illos proprię perfidię illigare.  
Sed cum fidei tesseram ab Apostolis traditam, & in Niceno concilio ob-  
signatam audacter profiterentur, & iugulum alacres gladijs extende-  
rent, hæreticos adeo terruerunt, vt neque auderent his mortem, quam  
cupiebant, inferre. Igitur ne auctoritas sceleris Patrum virtute apud  
populum frigeret, fidei splendorem, quem nequibant ea hæresum lip-  
pitudine sustinere, exilio ablegant. Macarius noster cum altero eius-  
dem

*Cassianus  
collat. 24.  
c. 3. & 4.*

*Idem col.  
15. c. 111.*

*Theodor.  
b. 11. lib. 4.  
c. 49. 19.*



dem nominis, & sanctitatis viro ad insulam pestilentis cæli inter Aegypti lacunas, alij aliò exulaturi depottantur. Sed vbiq; locum esse virtuti, exilium temporis breuitate, & rerum gestarum magnitudine, ostendit. Ad insulam Christi fides nondum pertigera; & incolæ additi patrijs ritibus, quemadmodum commercia peregrinorum respuebant, ita veterem cultum, & barbariem congenitam retinebant. Notu Sanctorum exulum Scapha vix appulerat, cum flaminis Idolorum, filia malis Genijs agitata, clamore, strepituque domum, & oppidum, vertens, ad peregrinos Patres prosiluit. Furor indecorus virginis verrecundiæ, & patris sui dignitati, plurimos Oppidanorum ad litus traxit. Illa Sanctorum pedibus aduoluta lamentari, immo Damones ore ipsius fremere, Dei seruos secum improbè agere, qui antea vrbes depulso, postea Eremitas exturbatos, adhuc prohibeant, ne in minimo totius Aegypti angulo conquiescant. Veterrimas hic sedes sibi, gentem vltro deditam, non iniurioso bello subiectam. Cur ipsi opum, & dignitatum contemptores sibi inuideant Insulam palustri limo oblitam sterilis soli, & ob aeris inclementiam extra omnium mortalium cupiditatem? Si tyrannicè occupare, & ius, fasque pervertere in animo habeant, se recessuros, vt habeant. Illi immundos spiritus filere imperatos fusa ad Deum oratione eijciunt, & puellam pristina tranquillitati redditam, Flaminei eius patri, quem miseratio furentis filia eò perduxerat, restitunt. Gens tanto Christianæ religionis experimento incipiens Idolorum amentiam suspectare, deinceps libentius aures præbuit Macarijs, Deum verum asserentibus. Neque in longum protraheres. Insigne, quod erat sceleris, & religionis, Fanum Deorum demoliantur, & Christo Ecclesiam statuunt. Fama Alexandriam perlata Arianos perstrinxit, qui diffusi factum improbare collaudante plebe, & veriti, ne Catholicorum fidei maior in dies honor accederet, sanxerunt, ab exilio extorres occultè reuocari, & ad Eremitas dimitti. Ita Macarius auctus titulo confessionis ad cryptam, & sueta studia reuertit, quæ nulla postea perturbatione intermisit. Eodem absente Crypta insignitur miraculo, quod apud Ruffinum legas. Cæcum trium dierum itinere ad eam perducere rogauerat summo comitantium labore. Vbi Senem abiisse comperit, præsentem rogauit, vt ad eam parietis partem ducerent, vbi Senex cubare consueuerat. Ex ea aridum lutum, quo oblinebatur, detrahens, & aqua proximi putei, vnde idem bibere solebat, lutum dissoluens, eoque oculos liniens, ablucensque, ex templo lumen recepit. Postquam ab exilio redijt, maioribus prodigijs clauit, ex quibus iuuabit pauca quædam referre. Rixa inter inter accolæ orta, vnum ex his prostrauerat. Alter perperam homicidij insinulatus, cum

ad supplicium peteretur, salubri consilio ad Macarij cellulam perfugit; nam eius auctoritas tumultum præcipitis turbæ in æquum, ac maturum de re iudicium conuertit. Porro ille necis reatum negare, hæc leues suspiciones obijcere, nullibi tamen testimonij, vel indicij satis. At Senex certò facti seriem resciturus, ad sepulcrum interfecit illius perrexit, & Christi nomine adiuratum iussit edicere, num auctor eius necis extitisset, qui accusabatur. E tumulo vox reddita est, non illum sibi vitam eripuisse. Vocem plebs agnouit, ac stupuit, cupiens ulterius de homicida interrogari. Cui Senex, hominem, inquit, profuit calumniæ eximere, obest alterum capitis periculo implicare. Etiam magicum facinus Macarij Sanctimonix cessit. Puella viro nupta, iugalem fidem insigni pudicitia tuebatur, deperibat eam Aegyptius adolescens irritò labore, ac libidine. Ea propter ad sacrilegas artes conuersus, vt marito odium puellæ gratiam sibi pararet, præstigatoris cuiusdam opera illam equina specie deformem oculis intuentium exhibet. Coniux, qui domo abscedens puellam reliquerat, vbi rediens equam aspexit, pene dolore concidit. Nec minor puellæ stupor, dum familiares auersis ab ea oculis sermonem horrent, in stabulum conijciunt, & iumentorum passionem apponunt. Sic familia subtrahente humanos cibos, ipsa belluinum pabulum refugiente triduo ieiunatum. Periisset tandem misera, nisi Deus viro spem inieciisset, posse abigi malum Macarij intercessione. Igitur vxorem capistro ad virum Dei adducit. Discipuli obuiai profecti, & eadem illusione caligantes, sciscitabantur, quare equam sic ad Senem traheret. Ille obortis lacrymis inquit. Hanc ego puellam vxorem duxi, nunc equam traho incertus mea, an sua culpa. Interea Macarius de coniugum infelicitate à Deo præmonitus, eundem intentiùs precabatur, & post orationem egressus cellula, nullo præstigio deformem, sed asiliatam intuitus puellam, lustrali eam aqua perfudit, & sacris precibus adhibitis, subiecit astantium oculis ex equa puellam aspiciendam. Cibo adiuta dispulit tridui inediam, & ab eodem Macario accepit, quomodo deinceps sese tutam aduersus præstigias seruaret. Namque intellexit, ideo Magum ausum fuisse suis artibus in eam sæuire, quia diutius abstinuisset sanctis Ecclesiæ mysterijs, quæ tutissima sunt Christianorum arma, & præsidia. Alterius etiam virginis curatio admiranda. Inuaserat corporis verenda vlcus malignum, quod latè serpens, etiam vermes ferebat putridum corpus depascentes. Fœda res, & morte ipsa atrocior. Sanctus integram hebdomadam precibus vacans, cum sæpius perductam ad se virginem oleo vnxisset, incolumem remisit, ita exesq; carnis vitio coaptato, vt ablato, quod sexus fuerat muliebris, puella eunucho simillima, liberè postea inter vi-

ros degeret . Adhuc maiora . Hæreticus quidam , Hieracis ſectator , facundo ore , & aculeatis è dialectica argumentis , aduerſus futuram cænis reſurrectionem inuectus , audientium Idiotarum animos , qui plures aderant , ambiguos agebat . Eò Macarius accitus , profluuium illud verborum vno Pauli Apoſtoli dicto ſtitit , & nutantes imperitorum mentes perinde obfirmavit , atque ſi hæreticum eodem Pauli gladio detruncaret . Inquit : Non eſt in verbo regnum Dei , ſed in virtute . Cœmeterium adeſt , ſi quis defunctorum euocatus ſurrexerit , ei , qui euocauerit , fidei , & reſurrectionis teſtis eſto . Fœdus id acceptum . Rogat Hieracitam Senex , vt prior fidei ſuæ periculum faciat , ille primas ſeni tribuit , qui pepigiſſet . Flexis ad orationem genibus Pater Deum ſibi , ac fidei adeſſe rogat , & nomine ipſius iubet , Monachum nuper defunctum reuiuifcere . Vox vitæ nuncia ſtatim de ſepulcro auditur , exhumatur defunctus rediuuius , veræ fidei , & futura reſurrectionis teſtis . Nugator ille inita ſtatim fuga extra regionem exulatum abiit . Aliud etiam portentum eſt gulofi Dæmonis , quod ſubijciam . Adoleſcens obſeſſus ita ab eo afflictabatur , vt frequenter cogeretur , ternos panis modios , & aquæ amphoram vna cœna abſumere . Sed quia ſtomachus tantum cibi pondus continere non poterat , in eructatione egeſtum Dæmon in ſumum vertebat . Immanis vorago non vnus priuatæ familiæ fortunas , ſed cenſus maiorum Principum hauſiſſet . Igitur cum inopia largitatem ciborum minueret , ( refugiunt aures immunditiam ) cogebatur infelix propria reſumere excrementa . Hunc contrarijs omnino artibus , & morè Medicorum , antidotis Macarius curauit . Gulæ peſſimi Dæmonis obiecit ieiunium ſeptem dierum . Superbiæ adhibuit tormenta humillimæ orationis . Iræ oppoſuit miram erga affectum iuuenem charitatem . Sic vorax hoſpes eiectus . Claudatur elogium dono vaticinijs , quo Macarius , præter cætera virtutum prodigia , poſt mortem eluxit . Duos in Scythi diſcipulos erudiebat . Ioannes obſequijs magis aptus , etiam familiarius altero , Seni herebat . Animo ipſius inerat aliqua parcitatis rubigo , quam Macarius præſentiebat paulatim in avaritiam , deinde in rapinam fore coalituram : ideo oppoſitum avaritiæ malo decus liberalitatis inculcans , dicebat , opes religioſo viro venenum eſſe , & diuitiarum cupiditatem non abeſſe ab Idololatria ; vnde eidem minabatur , vetus Giezi ſupplicium , ſi quando ab hac virtute , qua Dei munificentiam ſeruuli emulantur , ad vitium tranſiret , vnde facillimus ad quamlibet iniquitatis ſpeciem traiectus eſt . Miſcet namque avarus opum , deſiderijs cædes , pecuniæ , rapinas , nihil inter ſacrum , & profanum diſcernit , vnum eidem ius , & iniuria . Interim Macarius nonagenarius curſum ſux ætatis , quam ſanctiſſimè egerat , morte abſoluit , & Ioannes eius

cellulae heres, eidem in Sacerdotio subrogatur. Sed confusus, solo dignitatis titulo posse virtutes retineri, immemor vaticinii, sensim à vestigijs Macarii recessit, & in auaritiæ cœnum lapsus, etiam pauperum Christi bona ex fidelium liberalitate legata raptu vsurpat. Flagitium illico poena secuta est, quæ Giezi lepram, iuxta Senis vaticinium, misero intulit adeo imitem, ut scabrum vbique corpus, nec spatium inter pustulas haberet, quo extrema digitorum illæsa ad cutem pertingerent. Quoad vixit misellus, proprii criminis, & alterius sanctitatis testimonium, potuit ceteros, ex ipsa morbi atrocitate, sacrilegij poenas edocere.

## N O T A E.



*MACARII* huius festa dies est in fastis Ecclesiæ 18. Calend. Februarij. Fuit de eo scripserunt Euagrius, eius aliquando discipulus cap. 28. & Palladius num. 19.

Omnes fere auctores ipsius sanctitatem, & miracula contestantur. Vnum nos notandum duximus.

Quæstionem de resurrectione susceptam aduersus Hieracitam, quam Palladius, & Sozomenus vix attingunt, longè ab hac Euagrii narratione refert Cassianus collatione 15. cap. 3. Ibi hæreticus aduersarius, non Hieracita, sed Eunomianus ponitur.

Mortuus ille, qui suscitatur, non dicitur Monachus nuper sepultus, sed antiquissimus dolorum Sacerdos, qui Regum atate vixerat, longè ante aduentum Saluatoris Iesu Christi.

Id in aduersarius non rei interfuisse, sed oppignerata in crastinum fide, scribitur, consulto periculum detreclasse.

Plura etiam Macarii facta, & dicta Monachis salutaria reperies apud Scriptores, quæ nescias, huic Aegypto, an alteri Alexandrino ascribas.

De Flamine Gentilium à quodam Macarii discipulo conuicijs laceffito, sed vltro abundè iniuriam, & mansuetudine Macarii ad Christi fidem perducto, historia est, quam nescis vtri potius consignes.

Item de expilatore ipsius cellula, cui idem, res ablatas ut tutus exportaret, præsto fuit.

Refertur à Genadio inter Ecclesiasticos Scriptores, cuius etiam extat in Bibliotheca veterum Patrum Epistola ad iuniores Monachos. Circumferuntur etiam ipsius nomine Homilia plures, sed quæ censura indigeant. Consule de his Indicem expurg. Romæ editum in Macario.

## M A C A R I V S

## A L E X A N D R I N V S :



**P**RODIIIT ex eadem Schola Antonij alter Macarius, titulo confessionis, & exilij gloria æquè conspicuus, quem ea ætas, vt ab Aegypto dirimeret, Alexandrinum dixit, & Scriptores quidam Vrbani appellarunt, ab insita comitate, & lepore orationis, quibus, citra quandam Aegyptij seueritatem, animos discipulorum sibi deuinxit, & ad diuina studia prouexit. Iam olim,

Arianorum improbitate coactus fuerat solum vertere, & in proroganda apud Insulanos fide, vt diximus, strenuam operam alteri Macario nauauerat. Postliminio Celliæ Eremum reuifens, vbi diu Monachus militauerat, & Sacerdos præfuerat, sueta officia repetijt. Sed viro eximie sanctitatis, & gloria miraculorum cæteris Anacoretis miraculo, non hic ad imaginem titulus, sed volumen, cui etiam plures insudarent Scriptores, minus esset. Nos pro vsu pauca, selectaque. Ipse cælestem gloriam adeptus, & vbique mortalium clarissimus, vota pro penso accipit. Quamuis inter primordia sanctæ austeritatis gulæ tyrannidem, cibi parcitate euertisset, tamen excitus fama Monachorum Tabennesiota rum, qui quadragesimæ ieiunium crudis agebant, septennium coctis abstinuit. Postea his multò parcius tres annos victitauit; nam singulis diebus quinquuncem panis, & aquæ tantillum adhibuit. Neque tamen acri ieiunio luxuriam adeo protriuit, vt illam tum fomitem fragilitatis, tum stimulum superbix non pateretur. Porro sibi insensus, vt sauioribus aculeis carnis stimulos retunderet, hanc viam ad victoriam iniuit. In Scythi Eremo, Celliæ proxima, palus erat vliginosa, & arundinum ferax, quæ culices alebat grandiores, etiam aprorum cutem, aculeo traiicientes. Hanc Macarius cum libidine luctaturus palæstram subiit, in qua nudus, sedensque anni fere dimidium permanfit, ita culicum sauitia pustulatus, vt leprosis deformior, humanam pene formam exueret, atque ad cellulam reuertens, vno tantum vocis sono posset à discipulis cognosci. Eundem cominus cum hoste dimicandi cupidum, voluntas coepit quærendi inter deuias solitudines sepulcrum Iannis, & & Mambres, Magorum olim Pharaonum gratia potentium, quod ferebantur, sibi construxisse in secessu peramoeno, sed congestis thesauris, & assidua Dæmonum custodia hominibus inaccessum. Inuium iter erat,

& inmanis ubique solitudo. Macarius noctu nautarum more stellam sibi ducem itineris statuens, in fabulosa regione ad singula milliaria calamos desigebat, qui spatium, & reditum indicarent. Nono coepta itineris die, postquam paululum obdormiuit, collectos in fascem calamos, quos singulos fixerat, ad caput reperit. Facti altera est opinio. Vel Dæmonem eos euulsisse, ut Macarium errore viarum implicaret, vel Deum permisisse, ut magis diuinæ providentiæ, quàm humano ingenio fideret, Paululum à sepulcro aberat, quando Geniorum legio deformi specie, armis, & vocibus minitabunda in virum Dei exiuit. Ipse rictus horribiles, & minas subridens, ociosè locum, tumulumque perlustrauit. Præter ingens ædificium, & aurea quædam dona, nihil ibi spectabatur præclarius, quàm cadus æneus, nexu ferreo pendens è margine putei, & mala quædam punica sole arefacta. Despecto igitur cum fama sua monumento, Macarius discessit. Sed viatico carere iam coeperat, & fessus itinere, ac ieiunio labasci, cum ab inani quodam spectro in aliquam spem erectus est. Non ultra stadium puella videbatur albo amicta vireum tenere, & Macarium insequentem ad portum invitare, sed quamuis hinc celeriore gressum intenderet, eà tamen semper stadij intervallo aberat, donec euanescentem spem Macarij, secum rapuit. Verùm liberaliorem eo spectro se præbuit gæx agrestium Bubalarum, qui puellæ illusioni successit: nam quædam recens effœta coram Macario substitit vbera affluente. Cælestis etiam vox fuit, ut stantis vbera exfugeret. Itaque ad vbera liberaliter admissus, lac abundè bibit, eamque proprij fœtus oblitam, vterius usque ad Celliam, altricem, & comitem habuit. Dispar huic fœræ altera viro maleficiū intulit, ac recepit. Puteus fodiebatur apposita margini visarmentorum, quæ lapsum telluris egestæ prohiberent. Inter ea aspis latebat, quæ inter opus admotam Macarij manum morsu valido perstrinxit. Vulnus à veneno cunctis mortiferum nihil prohibuit, quin ille inoffensus anguem manu discerperet. Attamen, quamuis clara adeo prodigia haberentur apud ceteros pignora perfectionis, ipse tamen proprijs meritis diffidens, maiores adhuc austeritatis, & macerationis causas quaesivit. Fama olim acceptam virtutem Tabennesiotarum voluit coram experiri. Ea propter reiecto cucullo, famulari veste amictus, pergit, & Pachomium Archimandritam precatur, ut se se inter Monachos recipiat. Excellebat Pachomius, præter sanctimoniam, etiam singulari prophetiæ dono, sed diuino permissu tunc Macarij arcanum non est assecutus. Ergo labentem ætatem, & corpus imbecillum intuitus, ut ab eo desiderium auerteret intempestiux æsperitatis, obtrudebat arctam, & præruptam religionis semitam, quam statim à conspectu refugeret. Hic tamen precari, ut in  
semi-



femitam admittatur, nunquam ab ea pedem relaturus. Hinc prece, inde excusatione certatum est tota hebdomade, quam Pachomius ieiunē aſtam ab eo ſentiens, accepit omen future virtutis; ac firmitatis, & Monachorum conſulto Senem inter Tyrones locum habere iuſſit. Quod veterānorum Dux inter Tyrones opus prætermitteret? Aduenit quadrageſimale ieiunium, quod ſinguli crudo, & parciore victu celebrabant. Perſectiores paxillum cibum ad veſperam ſumere, alij poſt biduum, alij ad quintum diem. Ipſe ad opus textorium madefactis palmarum folijs ſtans in angulo, non humano cibo, neque aque potu uſus eſt, præter quam folijs crambēs, & his parce admodum, nec citra Dominicam diē. Ita ieiunium uſque ad Sanctum Paſcha ſtrenuē toleratum. Sed exemplum tanti laboris, & inedię, quod ceteros debuerat ad emulationem prouocare, potius in ſeditionem vertit; ac ſi Abbas ferreum hominem admiſiſſet, qui eorum fragilitati conuiſcium faceret. Quis mortalium, inquiunt, iugiter ſtans, orans, ac laborans, non ſomno, non ſede, non cibo indigeat? Quid robur in homine ætatis occiduat, & ieiunium, & vigilias indefeſſus contemnat? Pachomius idem anxius ſuſpicabatur, Senem altioris eſſe virtutis, quam ex aſpectu conijci poſſet: ideoque Deum ſupplex orabat, vt hoſpitis ſibi conditionem reuelaret. Accepit diuinitus, hunc Macarium Alexandrinum eſſe, non obſcure famę, & ſanctitatis virum. Itaque Senem amplexus, appellat ex nomine, quęritur voluiſſe, ſic amicos latere, vt parum ab iniuria abuſiſſet. Ille non inſiciari, ſe Macarium eſſe, ſed negare vllis petitum iniurijs, immo adiutum exemplo eorum virtutis, quam rumore diſperſam, fama nobiliorē compererat. Ita ſeditio in admirationem conuerſa. Adijciam & rerum abditarum perſpectionem. Presbyteri cuiuſdam caput Cancer, atrox morbus, horribili ipſius dolore, & nauſea intuentium rodebat. Et cum ſalutē impetratum ad Macarium veniſſet, feūero admodum conſilio ab illo repellebatur. Diſcipuli immanitatem vlceris, & ſpectaculi ſœditatem miſerati, pro viro apud Senem precibus laborabant. Quibus ille inquit: Presbyter ſibi malum conſciuit, qui turpi mulierum commercio pollutus, auſus fuit ſacris miniſterijs perſungi. Huic ego recuperandę ſalutis conditiones do. Perpetuò ſe ſacris altaribus abdicet, & cum populo diuina myſteria ſuſcipiat. Ille occulti ſcleris turpitudinem conſeſſus, dolensque abdicationē pollicetur, & Macarij manu tactus, incipit ab horribili morbo conuaſcere; mox capillitio donatur, quod ſuper exaſam cutem prodigioſe creuit. Sed hominibus præſtita beneficia ſileant, dum beſtijs eadē collata narramus, licet interdum ſerie rerum, ac temporum ſubuerſa. Læna catulum ferens, impulſo cellule oſtio, ad Senem ingreditur. Fortum ad pedes ſedentis proj-



proiicit, nutibus, & rugitu opem deposcit. Pater in catulo luminis orbitatem noscens, oculos salua linat, & ab oratione surgens, prorsus ab eo cæcitatem dispulit. Fera illuminatum foetum vberibus admouet, inde abreptum cellula exportat. Crastina rediens affert munus, ouinam pellem cæteris ampliolem, qua Macario grates exsoluat; eamque rictu ad lætitiâ compositis, & cum gemitu offert. Macarius vero donum ex alieno grege raptum reijcere; Læna submisso corpore reptans ad pedes reponere, eiulare, dolere munus reiectum, donec Senex dixit, accipere se munus, si deinceps à gregum infestatione temperaret. Illa nura capitis visa conditiones accipere, extemplo abcessit. Sed pellem ipsam, eximij miraculi monumentum, à Macario acceptam Athanasius Antistes Alexandrinus tanti fecit, ut eam Melanix nobilissimæ mulieri donum daret, inter præcipua religiosæ domus ornamenta spectandam, qua belluinam quisque gratitudinem commendans, humanam amplius ingratitudinem detestaretur.

## N O T A E.



*T I A M* Alexandrinus hic receusetur inter Sanctos 4. Nonas Ianuarij. Insignis de eo passim mentio est apud veteres.


Elogium maxime constat ex his, quæ referuntur à Euagrio cap. 29. quibus uberius subdit Palladius num. 20. Sed Sozomenus, & Niceph. hunc Alexandrinum confundunt minus scitè cum altero Macario, cognomento homicida, cuius etiam seiunctim ab his meminit Pallad. titulo Macarij iunioris num. 27. Quem errorem optimè recognouit Baronius in notis ad Rom. Martyrolog.

Prodigium Leunculi ab eo illuminati tradit Rufinus, sed differt ab eo Pallad. dum catulum eundem Hyene appellat, interprete Gentiano Herueto, & seram ipsam Hyenam dicit.

Noctilestor animal subdole atrox, quod noctu hominum voces ementitur, ut adibus eductos necet, voretque.

Ab hoc Macario differre illum putamus, quem vitata à quodam amatore puella, cum falsò stupri simulasset, coacta fuit in enitendo satum innocentem, ac Sanctum confiteri. Quibus ille præconijs vanam gloriam timens loco aufugit, & in Scythiam venit. Vitasp. par. 2. cap 95.

Alter etiam ille habetur, ac fortassis Euagrii discipulus, cui Rufinus Aquileiensis præfationem ad libros Πηλ ἀρχων, inscribit.





## ANUBIS AEGYPTIVS.



ABENT temporum calamitates, vt rebus perditissimis virtus plurimorum maximè illucescat. Sic inter bellorū tumultus copia militum, ac triumphī spectantur Imperatorū, qui tranquilliori seculo togati, priuatique consenescerent. Sic saeuiente perfidia illustratur eorum fides, quos Gentiliū furor, aut haereticorū odium afflixerit. Incertum est, num Anubis hic aduersus Idololatrias; an Arianos illis deteriores steterit pro fide Orthodoxa. Constat tamen eius ætate ab vtrisque illatā Christi Ecclesiæ persecutionē, & hunc inuictū perstitisse multa gloria, & religiosæ virtutis incremento. Nam oblato semel corpore cruciatibus, cum veritatis testimoniū reddidisset, nunquā postea ab ea deslexit, vt mendaciū, vel in re leuissimā diceret, quod etiā de eo Scriptores meminerunt. Sed quæ dona cælitus receperit, quàm familiariter sanctis Angelis vsus fuerit, & quibus actibus initū semel Martyrij decus honestauerit, delectabit audire ex ore ipsius, cū extra omnē iactantiæ suspiciōē, euictus precibus quorundā Patrū, ea occasione ipse de se disseruit. Sirus, Esaias, & Paulus summæ religionis, & abstinentiæ viri, seiunctis consilijs ē diuersa regione veniebant, vt Anubim intuiserent. Flumen, quod cœptū iter præcidebat, lembo carens transitorio, ad ripā omnes coniunxit. Propterea salute inuicē dicta, ac repetita, itineris causā quisque sciscitatur. Vbi se Anubis desiderio profectos singuli falsi sunt, id prodigiosè acceptum est, creditūque aliquo diuinæ providentiæ arcano contingere. Sed quia Senis domiciliū tridui iter aberat, nec cymba videbatur; quæ flumen transmitterent, alteri ad Sirum versi rogant, vt à Deo nauigium deponat. Is officium orationis nō detestare, si ambo comprecatores accedant. Pulchrè adeo oratum est, vt ad finem orationis nauigium appellere nullo remige, sed forma celeris, expeditaque. Vbi Patres conscenderunt, lembo aduerso flumine sponte actus, triduanū iter hora vna expleuit. Hoc Siri precibus datum. Alijs prodigijs comites donati. Esaias naui exiliēs, inquit, Domino reuelante didici, Anubim hæc ipsa via nobis occursurū, & consciū secretorū cuiusque nostrū de his palā acturū. Subiecit Paulus. Ego itē diuinitus accepi, illum post die ex humanis decessurū. Proh seculi felicitare, quod in vrbibus agmina Sanctorum Antistitū, in Eremitarum Prophetarum turmas aspexit miraculorū, & præfagiorū gratia inclytos. Nihil ex his vates fefellit. Obuius Anubis veniens dixit, aduentum eorū sibi ante fuisse reuelatū, & exoptasse eos corā excipere, quos

M

animo

animo absentes cœperat adamare. Etiam quibus singuli pollerent virtutibus, quibus meritis ad æternam felicitatem contenderent, iuxta eorum vaticiniū aperuit. Cui Paulus. Qui tibi nostra hæc secreta detexit, idem nobis indicauit, te post triduum ex tenebrosa hac humanarum solitudinū eluione ad perennem quietem, & claritatem migraturum. Igitur qui Regnum cæleste proximè spectas, & metam laborum prope attingis, nos edoce, quibus auxilijs periculosa vitæ huius viâ decurrisi. Nullū est, quod metuas inanis gloriæ, vel iactantiæ periculū, si nostris precibus, & Christianæ charitati fauens, vitā probè actā, posteritati incitamentum transmiseris. Flexit Anubim mentio charitatis, ut breui totius vitæ epilogo totum sese effunderet. Inquit. Postquā fidei postulatus veritati testimoniū reddidi, omni prorsus mendacio abstinui. Nihil mala cupiditate ambiui. Victū, si quando loci sterilitas negauit, è cælo accepi. Cum notitia rerum, quæ in terris geruntur, etiam lumine donatus sum, quod discussio torpore mentem Deo vigilē intendi. Solitudinem crebra Angelorū visione, & colloquio alacer tuli, eosque ad virtutem stimulos, ac præceptores habui. Nihil eorū, quæ postulauī, Deus irritum fecit. In extasim raptus vidi agmina Angelorū erga maiestatem supremi Numinis, & ineffabile Deitatis mysteriū venerabunda. Purpuratos Martyrum choros, & albentes cohortes Monachorū, atque legiones omniū iustorū asperi laudibus sui conditoris addictas. Præterea Satanā perfidē, ac suo malo superbum, & rebelles secū Angelos vidi æternis incendijs damnatos, & ad profundas terræ latebras relegatos ibidem cruciari, collatissimis iustis, vltā sic veterē eorū perfidiā, & recens odiū, quo humanum genus insectantur. Triduum, quod vitæ Anubis terminus erat, iucunda Patres collatione de diuinis rebus peregerunt. Ipse statuta hora à vinculis huius vitæ placida morte exsolutus, sub aspectu Patrum inter choros Martyrum, & Monachorum susceptus in cælum abiit.

## N O T A E.



*B. Euagrio cap. 10. & Palladio nam. 58. Anubis appellatur. Sozomenus, qui illum inter vetustiores Aegypti Patres commemorat, & ex auditu refert, quæ de eo Euagrius item scripsit. Acuphi dicit, lib. 7. cap. 13.*

*A Nicephoro Anub nuncupatur lib. 9. cap. 14.*

*Nos libentius huic assentimus, qui Anubim priscum illius populi Nomen legimus, credimusque talium nomina in senibus coaptata, tunc in religionis signum viginisse, postea apud Christianos retentā in triumphum esse subacta Gentilitatis.*



## CHRONION PHOENICEVS



V O hic curuam centum, & decem annorum se-  
 nectam trahit? Num illa ætas æneſcos homines tu-  
 lit, quos neque ieiunia, neque labores frange-  
 rent? An rerum inopia, & victus aſperitas Ere-  
 mo familiares, adeo Sanctorum membra duraue-  
 rant, vt exemplo Ponticarum Anatum, quæ ab  
 aſſueto pabulo ad venenata alimenta traductæ, his  
 deinceps innocuæ victitant, ipſi quoque austerita-  
 tem experti. arbitrabantur, nihil ſibi commodum eſſe ad futuræ vitæ  
 felicitatem, præterquam vitæ huius incommoda? Scimus tenaciſſimum  
 eſſe vinculum diuturni uſus, & hominis ingeuium ſenſim ſui oblitum,  
 aduerſis præſens ſtudijs illigari præſertim ſi religione tactum, ac ſpe di-  
 uinorum munera impellatur. Sic facile crediderim, potuiſſe Chro-  
 nionem fractam ætatem antiquis ſtudijs aptare, & in optimo uſu vel  
 uiribus impotentem, inuictæ tamen animo perſiſtere. Nonne hoſpes  
 illum uidet proximum templum petere? Illic ſenectutis ſolacium, uitæ  
 ſpes, & ſepulcrum. Olim ſub Antonio Anacoreticam uitam eruditus,  
 per ipſa inceſſit ſui inſtitutoris ueſtigia ad apicem perfectionis, etiam  
 Antonij ætatem quinquennio ſupergreſſus. Itaque acceptam ſub tanto  
 Agonotheta diſciplinam, & ſecunda fama ad extremam uſque ſenectū-  
 tem exercitam, quantis oportuit prodigijs enitiuiſſe? Verum ſilentio  
 ſcriptorum ea nos prætereunt, qui arbitrati vniuerſa animi orna-  
 menta poſſe complecti, ſi vnius tantum virtutis meminiſſent, illum profundæ  
 humilitatis titulo extulerunt. Probè: vt è quadrata baſi metiaris reli-  
 quam ſpiritualis ædificij molem, eamque fundamentis concordem co-  
 gnoſcas hominum, temporum, ac vitiorum motibus inconcuſſam re-  
 ſtiſſe. Chronioni etiam præclara quædam Palladius aſcribit conſona  
 ætati eius, ac virtuti; niſi alter extitit eiſdem nominis, quod ambi-  
 go. Prodit auctor, hunc prognatum eſſe è Vico, cui nomen Phoenix,  
 & progreſſum ulterius in ſolitudinem decimum milliarium, fodiſſe pu-  
 teum ſalubrem admodum (rem inter bibulas arenas prodigioſam), cui  
 poſtquam domicilium adiecit, Deum precatus eſt, ne inde aliquando  
 ad frequentiora loca abduceretur. Poſtquam in celebrem opinionem,  
 ſanctitatis apud omnes creuit, conuolantibus illuc multis inſtitutorum,  
 ipſius ſtudioſis, cellula in Monasterium emerſit, in quo trecenti fere di-  
 ſcipuli numerabantur. Et quia Religionis præcepta oportebat ſacro-  
 ſancto Myſteriorum uſu foueri, idem Sacerdotio inſignitus eſt, quo per-  
 fundus

Num. 25.

functus annos sexaginta, extremum diem, ut uixerat, sanctissime obijt.  
De eodem Palladium habeo auctorem, quod post initam Presbyteri di-  
gnitatem nunquam Erēmo discesserit, nec cibum sumpserit, quem sibi  
labore manuum non paruisset.

N. O. T. A E.

**I**n tabellis Sadelerianis perperam inscribitur Cionus, cum nullus  
eius nominis extiterit inter Anacoretas.

Cronius dicitur ab Euāgrio cap. 25. & Palladio num. 25. ubi Pres-  
byter Nitria, & Antony discipulus memoratur.

Idem auctor ab eodem præponitur historia Eulogy Alexandrini,  
& viri cuiusdam membris detruncati, quem pie atendum suscepit.

Item visionis cuiusdam admirabilis Beati Antony, & vite Pauli  
simplicis numero 26. 27. & 28.

An idem sit cum Phænico, inexploratum habeo. Sed neque placitum fuerit res  
gestas amborum coniunxisse.







St. Peter's Basilica, Rome, Italy. View from the Piazza.

## AMON NITRIOTES.



**N**ITRIA Eremitus est quadragesimo lapide ab Alexandria, & ab Asceterio Magni Antonij abiuncta itinere trium dierum, sed proxima Vico, qui nitri admodum ferax; ipsi nomen communicauit. Locus extra hominum frequentiam æstu squaler atrocior, & aquæ penuria laborat; neque incolæ patitur præter Eremitas, qui horrida ambiunt. For- san, & nitrum, cuius est sordes detergere, symbolum extitit futuri illic postea lauacri, quo sordes criminum æri poenitentia abluerentur. Hanc omnium athletarum pri- mus penetrasse Amon memoratur, qui morum humilitate, & miraculo- rum gloria ibidem profunda iecit fundamenta. Monachalis obseruan- tiæ, eamque intra cellulae limen coëptam ad quinquaginta Monasteria transfudit, quæ in eadem Eremita sub Amone constructa, auctores non obscuri nominis produnt. Sed occasio, quæ illum ab ædibus, & commo- dis vitæ mitioris transtulit in nudam regionem, adeo insignis fuit, vt opo- ræ precium sit, eandem altius repetere. Nobilis generis adolescens, cum natus annos duos, & viginti parentes fato amisisset, Patriuo adhæsit, qui ipsius coniugio restitui labentem domum peroptabat. Familiæ splendori, & ætati ipsius ætatis, & nobilitas respondebant puellæ, quæ vxor sport- debatur. Et quamuis auerso animo coniugium iniret, tamen ne palam reniti Patriui consilijs crederetur, patrio more passus est corollis redi- mi, & in thalamo sedens affines, amicosque gratulantes excipere, atque demum remotis arbitris secreta adire nuptiarum. Sponsa aderat virgi- nalem pudorem, quem sexus, & generis modestia tueri solet, non vltro dimissura. Fortassis inde occasionem Amon sumpsit, vt coniugi ostende- ret, maximum esse virginittatis dispendium, minimam sobolis necessita- tem, atque ex carnali commercio nihil præter turpem, ac momentaneam voluptatem, quam hominem pudeat, cum bestijs communem habere. Quanto nobilius, ac beatius ageretur, si vterque integram mentem, & incorruptum corpus Deo voueret? Num propterea humanum genus desitutum, vel hæredes, qui congestas amborum opes diripiant, & de- functorum memoria detrahant? Tanta ne liberorum necessitas, vt certa virginittatis iactura, & incerta spe procreandi, dare his operam velint, qui si enascantur, sæpe genitores oderint, affligant, & familiæ dilapi- datione cogant miseram senectam traducere? Esto, quod frugi nascantur, parentes ament, atque domesticæ rei studeant; tamen quando pa- rentum

Enag. c. 1.

Cassian. Collas. 21.

Sorum. li. 6. cap. 31. Nicoph. li. 11. ca. 38.

rentum

rētum animi vacabunt solitudine, ne ab alijs lædantur, vel ipsi alios laceſſant? Quot hæc, vel acerba mors filiorum parentes confecit? Facunditate longè felicior ſterilitas, ſi liberorum loco virtutes optet. Caſtitaſis remunerator Deus eſt, merces Cælum, cuius gloriam nunquam interitum nequit homo ſatis pro excellentia conijcere. Itaque ſi huc reſpiciant, non votis ſubſidia, non factis mercedem defuturam. Etiam libellum è ſinu proferens, ſententijs Sanctorum Patrum virginitatis merito fidem ſtruxit. Mira facundiæ viſ. Puella ſuaſpte ſponte in pudicitiam prona, incitante marito, ſanctiùs virginitatem vouet, etiam pudici thori arcanum nunquam euulgatura. Prudenti conſilio condictum eſt, vt ijsdem ædibus, ſed lætulis ſeiunctis viueretur. Ita conſtantia apud propinquos nuptiarum opinione, duo de viginti annos pudicè, ac religioſè conuixerunt. Denonion inuidiam ob coniugum continentiam, & deſpectas ab adoleſcentia libidinum faces, hospes meditare, atque tentationes, & artes conijce, quibus ille ſtudiuit ex occasione contubernij ambos in mutuos amplexus prouocare. Hos iure matrimonij, ætatis, ac formæ licitos ſub eodem tecto quis effugeret? Propterea bellum cæteris acrius etiam nobiliorem triumphum dedit. Menſa communis erat, nox ſingulos ad orationem diſpertiebat. Ille, vt ocioſas cogitationes propuſſaret, ſummo mane hortulum adibat, & Baſameto, quod illius regionis deliciū laborioſè colitur, diurnum opus impendebat. Hæc rem familiarem curare, oratione, & pijs operibus diem inſumere. Poſtremo, ne tantum facinus lateret, ſed exemplo alijs prodeſſet, vxor Amonem rogat, vt ſeorſum ambo viuerent, & ſui generis quiſque aſſeclas Deo famulatuſos inſtitueret. Amon, cui nihil potuiſſet optatius contingere, commendata coniugis voluntate, paternas ædes, & fortunas eidem dimittit, & in montem Nitriæ ſecedit, vbi deinceps duobus extructis ſibi manſiunculis aſtère, & ſanctè vixit. Vxor etiam diuino cultui, ac propriæ ſaluti conſultum volens, Ædes in Cœnobium conuertit, & aggregatis eo virginibus, ſanctum pudicitia, & religionis proſitutum lætè propagauit. Neque tamen ſeiunctos adeo præteriuſit coniugalis dilectio, vt ſaltem bis in anno ille conſortem non reuiſeret, & de communſi proſpectu gratularetur. Verùm quæ prodigia Amonis in Nitriæ Eremon? Pudicum repudium ſecuta ſanctitas, quemadmodum innumeros Seni diſcipulos adiecit, ita populos ægritudine aliqua laborantes læpius pertraxit. Inter eos quidam iuuenis morſu rabidi canis in rabiem verſus ſeſe miſerrime dilacerabat. Parentes catenis vinctum, vt conſtrictæ manus cæteris membris parcerent, ad Amonem ducunt, & ſupplices afflicti adoleſcentis ſalutem ab eo depoſeunt. Quibus ille. Non ea precum mearum apud Deum efficacia, neque virtus humilitatis eſt, vt morbo

ipſius

ipſius aptè mederi poſſim : veſtræ id iuſtitie , & manibus debetur , neque remedia veſtra perditum ibunt , ſi viduæ mulieri bouem reddetis , quem furto abactum occidiſtis . Pudor ingens ex crimine ſecretiſſimo homines ſuffudit , neque in re ſubita quicquam ad excuſationem allatum eſt , accuſante rubore , & conſcientia . Vnum in maxima perturbatione ſolatum , quod boue reddito , ceſſaret rabies adoleſcentis . Statim ac bos alter mulieri traditus eſt , orante Amone rabies abſceſſit . Alij quidam officiij cauſa virum Dei adeuntes , pollicebantur , ſeſe pro virili curaturos quicquid pro vitæ vſu iuberet . Horum alter apprime auarus , vt procaciùs ad promiſſa id genus eſt , etiam comite liberaliùs ſeſe exhibebat . Amon dixit , vnicam rem ſibi perneceſſariam , dolium , quo imbres exciperet in vſum peregrinorum . Promiſſum eſt . Vbi in Vicum deſcenderunt , auarus comitem intuitus , alter , inquit , dolium ferat , nam Camelum amo , & ſi dolio ſubiniram , timeo , ne pondere preſſus intereat . Cui comes , Camelis careo , ſed Aſino feram . Itaque dolium , quod ille cenſebat Cameli viribus longè maius , Aſello imponens , ad Senem in montem vehit . Ipſe obuius aduentabat , & iumentum vires , ductoriſque ſtadium commendans ait ; tu integro Aſello dolium attuliſti , ſed comitis tui Camelus Luporum cibo interiit : Ita rediens ille comperit accidiſſe . Alterum eſt prodigium aeris ambigo , an fluminis . Peruenerat aliquando ad Lycum fluuium , quem Nili ſoſſam alibi diximus , nauis tranſmitticōſueuiſſe . Nauis aberat , atque nudato ad aque altitudinē corpore vadare oportebat . Patres modetiæ tenaciores , etiam ſeipſos nudos intueri neſas putabant , cuius rei extant plura exempla . Theodorus comes , & præ ceteris alumniſ Seni acceptus , ſibi ſeorſum veſtes detrachere , hic vel nudum crus erubere , & ſummo animi cruciatu futuram mox nuditatem cogitare . Dùm Sanctus ita ſecum luſtatur , ſublatus ſe videt per aerem ad vltiorem ripam fluminis tranſferri , nullo veſtimentorum madore . Expauit Theodotus celerem Senis traiectionem , & cum pedes ſiccos , & nullas in veſtibus aque guttas cerneret , aliquid in ea re portentum exiſtimaui . In hanc opinionem geminatis precibus Senem aggreſſus , facti veritatem ab eo extorſit , ſed periurij pœna ſibi ab eodem indicta , ſi diuinum opus ante obitum ſuum cuiquam proderet . Amoni etiam cum Antonio vetus interceſſit familiaritas , quæ virtute parata , & mutuis officijs exulta , poſt obitum etiam claruit . Amon ipſe ſexageſimo ſecundo ætatis ſuæ anno ad ſupernas ſedes euocatus , mortem beatam appetierat . Eadem hora Antonius cælum ſuſpiciens , è terris animam vidit in ſublime efferri , & obuijs Angelorum turmis immiſtam glorioſè admodum in cælum recipi . Cupiditas animum inuaſit agnoſcendi beati illius exitum : & cum obnixè Deum precatus eſſet ,

ipſius

*Severus  
lib. 4. c. 19.  
Sen. lib. 1.  
cap. 13.  
Alexand.  
in Anton.*

*Arian. in  
Antonio.*

ipſius dono intellexit, Amonis Nitriotis eam animam exitiſſe, qui ab humanis ad celeſtia triumphans migrauerat. Igitur gratulatus ſecum plurimum collatam amico felicitatem, Monachiſ gloriā obitus ad exemplum aperuit, qui, habita temporis ratione, poſt exactum menſem acceperunt ab his, qui è Nitria veniebant, ea ipſa hora Amone in obdormiſſe, quo illum Antonius elatum dixerat.

## N O T A E.




*E* Nitria Eremo inter ceteras Anacoretarum paſſeſtras clariffima, prater ea, qua habentur apud Euagrium capite. 21. Palladius eam exactè deſcribens num. 7. plurima habet cognitione apprimè digna.

De eadem ſapius mentio eſt apud Hieronymum, Ruſſinum & alios, qui noſtra ex Italia ad ſacra loca Hieroſolymam profeſſi, nullatenus eam pratermiſſam voluerunt.

Amonis vitam Euagrius, & Palladius conſcripſere, & quibus acceperunt Socrates lib. 4. cap. 18. Sozomenus lib. 1. cap. 14 & Niceph. lib. 8. cap. 41.

Eiuſdem nominis alterum reperies apud ipſos auſtores, qui Tabenneſiotis Monachiſ præſuit.







## ONVPHRIVS AEGYPTIVS.



BSCVRVM genus Onuphrij, & adolescentia nihil detrahunt triumphali ipsius senectæ, & vitæ claritudini, qua visus est ad Angelorum integritatem tantò propius accessisse, quantò ab humanis desiderijs abcessit. Namque certior laus est, quam finis operis assequitur eâ, quam initia pollicentur. Sic ab infausta aurora atrum diem contingit albo calculo designari, si felici vespere laudatur, & viros aliàs improbos egregio

aliquo facinore, aut honestiore mortis genere laudari. Intuere hospes Senem occultantem corporis verenda frondeo semicintio, cætera barbæ, & capillorum defluxu vestientem, vide ætatem, & vitæ asperitatem agnoscas. En coxas, surasque inedia exiles, æstu, & gelu rigentes, æreo colore obductas, qualem speciem referant inter vndantes canos immisti æris argenti. Felix, qui ex eo metallo, quod virtus conflauit, sibi statuat crexit, nulla temporum iniuria, nullo hostium liuore deiicienda. Cogita, hunc sexaginta annorum spatio inter desertas arenas seipsum cruciantem, neminem vnquam mortalium conspexisse, coniicies profecto, illum mundi huius victorem cæli muros obsidere voluisse, & ne viuens illo potiretur, obstitisse corporis pondus, non virtutes. Olim apud Hermopolim in Cœnobio religioni nomen dederat, in quo centum fere Monachi conuiebant. Ipse voti persolutor multum vitæ perfectioris spem dare, iussis maiorum obtemperans, & auidè recondens animo, quæ de profectu religionis dicerentur. Accidit igitur, vt inter eos sermo haberetur de Anacoresi, quæ ab Helia Prophetarum clarissimo exercita, mox à Ioanne Præcurfore repetita, dicebatur, duces suos habuisse Deo coniunctissimos; eaque tempestate excellere tanto Patrum numero, & sanctitate, vt quandam pene caliginem induceret Cœnobitiæ. Pro qua, licet in medium afferretur obedientiæ iugum, & submissa alterius arbitrio libertas, qua nihil opratius, nobiliusue homini datum est, atque spontanea huius abdicatione æquaretur meritum solitudinis, tamen hæc posteriori loco audiebantur. Exemplum pro Anacore si è militia defumebatur, in qua singulare certamen quibusdam antecellere statariam pugnam ideo videbatur, quia Cœnobitiæ Legionarij mutuo aspectu, & subsidijs nixi, minori periculo configerent, & in aduersis rebus, ægritudine præsertim, solatia inuicem exhiberent: Sed Anacoretas omnia incrementa sua sibi debere, qui palam aduersus Dæ-



mones, clam aduersus cupiditates, soli, suoque brachio dimicantes, nullius ope, consilij, vel aspectu iuuarentur, præter quam vna Dei benignitate, qui exoratus animum, ac vires agonistis suggereret. Num serupeæ speluncæ cum cellulis collatio? Cibos in Eremito parandi necessitas, vbi semper incertus, aliquando nullus, & de cælo expectandus. Aestus ibi, & frigoris intemperies, & exosa mortalibus semper solitudo. His omnibus vna obijciebatur libertas, etiam in extrema omnium rerum egestate sibi imperans, & dicto nullius obnoxia voluntas, cui longè grauius est, in omni rerum affluxu seruire, quàm in re afflictissima impetare. Dicebantur etiam hi tantum sibi ipsis viuere, & nihilo proximum iuuare, cum illi tamquam lucernæ super montes, hi sub modio eluce-  
rent, illi exemplo, doctrina, & apud Deum precibus, hi tantum precibus possent cæteris prodesse. Attamen Onuphrij animum ita Anacore-  
sis inuasit cupido, vt re ipsa statuerit experiri, cur eam libentiùs ce-  
lebres viri appeterent. Itaque noctu Cœnobium egressus rectà in soli-  
tudinem contendit. Iam sibi visus abesse satis à Monasterio, cogitabat  
sedes defigere, quando ante eum repente obortum immane lumen oculo-  
s, & animum perstrinxit. Omen id acceptum malè auspicati itineris,  
seu vindicta deserti instituti, Onuphrium reduxisset, nisi cælestis vox ex  
eodem lumine in hæc verba erupisset. Angelus ego sum, custos tibi à  
natiuitate, qui iubeor tecum in desertum descendere. Cœptis insiste  
grauiter, neque enim religiosè laboranti vnquam abero. Comite tu-  
tus, & opis diuinæ iam certus, vltra septimum milliariū pergens spe-  
luncam inuenit è forma, & cultu quippiam humani operis præferen-  
tem. Cumque more Monachorum subelamasset, vt si quis intus esset si-  
bi benè precaretur, Senem aspexit canicie, atque hilari vultu decorum,  
qui obuium ex nomine Onuphrium appellans, & pacis osculo excipi-  
ens, profitchatur præsciuisse longè antea ipsius aduentum, ac volunta-  
tem. Porro in eadem solitudine secessum ipsi à Deo paratum esse, &  
post tædiæ & labores huius vitæ manere in cælo præmia, quæ huma-  
nos sensus, & cupiditatem excedant. Apud illum Onuphrius dies ali-  
quot commoratus didicit, in singulari agone quæ naturæ imbecillitati,  
quæ Dæmonum violentiæ repugnaret. Inde quadriduano itinere eum  
Senæ ad locum quandam peruenit inter arenas desertæ regionis horri-  
dum minus. Quippe aliquot palmæ aderant ad opus, & cibum. Inquit  
Senex, hunc tibi agonem Deus præstituit, vbi virtutes virtutibus con-  
iungas, te ipsum subiicias, & improbum hostem pessundes, donec  
ad præmium eoless beatæ perennitatis. Ibidem cum Onuphrio totum  
fere mensem moratus refreuit, quæ antea dederat præcepta vitæ soli-  
tariæ, mox suam speluncam repetijt. Consuevit postea singulis annis

Onuphrim semel reuifere, & solitario aliquod afferre solatium, quod tamen haud in multos annos prolatum est. Nam cum aliquando aduenisset, inter mutuas salutationes, & amplexus, corruens placidè animam emisit. Credimus datum diuinitus ipsius charitati, vt in sinu discipuli moriens, extrema consequeretur humanitatis officia, & sepulcro honestaretur. Sed quo animo dilecti Patris mortem, & sublatum solatium hic acciperet? Ipsa mors solatium fuit, quæ funus lacrymis, & sacris precibus componendum illuc attulisset, vbi nullius mœnore amplius deplorari, vel charitate curari potuisset. Ab obitu illius præterea nullum hominem vidit ad annum vsque sexagesimum, qui solitudinis, & laborum extremus fuit. Hoc annorum spatio quis audeat describere confectus, & egregias de hoste victorias? Quis recenseat naturæ incommoda, & victus duriciem, cum attritis vestibus oportuerit nudo corpore nocturnas pruinas, & diurnos æstus excipere? Nulla in deserto fruges, præter herbas syluestres, & dactylos, qui è proximo palmeto citra satietatem sumebantur. Hæc vitæ ratio, dum robustior ætas fuit. At seruo suo iam senescentes artus vix trahenti, humaniorem cibum Iesu Christi clementia contulit, Angelo statuta hora panem, & aquam ferente. Adiecit etiam cælestia Sacramenta Corporis sui, quæ ab eodem Angelo idem singulis Sabbatis, & Dominicis diebus susceperet. His subsidijs vita in decrepitam ætatem perducta, Onuphrius exitum optabat, & mens diu cælestium virtutum commercio delectata, cupiebat abiecto corpore his adiungi. Sed non tulit æquus remunerator, vt ipsius res, & obitus ita in obscuro essent, vt virtuti memoria, honorque abrogaretur; quare pollinctorem, & scriptorem eò incitauit, qui vtrumque munus egregiè præstitit. Paphnutius is appellabatur Monachus, & studio cognoscendi celebriores Patres deditus. Alias Eremos ea de causa lustrauerat, sed tunc vehementiori cupiditate perinde ducebatur, atque suscepti laboris nunquam pœniteret. Ea spe solitudinem ingressus, post quatrimum exhausto penu, cum fame, & labore affligi cœpisset, etiam tantundem itineris ieiunus confecit. At sub animo indefesso miserum viri corpus elanguit, atque iam opinabatur, sibi extrema imminere, cum repente, effuso circa eum lumine, quidam affuit supra humanam speciem, qui iacentem blandè intuitus, & manus, ac labia demulcens, deiectas vires instaurauit, euanitque. Liquet cælestis genij opus extitisse, nam Paphnutius ieiunus, ac integer adhuc iter septemdecim dierum progressus est, donec prope Onuphrij spelæum perueniens, eundem obuium habuit capillis, & frondeo perizomate incinctum, qualem descripsimus. Ideirco spectrum, aut monstrum Dei virum suspicatus, magis exhorruit, quia rectà aduentaret,

vnde in proximum collem refugiens, inter frutices sese condidit. Cui Sanctus, descende inquit Vir Dei, nam hominem cernis tui similem. Vox fiduciam peperit, & ablato terrore spes subiit, operæ fortassis id precium esse, quod animo olim conceperat. Postquam propius venerabilem vultum, & comas ætatis, & sanctæ asperitatis testes conspexit, pronus ab eo benedictionem precabatur. Cui Senex. Iuuat ex nomine te Paphnuti appellare, nam scio, solo studio inquirendi Anacoretas aduenisse. Cumque repetitis salutationibus confederent, rogabat hic Senem, ut vitæ illic suæ rationem, & labores exantlatos enarraret, vnde exemplum sibi, & cæteris sumeret. Cui Pater obtemperans, humillimè de seipso retexuit, quæ nos supra digessimus. Inde vltius ad tertium fere milliarium, vbi specus, & palmæ erant, progressi, sacris colloquijs iucundissimè ad vesperam vsque recreati sunt; & quia Senex hospitem ieiunum, ac festum nouerat, cœnam apposuit. Aderat panis, & aqua non è frugibus, vel arenis perustæ regionis, sed Angeli ministerio allata. Hisce post aliquam charitatis altercationem, quia alter sine altero vesci nollet, ambo refectioni, noctem fere totam orantes peregerunt. Mane postquam Deo suetos hymnos cecinerunt, Paphnutius vidit vultum Senis pallore suffusum, qualis in moribundis cernitur, dixitque, satin salue? Cui ille. Ne molestè pallorem meum accipias. Te Deus huc direxit, ut mihi adsis morienti. En carnis viam ingredior homini, ac bestiis æquè horribilem, mihi necessariam, ut ad æternam requiem eâ accedam, illic apud omnium conditorem lubens pro his intercessurus, qui opem meam implorauerint. Sacrificia, preces, aut eleemosinas eorum vbique comprecator iuuabo, & aduersus hostium nequitiam hic robur, illic præmia his deposcam. Tu in Aegyptum redi, sacris adesto institutis, etiam minimi laboris mercedem in cælo amplissimam recepturus. His dictis è sede surrexit rectus, & lacrymans aliquantulum orauit, mox in genua procumbens ait: In manus tuas Domine commendo spiritum meum, & beatam animam efflauit. Eluxit vultus morientis extemplo splendore admirabili, & audita sunt agmina sanctorum Angelorum alacri concentu beati Senis triumphum gratulari. Paphnutius vbi lacrymis, & psalmis iusta persoluit, cum ad amicum corpus nihil præter pallium haberet, scidit, & dimidio altero obuolutum tumulo condidit. Sed quamvis testamento imperatus esset Aegyptum repetere, tamen loci opportunitate, & Beati Onuphrij memoria electus, cogitare paulatim cœpit speluncam sibi, ac palmetum retinere, & Anacoretis ibi studia sequi. Verùm longè dispar humanis consilijs diuina res erat. Dum ea ancipiti animo voluit, antrum, & palmæ radicitus euulsa immani fragore procubuerunt. Ostendit eorum

ruina indictam reditus necessitatem, abijctque Paphnutius, si non hæres speluncæ, saltem testis eximie virtutis Onuphrij, cuius postea famam inter Monachos sermone, & apud exteros scripto ubique gloriosam auctor non inglorius euulgauit.

## N O T A E.



*R* A E T E R historiam, quam de Onuphrij rebus edidit Paphnutius hic Cænobita inter vitas Patrum libro secundo, nullam pene mentionem reperies de eo apud veteres.

Egregia tamen illius est memoria in Romano Martyrologio, quem etiam inter Sanctos veneratur Ecclesia pridie Idus Iunij. Agunt etiam de eo Greci in Menologio, ut notauit Baronius.

De Anacoresi autem, & Cænobitica, de quibus adstante Onuphrio olim disceptari contigit, & in elogio pauca quedam recensita sunt, nobilis extat questio apud Ioannem Cassianum collatione 19. cap. 5. usque ad extremum coll.



## PIAMON DIOLCENVS.



PIAMONI studium veræ humilitatis dedit, ut  
 astantes sacris altaribus Angelos inueneretur, &  
 accedentium ad ea Monachorum merita, vel cul-  
 pas dignosceret. Presbyteri humilitatem vetus  
 auctor præfert cæteris eius virtutibus, quamuis eas  
 multas, egregiasque fuisse oportuit, ut doceat ho-  
 minem in agone huius vitæ necessariò militatu-  
 rum, mediumque inter spurios, & beatos Ange-  
 los positum, hac præsertim tessera, & signo militiæ  
 indicare, utros duces sequatur. Alias viri laudes conijcito hospes, è sa-  
 cerdotali dignitate, & Monachorum Præfectura, qua constat ea tem-  
 pestate non nisi summos viros perfunctos. Is cum aliquando sacris Eu-  
 charistiæ litauisset, & iam ex more sacrae Sinaxis singulis fratribus ex  
 ea particulas dispertiretur, prope Aram vidit Angelum decore affulgen-  
 tem quorundam nomina libello inscribere, quorundam præterire. Ipse  
 cum prætermissa altius memoriæ commisisset, absoluta Sinaxi, singulos  
 seorsum interrogauit, an sibi conscij cuiusquam criminis ausi essent sa-  
 cris mysterijs participare? Inopinantes animos veritas confixit, & con-  
 scientia tacta religione aperuit Sacerdotis imperio, quàm rectè nomina  
 singulorum Angelus dimisisset. Reos mortalis delicti sacra accepisse  
 palam fuit, quod tamen scelus vniuersis poenitentia obliterare paratos  
 esse, ipsa reatus confessio, & subsequentes lacrymæ satis demonstrabant.  
 Piamon, quamuis ex æquo immane sacrilegium criminibus adiectum  
 detestaretur, tamen Redemptoris exemplo admonitus, etiam pro ipsis  
 Crucifixoribus orandum, ut horum poenitentiam iuaret, noctu, diu-  
 que supplex, & collacrymans sese ex cruciavit, donec his veniam pa-  
 tratorum scelerum impetravit. Dimissæ culpæ, & conciliatæ diuinæ  
 voluntatis indicium tulit altera Sinaxis, qua Piamon sacrificans aspexit  
 Angelum ex more nomina communicantium sacris in libellum refer-  
 re, & cum ad eos peruenisset, quorum olim memoriâ neglexerat,  
 audiuit illum ex nomine poenitentes ad sacra inuitare, vnde eos agnouit,  
 & albo restitutos, & gratiæ. Sed vetus hostis Sacerdotis zelo, & Mo-  
 nachorum salutis infensus, quod præter inuisibiles eius fraudes, & luxu-  
 riantis vitæ huius illecebras, expedita virtutum viâ ad æternam felici-  
 tatem pertenderent, & quicquid ipse mali fragilioribus suggereret, Pia-  
 monis prudentia, & monitis reijceretur, Deo in ampliorem sui glori-  
 am, & Presbyteri decus permittente, accerrimè in seruum ipsius flagris,

& tunctionibus ſequit. Et quemadmodum olim Antonius ab eodem peſ-  
ſimè caſus, & penè conſectus iacuit, ita hic ſemimortuus neque ſe lo-  
co vltèrius mouere, neque exurgere. Vigebat tamen virtus, & in lau-  
des ſummi Conditoris eſuſa, ſibi triumphum cānebat eò nobiliorem,  
quò dēteriùs ſauere corpus ſpectābatur. Rectè itaque putamus, hunc ex-  
trēmum Dæmonis conatū, & ſummam violentiæ eius extitiffe; nam  
deſperata victoria iugis belli, & in acie fractus ab eo ſapius, tunc de-  
mum à caſtrenſi militia ad graſſationem conuerſus, miſellum corpus,  
victoris animi vile mancipium, (quàm digna vltio!) ad ſatietatem  
cecidit. Piamon verò ſua clade longè moleſtiùs ferebat illatū Patri-  
bus incommodum; quia Sinaxi dies indieta erat, qua ſacris operari il-  
lum oportebat, eaque alijs miniſtrare. Stata die conuenere ex Eremo  
vniuerſi; ſed tantum aberat, poſſe Piamonem cæteris Sacramenta  
impertiri, vt neque ſibi neceſſaria ſuſciperet. At tamen Deus inſigni  
miraculo effecit, ne odium improbi hoſtis obeſſet Sanctorum charitati.  
Decumbentem circumſtabant plures, qui in eo animi conſtantiam, &  
hoſtis nequitiam intuentes, religioſæ militiæ doctrinam efficacius hau-  
ricbant. Hos Presbyter precatur, vt ſe ad Eccleſiam ferant, & coram  
altari ſiſtant. Illic potius, vt aliorum voluntati, quam ſuæ ſaluti conſu-  
leret, aliquandiu orauit, & abſoluta oratione conſpexit Angelum alta-  
ris cuſtodem, & nominum receptorem, iacentem ſeſe erigere, ſentit-  
que illico, depulſo omni languore, ſibi vires, & ſalutem reſtitui. Ita ſa-  
cerdotale munus perſoluit, & poſtea Angelos magis familiares ha-  
buit, quos tunc ſacrorum cuſtodes, & pugilum tutelares proprio exem-  
plo didicerat.



## N O T A E.



*E* Piamone scribit Enagrius cap. 31. Sozomenus lib. 6. cap. 29. & Niceph. lib. 11. cap. 35.

*Idem* omnium de sanctitate ipsius, & Angelorum visione consensus est.

*Hunc* Piamonem, testatur Cassianus, conuenisse, & auctorem facit collationis decima octaua de 4. generibus Monachorum.

*De eodem* scribit collatione 17. quod cum apud quendam Monachum diuertisset, qui hospiti suo vinum, & uuas apposuerat, quibus ab annis fere quinque, & viginti ipse abstinnerat, his tamen lubens rescire voluerit, ne ignotam abstinentia virtutem ceteris idem propalaret.

*Diolcus* Ciuitas, cuius mentio hic habetur, haeret vni ex septem ostijs Nili fluminis, & nomen obtinet iuxta Gracos ab Nauium transvectione, de qua Plinius lib. 5. cap. 9.

*Ipsi* proximam Eremum, sicut apprime sterilem, ita sanctis Anacoretis sacundam designat. Idem Cassianus suarum institutionem lib. 5. cap. 36.

*De Angelorum* etiam ad sacrum altare visione haud ab simile exemplum affert Palladius in Ammona Presbytero apud Diolcon: Quod cum in omnibus consentiat historia huius Piamonis, me in opinionem trahit, mendum irrepisse in codicem, & pro Ammona legi debere Piamonem. Concordant Damonis odium, verbera, & Angeli miraculum, quo sanus ad Aram erectus est. Habetur apud Pallad. num. 72.







*Multiplici pollens doctrina HIERONYMVS, oris  
Vanj Aspenda praeclat facundia.*

*Archa Patrum sectans Veterum vestigia, sacro  
Vitis eorum prosequitur est stylo.*

## HIERONYMVS

D A L M A T A .



N conferto virtutum theatro, vbi non imagines ad ornatum, sed ipse res fortiter gestæ ad totius humani ingenij stuporem conspiciuntur, hæreo, vnde potissime tuum, Hieronyme, Elogium desumam. Quia cum plures sint, etiam singulæ de principatu contendunt. Offert sese eruditio, qua inter tuæ ætatis eruditiores excelluisti. Eminet cum morum integritate vitæ austeritas, & quam maximè vrget studium Catholicæ veritatis, quo turbidi illius seculi hæreses compressisti, ac iugulasti. Haber tamen doctrina Elogium suum, iam olim frequens per ora Mortalium, neminem sciuisse, quod tu ignoraueris, qui Latine, Græcè, & Hebraicè disertus sacrorum librorum interpres, & reconditarum quæstionum oraculum vndique consultum, egregios titulos haud minus dignè tutatus fueris, quam meritò acceperis. Austerum etiam vitæ genus sua laus sequitur ab his, qui olim ducti sanctitatis desiderio tuis institutis adhæserunt, & hæcenus in Ecclesia Dei tessera absteptam acceptam profitentur. At labores pro Catholica fide piè suscepti, ac strenuè extantlati, cum inter Ecclesiæ memorias, nunquam interituras, perpetuò floreant, nunc præ ceteris rebus tuis argumentum exhibent inscriptioni, quam tuæ imagini illustri apprime, & spiranti etiam ex tabula robur inuictæ mentis, subijcimus. Stridon oppidum olim Dalmatiæ, Pannoniæque confinium, Gothorum postea immanitate excisum, inter rudera veteris gloriæ hæcenus de Ciue suo Hieronymo gloriatur. Huic genus clarum satis, quod seruum numero, & villis non exiguis ditaretur. Ingenium verò, si in eo humanæ huius magnitudinis contemptum, & in aduersis rebus constantiam spesces, regium profecto dixeris. Postquam è contrubernali prædagogia puer Romam missus est impensius erudiendus, edidit illic præludia sanctitatis, frequens circa templa, & memorias Sanctorum, qui humum sanguine aspersam, etiam reconditis intra ipsius viscera sacris ossibus honestarunt. Ita Religio cum Religione coalescens, iuuenem ab disciplinis, quas liberales vocant, ad sacras literas traxit. Vix eas extremis labijs attigerat, cum ab ipso Deo doctrinam censuit expectandam, qui & requiritur. Ideo statim sacro Baptismate ablutus, amplius sese Religioni, & sacris studijs addixit. Sed cum prudentiam è

*Hieronym.  
de seipso in  
lib. de viris  
illust.*

*In Apol. ad  
Pam.*

*Epist. 57.  
et 58.*

scholis haustam sciret longè minorem ea esse, quæ longo vsu rerum, & peregrinatione comparatur, in Gallias abiit, vt multos illic viros, eximias, & selectas Bibliothecas inuideret. Lustratas ab eo exactè maximas Prouincias demonstrat accurata descriptio vrbium, quas barbarorum incurfu depopulatas in Bethleem suo postea defleuit. Inde patriam reuifens, non longas ibi moras duxit, perosus Lupicini Episcopi vitia, cuius illic prauitate res Ecclesiastica pessum ibat. Cœperat olim animo volutare vitam Monachorum, qui in Aegypto, Syria, & Palestina æternæ saluti, & huius vitæ tranquillitati extra omnem opum, aut dignitatum libidinem, consulebant, neque abhorrebat ab institutis viri pii, & studijs ab omni ambitione remotis in vnam scripturarû doctrinam propensus. Consilij intererant Religiosi comites, qui cum eo in Eremo militarent, Euagrius Presbyter Antiochenus, Inuocentius, Heliodorus, & Hylas, qui secum etiam profecti sunt, quamuis postea à latere ipsius, vel obitu, vel rei familiaris sollicitudine auulsi. Sed è veteri cupiditate, quam ab exemplo Pythagoræ, Platonis, & aliorum traxerat, placuit primùm Thraciam, Pontum, atque Bithyniam peragrarè, inde Galatiam, & Cappadociam adire, mox per Ciliciam in Syriam trajcere, nullibi tamen feriari, quod res cuiusque regionis celebriores ex ingenta discendi libidine scrutari in animo esset. Sic cilicenses inter Cilices ipsos didicit, vnde Pauli Epistolas his interdum referat, faciliùs enuclearet. Sic plurima visu percepit, quibus suos commentarios ditauit. Antiochiæ cum Euagrio aliquandiu consedit, vt Apollinarem Laodicenum audiret, tunc alicuius inter Theologos famæ, postea hæreticorum Primpilarem, & Catholicæ fidei extorrem. His rerum sacrarum studijs acuebatur stimulus incundi optatum Monachorum quietem, nec deerat hortator, magnus inter Anacoretas, Theodosius Antiochenus, gratia miraculorum, & ipsius Hieronymi erga ipsum obseruantia validus. Alliciebat etiam animum proxima Chalcidis solitudo, quæ procul ab omni populorum frequentia, & rerum fluctuantis seculi strepitu, pulchra Eremitarum sedes celebrabatur. Huc tandem, despectis mundi curis, ille successit, vna aduersus ocium retenta Bibliotheca, quam sibi Romæ summo studio congererat. Solitudo exusta solis ardoribus, ac proinde sterilitati obnoxia, iuuenem frugali mensæ, & cælo temperatiori assuetum concussit, & varijs ægritudinibus afflixit, antequam cælo, ac victui sese aptaret. Præ cæteris illum acuta febris potruuit, qua vitæ anceps, per quietem sibi visus est ad tribunal Iudicis pertrahi, à quo de religione postulatus, cum Christi fidem professus esset, tamen nimio Ciceronis studio, quam Christianum deceret, inter illius sectarios damnatus egregiè vapulauit. Somnium id, an rem gestam dixerim,

xerim, quando euigilans artus laceros sensit, & in corpore flagrorum vibices deprehendit? Etiam quæ Eremitæ, & ægritudinis solatia erant, Innocentium, & Hylam fatum eripuit, & Heliodorum domestica res in patriam retraxit. Eas tamen fortunæ angustias tantum abest, illius animum fregisse, ut etiam debile corpus auderet, vili sacco amictum ad loca Eremitæ atrociora per æstum, & algorem impellere. Cutis iam atro seu squalebat, neque stomachus in morem satis ibat Monachorum, quibus religio erat, coctos cibos sumere, quando idem Hebraicæ linguæ desiderio arsit. Sed quo labore vir tricenarius labra Latinis, & Atticis sonis sueta, ad hiatus, & stridores Hebræarum vocum detorsit, ipse edisserat, qui scripsit, desperata fruge aratrum sapius abiicisse, & rursus in nouam spem repetisse. Temperauit tamen Dæmon ab infestatione viri maxime operosi? immo acriori odio exagitauit. Refricabat ei Romanæ Urbis delicias, coæuorum felicitatem, luxum, & voluptates indultas iuuentuti, & si quam oculis, vel animo vnquam libidinem cepisset, ita eam conspectui subiciebat, ut Dei seruus inter saxa Eremitæ, & arenas feruentes seminudus, sibi videretur, inter conuiuia, & choros puellarum lasciuire. Repugnabat his ferox animus, & corporis perfidiam suspectans, ne turpem hosti deditionem faceret, eidem ieiunium acre indicabat, atque noctu, diuque per deserta raptatum, lacerumque edomabat. Vbi inter rupes antrum, vel intra telluris arcana hiatus descendere, ubi locabatur sedes orationi, ibi noctes insomnes, ibi imbres lacrymarum defluebant, & miserum pectus tundebatur, donec repressa carnis, & Dæmonis petulantia, agmina Sanctorum spirituum accederent, quibus adiuncta mens sacros hymnos Deo concineret liberatori. Hoc bellum, quod in solitudine iuge fuit, alterum sequitur ab hæreticis, & schismaticis illatum. Optabat diuersa ratione vtraque factio in suas partes trahere iuuenem hunc multæ spei, & sanctitatis. Hinc laquei, illinc retia. Currunt ab eo hæretici, vnicam, an plures hypostasas profiteatur in mysterio ineffabilis Trinitatis? Nouerat ipse tunc, vocem hypostasis dispari sensu accipi ab Orientalibus, ac Occidentalibus. Ideo Monocerotis exemplo noluit ex incerto fonte latices bibere, nisi prius immisso cornu venena expelleret. Si Hypostasis, vsiam, siue substantiam designat, vnam confiteri se in Sancta Trinitate hypostasim. Si autem personam significat, credere se, tres in eadem distinctas hypostasas. Itaque Omouision Sanctissimam appellans Trinitatem, quanto acutius eorum fallaciam reiecit, tanto atrocius odium sibi confluxit. Schismaticorum autem lis altius repetenda. Ecclesiam Antiochenam id temporis tres Episcopi distrahiebant. Meletius insignis Confessor, sed ab Acacianis, & Eudoxianis (Arianorum germina erant, quibus idem ali-

Epist. 22.

Epist. 57.  
et 58.

quando

quando consenserat) ab Episcopatu Sebasteno in eam sedem accersitus, quamvis Catholicus probè euassisset, & ab Arianis in exilium pulsus esset, tamen rediens, eo nomine plures Catholicorum infensos habebat. Dum hic exularet, Ariani vacuum nacti eam sedem, Euzoium olim Arij hæresiarchæ comitem, ac propterea cum eo damnatum, & clericatu abdicatum eò intruserant; quare seueriores Catholici vtrumque auersantes, Paulinum optimum virum, initiatum à Lucifero Episcopo, Calaritano, pro votis expetitum, acceptumque retinebant. Euzoium præter sectarios suos, quis honorum respiceret? Meletio fauebant Episcopi Orientales, Paulino Ægyptij, & Occidentales, ac præsertim Athanasius ille Alexandrinus Arianorum tormentum, qui eundem Romæ apud Pontificem Maximum commendans, etiam Romanæ Sedis communione firmauerat. Cum igitur Hieronymus procaciter ab his tum fidei, tum communionis postularetur, dixit, illam se tenere fidem, illum Episcopum suscipere, quem Romana Sedes crecta super basim diuinæ auctoritatis, & Apostolicæ doctrinæ, sentiret, reciperetque. Adiecit ad eiusdem Sedis Antistitem Damasum de his Epistolas, quæ extant, doctrina, & zelo religionis præstantes. Hinc odium vtriusque factionis plurimum creuit aduersus Hieronymum, neque cessatum est ab iniurijs, & offensis, quousque ipse improbitati eorum cedens, Eremitæ exiret anno initæ solitudinis quarto. Antiochiæ deinceps Paulino adhæsit, quem

*Epi. 77.* Damasus sequi iusserat, à quo etiam passus est Presbyter ordinari, nulli tamen Ecclesiæ præfici, quia Monachalem etiam tunc quietem, ac libertatem respiciebat. Interea ne aptam studijs literarum ætatem frustra tereret, Constantinopolim proficiscitur, vt Gregorium Nazianzenum, Theologorum celeberrimum, recens in Episcopatum illius vrbs euectum audiret, quem impensè coluit, & Præceptorem suum appellauit. Sed illo non diu postea eam sedem vltro abdicante, & in sebi mate Antiocheno in locum Meletij defuncti subrogato Flauiano, alijsque pluribus Ecclesiæ negotijs exigentibus, cum Romæ conuentus Episcoporum etiam Orientalium, indictus esset, inter eos Epiphanius è Cypro, ab Antiochia Paulinus, enauigarunt. Hieronymus etiam Byzantio subsecutus, à Damaso Pontifice optatius accipitur, quia eruditionis opinionem olim scriptis probaram, etiam in rebus maximis coram experiri cupiebat. Soluta itaque conuentu ab eodem sacris Scrinijs præficitur, responsurus his, qui ex toto terrarum orbe Apostolicam Sedem consulerent. In eo munere vir pius, & eruditus nihil minus præstitit, quam Pontifex sperauerat. Præterea, quod inter publicas occupationes stuppeas, priuatam Monachi vitam agens, nihil suæ austeritatis, orationis, & lucubrationis remisit. Ibi Plalterium olim studio septuaginta interpre-



terpretum ex Hæbræo Græcè redditum, & Latinis minus scitè donatum, ad veterem translationem restituit. Item sancta Euangelia, quæ hæcenus in Ecclesia leguntur, è Græco Damasi iussu emendauit. Sanctorum triumphos, more olim sanctorum Romanæ vrbs, per dies breui compendio digessit. Heluidij oblatrantis aduersus perpetuam Mariæ Deiparæ virginitatem, & cælibatus sanctimoniam, os impurum insigni commentario obstruxit. Luciferianos item schismaticos, quæ iras Luciferi Calaritani Episcopi ob non receptum ab Antiochenis Paulinum, & ab Alexandrina Synodo restitutos Episcopos pœnitescentes, qui aliquando Arianis confensissent, mordicus vindicabant, dialogorum libro compressit. Sacrorum librorum, quos coram promiscuis Romanæ nobilitatis auditoribus interpretabatur, abstrusiores quæstiones. scripto enodauit. Plurimos etiam eorum ad religiosioris vitæ rationem traxit, ex quibus sat erit Pammachium, Oceanum, Albinam, Marcellam, Paulam, & Eustochium memorare, vt genere, & opibus præclaros, ita postmodum sanctimonia, & humilitate longè excelsiores. Verùm qui admiratione suæ virtutis optimos sibi conciliabat, pessimos lædebat, qui morum disparitati insensit, & liberiore interdum facundia coerciti, famam ipsius perinde impetebant, ac diuitum fœminarum obsequia, & vulgo opinio, nem doctrinæ aucuparetur. Arrisit odio mors Damasi, cum qua etiam Hieronymi collapsa auctoritate, impij viri contra eum debacchati sunt. Ipse tamen in obitu Sancti Antistitis plus dolens Ecclesiæ iacturam, quàm suam, & liberas habenas nactus sui ipsius, maluit sese ebtrektorum inuidiæ subducere, quàm vindex suæ iniuriæ Romæ spectari. Recrudescere cupido solitudinis, cuius gratia olim Antiochiæ, nuper Romæ maiores potuerat dignitates recusare. Igitur cursu in Orientem instituto, Cyprum appulit ab Epiphania amicè exceptus. Inde Antiochiam perrexit, vt Paulinum inuideret, mox Hierosolymam, vt sancta loca lustraret. Ibi secessu delectatus ruris Bethleemitici, quod Verbum æternum humanis natalibus consecrauerat, statuit illic omnium fortunarum metam, & quietis portum locare. Ea propter locum diligens secus viam, qua Archelai quondam regis sepulcrum aditur, cellulam Eremitæ, ac studioso aptam extruxit. Ea maiora deinde incrementa accepit, quando Paula Consularis fœmina cum filia Eustochio in Bethleem venit, & latum Monachis Coenobium, tria Virginitus Collegia ædificauit, & his hospitales ædes adiecit, quibus peregrini exciperentur. Monachos ille diutius rexit magis exemplo, quàm imperio, exprimens in seipso virtutes, quas alij æmularentur. Nullus ocio locus: nam orationem lectio insequabatur, & obliuionem mensæ, ac lectuli, sæpe stylus inducebat. Fortassis non exerendus is fuit aduentus. monstra nouarum hæresum? Eò

Epist. 99.

Lib. 3. con-  
tra Iovinianum.

primum Iouiniani mores, & blasphemias duplici volumine proscidit, densitq; Et post annos quinque adhuc incitatus discendi cupiditate Alexandriam accessit, vt post nauatam operam Apollinari, & Gregorio Nazianzeno, alteram daret Didymo illi Cæco Alexandrino spectati ingenij, & doctrinæ viro. O quàm mira in cæca vulpe pellis inuersio! Origenis erroribus additus, quia sciebat, Hieronymum his stomachari, abstulit quenquam probis auribus instillare, cum tamen eodem tempore Rufino Aquileiensi novorum dogmatum appetentiori venenum misceret. Libuit ab Alexandria Aegypti oras circumire, & Nitriæ Eremum, cæterasque Monachorum sedes scrutari, in quibus tamen præter opinionem aspexit aspides, (nempe Origenistas) latere. Demum in Bethleem reuersus, iterum hebræarum literarum amore flagrauit, vsus præceptore quodam Hebræorum eruditissimo, quem multo precio ductum noctu audiebat, ne odium ille propriæ gentis subiret. Linguae studium etiam locorum notitiam requirebat, vt eorum testimonio obfirmarentur, quæ passim gesta per Iudæam ex sacris literis didicerat. Ea propter Iudæa vniuersa lustrata. Interea temporis Rufinus, vt libris Periarchon Origenis fauorem etiam apud Occidentales piscaretur, eos latine ediderat, & præfatione honestauerat, quæ mirè efferebat Hieronymum quasi Origenis admiratorem, cuius opuscula quoque transulisset. Sed cum à viris Catholicae fidei, & emunctæ naris liber deprehensus esset, impijs erroribus scaturire, etiam Hieronymus in præfatione laudatus insinabatur, fauere Origenis opinionibus. Res primum Romæ a Pammachio, & Marcellino comperta, eorum literis in Bethleem ad Hieronymum perferretur, qui dignum sua fama ratus, falsò inductam personam detrudere, apologeticum edidit, veritatis aceto, & eloquentiæ sale conspersum, quo ab omnium animis æruginem indignæ suspicionis effricuit. Patuere ex eo Origenis venena, & Rufini consilia, qui, vt ea honestis titulis latius diffunderet, laudatorem Catholicum in suam rem falso citauisset. Perstrinxit etiam inter Origenistas plures, tacite eo morbo laborantes, qui suppressa motus occasione in auctorem exarserunt. Ex his Ioannes fuit Episcopus Hierosolymitanus, æquè Hieronymo, ac Epiphanio infensus, qui ansam quæ fuit suas, & sectatorum iniurias vlciscendi. Inde fluxit occasio. Epiphanius nuper in Palæstina Paulinianum Hieronymi fratrem in Presbyterum promouerat, vnde Ioannem furor inuaserat, ac si intra limites suæ diocesis, contra scita Conciliorum, immaturum quoque sacerdotio iuuenem initiasset. Querelis non sola Palæstina, sed etiam proxima Aegyptus expletur, & indicitur anathema his, qui Paulinianum ritè initiatum affirmarent. Visus proinde iura suæ diocesis tueri, rectè Hieronymum impetebat; qui licet satis ostendisset,

Ipsa. 69.

Lib. 3. contra Rufin.

Epist. 65.

Epist. 66.

Apolog. in Rufinum.

Epist. 61.



set, Paulinianum annos triginta natum, iuxta Canones ritè Sacerdotium accepisse, & Monasterium, in quo Sacra habita fuerant, non Hierosolymitanæ, sed Eleutheropolitanæ Ecclesiæ subiectum esse, atque si quicquam iniuriæ limiti illatum esset, id potius à Cæsarea Palæstinæ Metropoli, quàm ab Hierosolymis repetendū; tamen ex ingenita humilitate, ac reuerentia ab ingressu templi Dominici Præsepis aliquandiu abstinuit. Neque tamè rationes, & obedientia cohibere effrænem Ioannis animum, ne in deteriora prolaberetur, & à Theodosio Augusto rescriptum extorqueret, quo idem cum grege Monachorum in exilium truderetur. At Dei benignitas votorum iniquitati intercessit, & rescripto antiquato monstrauit, Ioannē non tam iuris, quàm odij causam actitasse. Prodiit tota res, quando ad Synodū Alexandriæ coactam vocatus, friuolis admodum excusationibus conuentum Episcoporum elusit, creditus ideo Origeni fauere, qui ibi tunc primū à Theophilo Alexandrino suffragantibus vniuersis damnatus, Romę postea ab Anastasio Pontifice census extra classē Catholicorū, cum sequentibus explosus est. Etia Ruffinus, qui libros Periarcon minus fide liter vertisset, & subdolē ad Urbē attulisset, eiusdem hereseos tunc postularus, cum accedere noluisset, eadem sententia percellitur. Neque illic Hieronymus sibi ipsi de erat, missa ad Auitum epistola, siue nota eorum, quæ cauenda essent in libris Periarcon. Demū vt obiectam adhuc velis scenam denudaret, eosdē libros è Græco Codice scitē, ac fideliter transfert, & Romam transmittit. Hinc Ruffini furor, quo sibi incendiū excitauit, dum parat Hieronymum maledictis incessere. Euomuit amarulentā quatuor librorum apologiam, quæ nimis contumelijs lēsam viri patientiam, stylumque ad vltionē prouocauit. Sed qualis vltio? Non armis, vel odio, sed fulmine veritatis, & orationis tonitruo cordis penetralia quassans, ac decurrens. Ruffinus deinde, neque probē Catholicus, neque satis eruditus haberi. Mirum tamen in Hieronymo fuit, quod tot iaculis appetitus, tot calumnijs traductus, nunquā à charitate deflexerit, & qui obiectum falsò probrū heresis genuino dentē vlciscebatur, vbique procurata beneuolentia Christianam modestiam exerceret. Tandem alio stylū cōuertens, nouis lucubrationibus Ecclesiā locupletauit. Librum confecit de viris illustribus, qui scripto sacram rem iuuerunt. Item vitas Pauli, Hilarionis, & Malchi Eremitarum, Eusebij Cæsariensis Chronicū latinitate donauit, & ad iua vsque tēpora produxit. Prōphetas fermē cōmentarijs illustrauit, visus prę ceteris antiquorū, propior ad eos spiritu peruenisse. In Pauli Epistolas item commentarios edidit. Mox contra nouas hæreses insurgens, Vigilantium turpissimæ opinionis auctorem, atque pinguum nostri temporis hæreticorum archetypum, quāuis antea in pugna Iouiniani collisum, tamen spectatilius editis in eū libris protulit.

In p. ibe  
sup. p. Ene.  
chiel.

L. b. 3. con  
tra Ruffin

Pelagij etiam errores, quasi Regulos ex ouis Origenistarum eductos, acutissime confutauit, latus, in eo praelio comilitonem habere Augustinum doctissimum, & sanctissimum. Dum ea scribuntur, nihil tamen præmittitur sanctæ austeritatis, orationis, & familiaris sollicitudinis, sed animo nobiliore etiam hospitalitati patrimonium designatur. Quippe cum uicina sanctorum locorum, & ipsa Dominici Præsepis religio innumeros inuitaret peregrinos, ædes antea constructæ à Paula nuper defuncta longè impares numero aduentantium videbantur. Igitur Paulinianus in patriam dimittitur, qui villulas à barbarorum depopulatione superstites uèdat, ac præciù referat nouis ædibus, & hospitum expensis dispartendum. Præter ea, quæ hospitalem œconomiam spectabant, cura eiuldem erat, peregrinos hilari fronte suscipere, pedes abluere, & cibos discumbentibus apponere. Etiam cibo adiectos de diuinis rebus sermones ab erudito, & sancto viro quis neget? Frequentiæ hospitum addebantur legationes eorum, qui ab extremis Hispaniarum, Galliarum, & Africæ regionum, (ut de Vrbe Romana sileam), Hieronymi doctrinam pro quæstionum solutione, vel pro sanctitate amicitiam expetebant. Sic ex Africa Augustinus magnum fidei iubar ad eum Alipium, & alios direxit; Sic Orosius, & Sulpitius apud eundem hospitati sunt: sic è Gallijs nobiles mulieres Hedibia, & Algasia è Germania Sunia, & Fretela; ab vrbe Pàmachius, Oceanus, Auitus, & alij, quos tædet recensere, postularunt, obscura sibi scripturarum arcana referari, vel subsidia aduersus exurgentes hæreses præberi. Sed pater iam senio confectus, ac fessus longa corporis sui maceratione, & iugi literarum studio, vnicam apud Deum liberalem cuiusque operis existimatorem quietem illam affectabat, quam in præsentī vita nulli hominum contingere vsu didicerat. Corpus peregrinationibus, animum vero hæreticorum ubique insidijs afflictum meminerat, eaque omnia ad eam usque ætatem tolerata, quæ clausa feliciorem sibi in cælo iuuentam nunquam occasuram aperiret. Porro eam spem animo semper volutans leui febricula corripitur, quam non morbum, sed nuntium intellexit proximi obitus directum, ut quicquid officij Monachis, vel sacris Virginibus deberet, festinus persolueret. Sic vniuersis rebus ad æternam requiem compositis, septus Monachorum, & Virginum turmis, quas testamenti loco ad religionis, & castimonie propositum hortabatur, octogenario proximus extremum diem obiit non inglorius miraculis, quæ plurima mortem ipsius secuta sunt. Corpus apud Præsepe Domini vtriusque ordinis frequentia, & lacrymis religiosè sepultum, mira populorum veneratione, & concursu exculum est, quousque cum ipso Præsepi Romam translatum, in eodem templo Mariæ Virginis, retento veteri apud Præsepe iure sepulcri, honorificè reconditur.

## NOTAE.



*X* Symbolo Leonis, qui Hieronymo appingitur, ingenium illius accipe magnanimum & imperterritum, quo praeforis Catholicae Ecclesiae excubans, irruentes hereticos discolo, scrip-  
tisque tacerat.

Inter summos Ecclesiae ipsius Doctores, & Dignos recensitus, diem celebrem sui obitus retinet extremum Septembris.

Omnium aetatum scriptoribus imitandis, & dignis sua virtute  
elogijs honestatus est.

Illum Sanctus Augustinus Latine, Graece, & Hebraice eruditum in sacris locis, ac literis instar lampadis Ecclesiae resplenduisse, scribit in libro adversus Iulianum.

Inexpugnabilem turrem Catholicorum, atque insatigabilem hereticorum hostem appellat Marcellinus in Chronico.

Catholicorum Magistrum nomen patet Cassianus lib. 7. de Incarnatione verbi. Morum exemplum, & mundi Magistrum dicit Prosper in libro de Ingrat.

Vitam ipsius olim à quodam imperito fabulatore titulo Enseby, vel Cyrilli Hierosolymitani conscriptam iure merito rejecit Baronius in Annal. tom. 5. & alteram ex operibus Hieronymi concinnatam, auctore Mariano Victorio, commendat ex qua hoc elogium constat.

Purpurei galcri insignia, & Cardinalis titulum eruditiores non admittunt.

Vulgatum Leonis miraculum non Hieronymo, sed Gerasimo Anacoreta contigisse in confesso est, sed apud secula minus erudita ex nominis propinquitate aliter sursum.

Qui laudatores Hieronymi audisti, etiam ipsius hostem maledicentem nosse Palladium Galatam, Rufinum & Eusebii sodalem, in memoria. ipsius Hieronymi numero 78, in Possidonio num. 77. & in Paula Romana num. 125.



# INDEX ELOGIORVM.

Iacobus Cauacius.	(In vesti- bulo O-	Serapion Arsinoita.	81
Benedictus Nursinus.	peris.	Pityrion Aegyptius.	85
Paulus Thebæus.	7	Eulogius Aegyptius.	89
Antonius Aegyptius.	13	Apelles Faber.	93
Hilarion Palæstinus.	19	Origenes Aegyptius.	97
Abrahamus Syrus.	25	Enagrius Ponticus.	101
Malchus Syrus.	31	Orus Aegyptius.	105
Ioannes Aegyptius.	37	Copres Aegyptius.	109
Theonas Oxyrinæus.	41	Macarius Aegyptius.	113
Apollonius Hermopolites.	45	Macarius Alexandrinus.	119
Mutius Pollinctor.	51	Anubis Aegyptius.	125
Helenus Aegyptius.	57	Chronion Phœnicæus.	129
Ioannes Rectus.	63	Amon Nitriotes.	133
Paphnutius Heracleotes.	67	Onuphrius Aegyptius.	139
Didymus Celliensis.	73	Piamon Diolcenus.	145
Heliæ Antinoita.	77	Hieronymus Dalmata.	149

---

Quicquid ex alijs desumptum, quicquid à nobis adiectum  
est, Catholicæ censuræ subiectum  
esto.

Si quid impiè, imperitè, vel indecorè insertum pij lectoris mentem  
solicitaueit, irritum, cassum, nullumque, & præter voluntatem au-  
ctoris irrepsisse, idem fatetur, reuocat, deletque.

ROMÆ Typis Iacobi Dragonelli MDCLXI.

*De licentia Præsidentum.*













